

رواية ابنتي ولكن بقلم ياسمين علي الفصل الأول

فاطمة: ازيك يا وعد يا حبيبي

وعد: الحمد لله يا ابلة فاطمة ... حضرتك عاملة ايه وعمر
وسندوسة فينهم

فاطمة: كويسة يا حبيبي .. عمر نزل شغله وسندوس لسه
مصحتش نوم الظالم عبادة

وعد بضحك: ليه بس كدا دي عسولة اوي والله

فاطمة: انتي الي عسل والله يا حبيبي .. انتي نازلة بدري كدا
راحة الكلية !

وعد: لا انا خدت اجازة اسبوع .. هروح عند خالتو عائشة
وحشتني اووي وعاوزة اشوفها

فاطمة: طب وصللها سلامي ونبي علشان هي وحشاني انا كمان
والله الست عائشة دي بركة عمارتنا من غيرها العمارة زي
مانتي شايفة كدا مضلمة

وعد: حاضر يا ابلة فاطمة هسلمك عليها

فاطمة: توصلي بالسلامة يا حبيبتي

وعد: الله يسلمك

*وصلت وعد فيلا الهاللي *

وعد: ايوة ع جنب هنا لو سمحت ... شكررا

سلامة: الست وعد يا اهلا وسهلا .. دي الست عائشة

هتفرح اووووي

وعد: ازيك يا عمو سلامة وازاي الاولاد

سلامة: الحمد لله كلهم بخير .. وانتي ايه اخبارك يا بنتي

وعد: الحمد لله يا عمو اهو كويسة ... هي خالتو عائشة

صحيت

سلامة: الست عائشة صحيت من ساعة وزمانها في المطبخ

بتحضر الفطار

وعد: شكرا جدا يا عمو

سلامة: العفو يا بنتي

في المطبخ

عائشة واقفة بتجهز الفطار ووعد داخلة ببطء ومن غير صوت
وحضنت عائشة من ظهرها

عائشة بفضع: بسم الله الرحمن الرحيم .. ميين وعد
يا احبيبي يابنتي وحشششتيني اوووي وخذتها في حضنها
وعد بتبادلها الحضن: وانتي كمان يا خالتو والله وحشششتيني
اووووي

عائشة: مقولتليش ليه انك جاية كنت بعث سلامة يجيبك
من محطة القطر

وعد: مالهوش لزوم بقا انا قولت اعملك مفاجأة.

عائشة: واحلي مفاجأة في الدنيا وبتبوس وعد

صوت من بعيد: يا عائشة ... انتي ياللي اسمك عائشة

عائشة: حاضر ياست هانم جاية ...

وعد يا احبيبي افطري وانا هروح اشوفي الست هانم واصحي
سيفي وفرح واجيلك

وعد: لا استني بس انا فطرت روجي انتي لست هانم وانا

هروح لسيفي .. اقصده صبحي سيفي وفرح متقلقيش

عائشة: ماشي متأخريش بس

وصلت وعد اوضة سيفي فرحانة انها هتشوفوا بتفتح الباب،
سيفي نايم ع السرير باهمال بهدوم الخروج وبالجزمة وفتح
زارير القميص.. انتهت

وعد: سيفي .. سيفي اصبحي الفطار جهز

سيفي: سبيني انام انا راجع الصبح وملحقتش انام... وشد
الغطا عليه

وعد شالت الغطا من عليه: ... ع الاقل قوم غير هدومك دي
وكمل نوم

سيفي فتح عينه شافها قام بعصبية: وانتني ماالك ... انتي
دخلتي هنا ليه اصلا !

وعد بتوتر وخوفي: خالتو عائشة هي اللي قالتلي اصحيك تفطر

سيفي: شكرا ياستي ... قولتلك عاوز انام اتفضلي اخرجي

وطفي النور

وعد: حاضر

خرجت وهي مضايقة

نهلة: ساعة بناادي عليكي... كنتي فيين !

عائشة: معلش ياست هانم وعد جت وكنت ...

نهلة: خلاص خلاص مش لسه هتحيكي ... المهم كمال خرج

امتي

عائشة: من نص ساعة ياهانم

نهلة: والولاد لسه مصحوش

عائشة: وعد طلعت تصحيهم ياهانم..

نهلة: وهي وعد جاية زيارة يوم ولا هتقعد

عائشة: هتقعد اسبوع ياهانم بعد اذن حضرتك

نهلة: بعد اذني فين ماهي جت خلاص

عائشة بزعل: تحبي تأمريني بحاجة

نهلة: لا روجي شوفي شغلك

عائشة: حاضر ياهانم .. ومشيت

نهلة بپرطمة: قال جاية تقعد اسبوع قال فاكرة نفسها في بيت
اهلها

في شركة كمال الهلالي

كمال: انا معرفتش انام طول الليل ونزلت الشغل اول لما
صحيت .. انا مش عارفي اعمل ايه في الورطة دي ياسعيد
اتصرفي .. شوفلي حل

المحامي سعيد: اهدأ ياكمال بيه كل حاجة وليها حل

كمال: اهدا ازاي وكل حاجة بتضيع من ايدي !

المحامي: مافيش غير حل واحد للموضوع داا

كمال: ايه هوو .. اتكلم

عائشة دخلت المطبخ وهي متضايقه ووعده كمان كانت في
المطبخ متضايقه

عائشة: وعده صحتيهم

وعده: اه ياخاله فرح صحت

عائشة: وسيفي !

وعده: مصحاش .. انتي فيكي حاجة ياخاله مالك اوعي تكون
العقبة ضايقتك !

عائشة: اتعودت يا بنتي خلاص

وعده: يبقا ضايقتك .. انا هعرفها ازاي تضايقتك

عائشة مسكت ايدها: وعده انا مش عاوزة مشاكل مع حد مش
عاوزه حد يكرهك يا حبيبي

وعده: انتي تابعه نفسك ليه ياخاله ايه يخليكي تستحملي
الاهانة ... معاش جدو يعيشنا وان كان علي مصاريفي كليتي انا

انزل اشتغل

عائشة: انتي عارفة رأي في الموضوع دا كويس يا وعد مافيش
شغل قبل ماتخلصي دراسة ... وبلاش كلام كتيير ودي الاكل
ع السفارة معايا يلا

وعد بتنهيده: حاضر يا خالتو

فرح: جود مورنينج يمامي

نهلة: جود مورنينج يا حبيبي .. سيفي صحا ؟

فرح: معرفش .. بس تقريبا لا

نهلة: كان سهران لوش الصبح طبعا مع الجرابيع صحابه زي
كل يوم

فرح بتأكل ولا ع بالها كلام امها

نهلة بعصبية: انتي يابنت انا مش بكلمك.

فرح: عادي يمامي مايسهر هو وراه حاجة

نهلة بغيط: لا مش عادي المفروض ينزل الشغل مع ابوه

يشوفي حالنا ومالنا ويجي يقولي بدل ما ابوكي مبيحكليش اي
حاجة خالص

فرح: مامي انا خارجة مع اصحابي ... يلا سلامم
نهلة بعصبية: انا هتتشلل من البيت دا مافيهوش حد حاسس
بياااا

موبايل سيفي بيرن

سيفي بنوم: ايوة .. ايه ياخالد

خالد: ايه ياعم انت فينك شكلك لسه مصحتش

سيفي: لا لسه .. هي الساعة كام

خالد: الساعة 8 ياعم .. انجز بقا كدا علشان عاوزين ننزل .. اما

انا محضرلك حتة سهرة

سيفي: لا مش قادر اخرج انهاردة

خالد: طيب انا هجيب احمد ونجيلك

سيفي: ماشي مستنيكم .. سلام

قفل و كمل نومه تاني

وعد بتفتح الباب

خالد: ايه القمر داا

وعد: نعم!

احمد زغدوا: هو سيفي مصحاش

وعد: مش عارفة اتفضلوا وهشوفوا

خالد: ماشي يا قمر

-وعد بصتله بقرفي ومشيت

احمد: ماتهدا ياعم مالكش دعوة بجد هنا .. عيب دانت في

بيت صاحبك

خالد: ماهو لو صاحبي بجد مكنش خبي عليا القمر دا

احمد: طب اسكت ونبي اسكت

نهلة: مين اللي جه

وعد: دول صحاب سيفي هطلع اصحيه ينزلهم

نهلة: لا خليكي انا هشوفوا

وعد: حاضر

في اوضة سيف

نهلة: يعني انت جايب صحابك وحضرتك نايم

سيفي: هما جم من امنا

نهلة: لسه جاين ومستنينك تحت ممكن تصحا بقا

سيفي: حاضر ياست الكل من غير متتعصبي انا صحيت اهو

نهلة: وانتو يفرق معاكم عصبيتي اذا كنت انت ولا ابوك ولا

اخذك..

سيفي بصوت واطي: ااه المرشح هيبداً

نهلة: بتقول حاجة !

سيفي: بقول ان مينفعش القمر دا يتعصب وباسها من خدها

نهلة: ماشي يابكاش خلص وانزل علشان صحابك

سيفي: حاضر ياروحي

سيفي نزل لصحابه

خالد: انا مش قايلك ياعم ان احنا جايين مصحتش ليه
سيفي: مش عارفي القيهها منك ولا من امي ياعم سلم وانت
ساكت

خالد: ماشي ياعم .. كنت عاوز اسألك ع حاجة كدا شوفتها
و...

احمد: خالد !

سيفي: في ايه مالكم

خالد: لا خلاص يلا نلعب بلاستيشن

في المطبخ

وعد: بتعملي ايه يا جميل

عائشة: خضتيني .. بعمل عصير لسيفي واصحابه

وعد ببرطمة: قال صحاب قال دا انسان مش محترم

عائشة: بتقولي حاجة يا وعد

وعد: لا يا خالتو مبقولش

عائشة: طيب انا هاخذلهم العصير و... عائشة داخت ووعد
سندتها.

وعد: خالتو ماللك ! تعالي تعالي استريحي .. وجبتلها كوباية
ماية

وعد: خدي يا خالتو اشربي .. انتي كويسة

عائشة: متقلقيش يا بنتي شوية دوخة بس وهيروحو لحالهم

وعد: لا يا خالتو .. خليكي انا هودي العصير متتحركيش عقبال
ماجيلك

-طلعت بالعصير بتقدملهم وخالد مشالش عينه من عليها

عطيت العصير لاحمد

وعد: اتفضل

احمد: شكرا.

بتدي العصير لسيفي وعلي وشها ابتسامه

وعد: اتفضل ياسيف

سيفي: مش شايفاني بلعب حطي وانتي ساكتة..

اتضايقت وبصيت لخالد لقيته متنحلها سابت العصير قدامه

وبصيتله بقرني ومشيت

خالد: فيه ايه ياعم انت مابراحة ع الجنس الاخر

سيفي: خليك في حالك ونبي وركز في اللعب

خالد: لعب ايه بس ... انا مركز في حاجة تانية خالص

في المطبخ

عائشة: طلعتي العصير ياوعد

وعد: اه ياخالتي .. انتي بقيتي كويسة

عائشة: اه بقيت كويسة يا حبيبتي... انتي فيكي حاجة !

وعد: لا يا خالتو .. انا هطلع اشم هوا بس في الجنينة

عائشة: ماشي يا حبيبتي

وعد بتكلم نفسها

- هتفضلني تحبيه حد مبيحبكيش لحد امتي !

=اكد هيحس بيا في مرة ويحبني اكد انا اتحب انا مش وحشة

- انتي مش وحشة .. وكل الناس تتمناكي بس هو مش بيحبك

شيلي من دماغك

= مش عارفة اشيله حاولت كتير مش عارفة.. انا بحبه هو

وبس رغم عيوبه رغم معاملته ليا انا بحبه .. يارب متعلقش

قلبي بحد مش ليا يارب

ورجعت الفيلا تاني

خالد: مقولتلناش بقا ياعم ... مين القمر اللي عندكم دي

سيفي باستغراب: قمرر !

خالد: قمر شوية عليها والله

احمد: ماتهدأ يا عم خالد

سيفي: قول حاجة وني دا شكله شارب

خالد: لا دانا فايق اوي .. ومركز انك اخرجت البت قدامنا

احمد: خالد عنده حق ياسيفي .. مكنش المفروض تكلمها كدا
ع الاقل مش قدامنا هي اخرجت اكيد .. دا غير ان حاسس
انها بتحبك

سيفي: انت هتهرتل ولا ايه مين دي اللي تحبني .. دي تبقا
اتجننت رسمي لو فكرت كدا هي هتنسا نفسها .. دي مجرد
خدامة عندنا ... خدامة وبس ومش هتكون غير كدا

وعد وقفت مصدومة من الكلام اللي سمعتوا

موبايل نهلة بيرن

نهلة: ايوة ياكمال انت فين و...

كمال: اسمعيني كويس فاللي هقولو ومش عاوز حد يعرفني

حاجة ولا حتي الولاد
نهلة: خير ياكمال قلقتني

وعد واقفة مصدومة والدموع كانت هتنزل من عينها ...
مسمحتش لنفسها تعيط واستجمعت نفسها وراحت لهم
وعد: انت اززاي تتكلم عني بالطريقة دي !
سيفي: انتي بتتصنتي علينا .. حلو علشان لو في حاجة من
نحيتك تنسيها..

وعد: ايه الثقة اللي بتتكلم بيها دي مين قالك اني بحبك اصلا
ولا ممكن ابص لشخص متكبر زيك وانت اززاي تقول عليا
خدامة اصلا

سيفي: اه خدامة اللي تطلع تصحيني تبقا خدامة اللي تجبلي
العصير لحد عندي تبقا خدامة

وعد بغیظ مسكت العصير وحذفتوا في وشه

وعد: واللي تقلبوا عليك تبقا ايه !

سيفي: انتي اتجننتي ... وشدها من ايدها جامد

احمد: اهدا ياسيفي وسيبها

سيفي زقه وشد وعد وهي بتحاول تبعده عنها

سيفي: اخررسي واطلعي برا

وعد: سيبي يامتخلف

كمال: سامحيني يانهلة ومنتخليش الولاد يزعلوا مني

نهلة في عالم تاني وفاقت ع صوت زعيق نزلت تجري

كمال: نهلة .. نهلة !

المحامي: في حاجة ياكمال بيه

كمال: لا مافيش .. يلا بينا

نهلة نازلة ع السلم وعائشة جاية تجري من المطبخ لقيت
سيفي ماسك ايد وعد بيطردها طلعت تجري شدت وعد منه

عائشة: انت بتعمل ايه سييها

سيفي: دادة عائشة انتي علي عيني وعلي رأسي انما دي مش
هتقعد في البيت ثانية واحدة

عائشة: انتي عملتي ايه يا وعد انطقي

سيفي: عملت ايه ؟ قولي معملتش ايه الهانم بتتصنت عليا
وبتبجح وقلبت العصير عليا

عائشة: انتي عملتي كدا يا وعد !

وعد: هو اللي قال...

عائشة بعصبية: ردي ع قد السؤال انتي اللي قلبتي عليه
العصير

وعد: اه علشان ..

عائشة ضربتها بالقلم

وعد بعياط: انتي بتضرييني ياخالو علشان واحد مغرور زي دااا

عائشة: مسمعش صوتك قدامي نلم حاجتنا ونمشي

وعد بصت لسيفي باستحقار وهو علي وشه الفرحة والانتصار

* نهلة وقفة تتفرج ومافيش اي رد فعل منها *

* وعد وعائشة رجعوا اسكندرية ووعد ساكتة وعائشة زعلانة
علشان ضريبتها *

* في فيلا كمال الهلالي *

الباب بيخبط .. سيفي بيفتح

الظابط: دي فيلا كمال الهلالي

سيفي: ايوة

الظابط: انت كمال الهلالي

سيفي: لا انا سيفي الدين الهلالي ابن كمال الهلالي

الظابط: ادخلوا فتشوا الفيلا

فرح نازلة تجري ع السلم: في ايه ياسيف

سيفي: اهدي يافرح ... حضرتك يافتشوا الفيلا ليه هو في ايه

الظابط: معانا امر بالقبض ع كمال الهلالي

سيفي وفرح: باااااااا !

ياتري كمال الهلالي عمل ايه .. واياه المكالمة اللي كانت بينه
وبين نهلة مراته ... هنعرفي في الفصول الجاية .. اتمني تكون
عجبتكم .. متنسوش تقولوا راايكم

رواية ابنتي ولكن بقلم ياسمين علي الفصل الثاني

في الاسكندرية في بيت عائشة

عائشة حضرت الاكل وبتبص بزعل ع اوضة وعد اللي
مخرجتش منها من وقت رجوعهم

عائشة بتخبط ع اوضة وعد

...: ممكن ادخل

وعد بتمسح دموعها بسرعة: اه .. اه طبعا اتفضلي ياخالتي
عائشة: انا حضرت الاكل تعالي كلي انتي مأكلتيش من امبارح
وعد بتداري وشها: انا شبعانة ياخالتي شكرا

عائشة بزعل: وانتي لما تداري وشك مني مش هعرفي انك
معيطة ... انا بحس بيكي يا وعد .. دانا اللي مربياكي يابنتي .. انا
اه بعترفي انا غلط في حقك .. بس انتي غلطي في حقي الاول
يا وعد..

وعد بزعل: انا ياخالتي انا اغلط في حقك !

عائشة: ايوة يا وعد .. انا بنتي اللي مربيتها متعملش كدا .. الي
عمليتي دا مش تصرفي بنت محترمة .. انتي صغرتيني قدامهم
وقدام نفسي

وعد: لا ياخالتيو ... اللي عملتوا دا الصبح.

عائشة: والصبح بالنسبالك انك تتصنتي علي الناس .. انا ربيتك
علي كدا يابنتي

وعد بعياط: والله ياخالتيو ماكان قصدي والله انا داخلة
بالصدفة

عائشة: ودلق العصير عليه صدفة بردك..

وعد: يستاهل اكر من كدا ... دا وصفني باني خدامة ياخالتيو
ودا معناه انه معتبرك انتي كمان كدا

عائشة بحسرة: وايه يعني .. ماهي دي الحقيقية يابنتي احنا

هنضحك ع بعض انا خدامة عندهم

وعد: لا ياخالتي انتي عمرك ماتبقي خدامة ... انتي اللي ربتهم
وقت ماكان اهلهم مش فضينلهم ... ازاي عاوزني اسمع كدا
واسكت

عائشة: انا نبهتك ياوعد قولتلك مش عاوزة مشاكل مع حد
يابنتي .. انا مش عاوزة حد يكرهك
وعد: انا اسفة ياخالتي..

عائشة حضنتها: انا اللي اسفة يابنتي انا اللي مديت ايدي عليكي
ياحبيبي حقك عليا يابنتي متزعليش ... وغلاوتك ماهتكرر تاني

وعد بعياط: مقدرش ازعل منك مهما عملتي انا ماليش غيرك

عائشة: طيب روجي اغسلي وشك، العيون الحلوين دول
مينفعش يعيطوا تاني، انا حضرتلك الاكل اللي انتي بتحبيه
ياحبيبي نتلم ع طريزة واحدة زي زمان، وهنفضل دايمًا مع
بعض خلاص مافيش شغل تاني.. معاش جدك الله يرحمه
يكفيننا الحمد لله

وعد: بجد ياخالتي..

عائشة: ايوة يا حبيبتي انا كبرت خلاص مش حمل شغل ... يلا
مترغيش كتير روجي اغسلي وشك علشان نأكل
وعد: حاضر يا خالتو انا جاية وراكي اهو

عائشة خرجت

وعد بتفكر في اللي حصل بينها وبين سيفي اتنهدت جامد و
دمعت

وعد: يا ارب معجزة من عندك ... وبعدين خرجت من الاوضة

=وعد مكنتش بتعيط علشان عائشة ضربتها .. وعد كانت
اتأكدت ان اي حاجة كانت بتجمع بينها وبين سيفي راحت
للابد ... وانه اكيد بعد اللي عملتوا مش طايق يبص في وشها
وهي نفس الحكاية بس للاسفي لسه بتحبوا

نرجع لفيلا كمال الهلالي

فرح بتعيط ونهلة واقفة مبتكلمش

سيفي: لو سمحت انا عاوز افهم بابا مطلوب القبض عليه
بتهمت ايه ... اكيد في سوء تفاهم

الظابط: والد حضرتك واخذ قرض من البنك بضمان املاكه
والبنك رفع عليه قضية نصب واحتيال

فرح: استحالة بابا يعمل كذا اكيد في سوء تفاهم اكيد

الظابط: والله لو في سوء تفاهم بجد والد حضرتك يجي ونعرفي
منه ...

العساكر: مش موجود في الفيلا يافندم

الظابط: طب في الحالة دي اتفضل معايا ياسيفي بيه

فرح: هتاخدوا علي فين مش هيروح في حنة

سيفي: اهدي متخافيش يافرح

الظابط: لو سمحت بهدوء اتفضل معانا هنسألك كام سؤال
وهتمشي

سيف: ماشي ممكن حضرتك تتفضل وانا هاجي وراكم بالعربية.

الظابط: تمام

فرح بعياط: انت بتقول ايه ياسيفي انت رايح فين وساييني

سيفي: متخافيش مش هتأخر .. كلمي اونكل سعيد يحصلني

فرح منهارة: ماما انتي ساكتة ليه خدوا سيفي ياماما ردي عليا

نهلة: قومي نلحق اخوكي .. يلا

فرح: اونكل سعيد اتصرف

المحامي سعيد: اهدي يانسة فرح انا هدخل اشوفي ايه

الحكاية

فرح: ان شاءالله خير .. وبتبص لامها اللي سرحانة

سعيد: سعيد ابوالمجد محامي عائلة كمال الهلالي .. اقدر اعرفي في ايه وسيفي بيه هنا ليه

الظابط: واحدة واحدة يااستاذ سعيد ... بناخد كلمتين من سيفي بخصوص والده ... وغريبة حضرتك تكون محامي العيلة ومتعرفش ان كمال الهلالي واخذ قرض بالمبلغ دا كله علي اساس يقوم مشروع كبير ليه علاقة بمستثمرين اجانب ... والمشروع عدا معاد تنفيذه ومبدأش..

المحامي: اكيد طبعا اعرفي الموضوع دا كله

الظابط: حلو .. يبقا اكيد تعرفي مكان كمال بيه

المحامي: هعرفي مكانه منين لما حضرتكم مش عارفين مكانه .. انا محامي العيلة بس ... واظن انت خلصت كلامك مع سيفي يقدر يتفضل

الظابط: اه يقدر يتفضل ... بس متنساش ياسيفي لو عرفت اي معلومة عن ولدك تبلغنا دا في صالحه مش ضده

المحامي: اكيد هيعمل كدا..

الظابط: وياريت انت كمان ... انت عارفي التستر ع هارب يعتبر
جريمة

سعيد بابتسامة: طبعا .. بعد ازنك

خرجوا من عند الظابط وسيفي مصدوم

فرح جريت علي سيفي: في ايه طمني .. طلع سوء تفاهم صح
... انت ساكتت ليه ررد عليا .. بابا برئ صح

سيفي: بابا نصاب..

فرح بعصبية: انت ازاي تقول ع بابا كدا ... بابا لا يمكن يكون
نصاب

سيفي: لاااا نصاب وهرب وسبنااا

فرح: انا مش مصدقة لااا بابا استحالة .. ماما قولي حااجة

المحامي: انا من رأيي نهدأ علشان نلقي حل و الكلام دا يكون في

البيت مش هنا

سيفي خد عربيته ومشي وسبهم

في الاسكندرية

عائشة بتصلي وتدعي بعياط: يارب سامحني علي اللي عملتوا
يارب .. وعد متستاهلش مني كدا ... يارب متحرمنيش منها
ياررب .. انا ماليش غيرها وهي مالهاش غيري .. يارب
متوجعش قلبي عليهاولا توريني فيها حاجة وحشة ... انت
عالم باللي جوايا سامحني واجعلها تسامحني

وعد: خالتو .. ياخالتو انتي فين

عائشة: السلام عليكم ورحمة الله .. السلام عليكم ورحمة الله
..تعالى ياوعد انا في الاوضة..

وعد: حرما ياجميل

عائشة: جمعا ياحببتي

وعد: اوعي تكوني نسيتي تدعيلي

عائشة: دعيتك يا حبيبتي هو انا ليا غيرك

وعد: ربنا يخليكي ليا يا احلي خالتو ... انا هروح اعملنا فشار بقا
كدا عبال مالمسلسل يبدأ علشان نظبط القعدة

عائشة: ماشي يا وعد روحي وانا جاية وراكي

وعد راحت تعمل فشار

سيفي رجع البيت

نهلة: انت كنت فين وسايبنا

سيفي: كنت مع اصحابي وطالع انام تصبجي ع خير

نهلة: استنا عندككك ... بزمتك انت عندك دم .. سايبنا في

الورطة دي وتقولي طالع انام

سيف: الورطة دي مش انا السبب فيها

نهلة: اللي سبب فيها سبنا ومشني انت كمان هتعمل زيه !

سيفي بنرفزة: ااه انا اللي هшил الليلة دي لوحدي هو ياخذ
الفلوس ويهرب ويبقا نصاب وانا اللي اتحاسب

نهلةة: اخرص ابوك مش نصاب

سيفي: اومال خد المبلغ دا كله وخطوا في دار ايتام فهميني انا
هتجنن

نهلة بتوتر: انا معرفش حاجة معرفش

وعد: انا جيب الفشارر و... ابيه دا المسلسل بدء

عائشة: اقعدي اهو لسه بدء دلوقتي

وعد: بصي ياخالو البطل بيحب البطلة ازاي

عائشة بابتسامة: ربنا يوعدك يابنتي

وعد: يارب ياخالو .. ايه داا هو لحق يجي اعلان

عائشة طب انا اقوم الم الغسيل عبال مايجي

في التلفزيون

المذيعة: خبر عاجل لقد قام بعض رجال الشرطة بمحاولة
القاء القبض علي كمال الهلالي صاحب شركات الهلالي
للمنسوجات ولكن فشلوا لانه قد قام بالهرب بعد اخذه قرض
بمبلغ 65 مليون دولار ولم يتم سدد المبلغ في المهلة المحددة
.. وجاري التحفظ ع جميع ممتلكات كمال الهلالي

عائشة: يا حول الله ياررب .. يا حول الله يارب .. دا حصل ازاى
دا

وعد: اهو اللي قال عليا خدامة .. ابوه طلع نصاب

عائشة: عيب يا وعد كمال بيه رجل محترم لا يمكن يعمل كدا

وعد: ما هو اكيد مش مقلب رامز جلال يا خالتو ... ما هو
قدامك اهو المذيعة قالت هو يعني في كام كمال هلاي في البلد

عائشة: معرفش بس في حاجة غلط... انا لازم أرولحهم

وعد: نعم ! احنا مالنا يا خالتو خلاص انتي مشيتي من الشغل

عائشة: لا يابنتي دا لحم كتافي من خيرهم لازم اقفي جنبهم في
المحنة دي ... جهزي لي هدومي بسرعة
وعد: حاضر يا خالتو

سيفي: اززي متعرفيش فهميني ... اكيد حكاك عن القرض دا
نهلة: بقولك معرفش ابوك مكنش بيحكيلي حاجة
فرح نازلة تجري ع السلم: الحقوا جابوا الخبر في التلفزيون
نهلة: اتفضحنا خلاص .. كان مستخبلنا فين دا كله يارب
فرح: كل اللي همك الفضيحة .. مش همك بابا .. مش همك
اننا هنترمي في الشارع بعد ما يحجزوا ع الفيلا
نهلة: يحجزوا ع الفيلا ! احنا لازم نفكر هنعمل ايه..

سيفي: لازم الاول نعرفي بابا فين

نهلة: هنعرفي منين زمانه سافر

سيفي باستغراب: وانتي عرفتي منين انه سافر

نهلة بتوتر: اا انا بقول ان هو اكيده مش هيهرب جوا مصر يعني
... انا هكلم حد من قرايبنا نروح عنده
فرح: ماشي وانا هحضر الشنط..

موبايل سيفي بيرن

سيفي: ايوة ياخالد

خالد: اللي سمعتوا دا بجد ... ايه حصل

سيفي: ايوة بجد احنا في مصيبة ومش عارفي اتصرف

خالد: اهدا طب وانزلي انا واحمد في الكافية

سيفي: لا مش هينفع اسيبهم لوحدهم هشوفي هعمل ايه

واكلمك .. سلام

في اسكندرية

وعد: ياخالـتو اسـتني طب للصـبح نـروحـلهم
عائـشة: سـبيني ياوعد اروح اشوفهم زمانهم لوحدهم دلوقتي
وعد: علشان خاطرني الوقت متأخر الصبح روجي علشان
خاطري
عائـشة: حاضـر ياوعد

*عائـشة مكنتش قادرة تستنا يادوب الفجر اذن ونزلت ركبت
القطر وسافرت القاهرة*
وعد صحت الصبح ملقتهاش في الاوضة: بردك ياخالـتو عمـلتي
اللي في دماغك

في فيلا كمال الهلالي
فرح: ماما كلمتيهم هنروح عند مين
نهلة: من امبارح محدش بيرد .. محدش هيقلنا بعد الفضيحة
دي
سيفي: والعمل ياماما هتروحوا فين

نهلة: مش عارفة ياسيف

سيفي: طب ابيع العربية بتاعتي ... هي باسمي مش هيتحجز
عليها

نهلة: لا متبعش حاجة .. هتتحل ان شاءالله هتتحل

عائشة: ايوة يابني ع جنب هنا نزلني

سلامة: انتي جيتي ياست عائشة .. الدنيا هنا مقلوبة خالص

عائشة: اللي سمعتوا دا بجد ياسلامة البيه هرب بالفلوس

سلامة: ايوة بجد البوليس .. كان هنا امبارح وخذوا سيفي بيه

عائشة: انا داخلهم استر يارب ... استر يارب

"عائشة دخلت الفيلا ... وفرح جريت عليها وبتعيط "

فرح: شوفتي اللي حصلنا يادادة عائشة

نهلة بصوت واطي: هي المشرحة ناقصة قتله

عائشة: اهدي يافرح يا حبيبتي بس

سيفي: انا اسفي يادادة بسبب اللي حصل اخر مرة
عائشة: مش وقته الكلام دا يابني اللي حصل حصل ... المهم
انتو هتعملوا ايه دلوقتي
نهلة: زي مانتي شايفة هنترمي في الشارع
عائشة: عيب ياست هانم الكلام دا وانا موجودة بيتي هو بيتكم
تنوروا في اي وقت
فرح: انتي احلي دادة في الدنيا..

" نهلة ملقتش قدامها حل غير كدا مؤقتا في وافقت "

نهلة: هحضر الشنط واجي وانت كمان ياسيفي جهز نفسك
سيفي افكر اللي حصل مع وعد وانه مش طايق يشوفها
سيفي: لا روحوا انتو وانا هروح عند حد من صحابي لحد
مانشوفي حل
نهلة: ماشي يا حبيبي ابقا طمني عليك

وسافروا مع عائشة

سيفي بيتصل بخالد

خالد: ايوة ياسيفي عملت ايه

سيفي: اتحجز ع الفيلا وماما وفرح راحوا قعدوا عند دادة
عائشة

خالد: طب وانت

سيفي: ماهو دا اللي بكلمك علشانه .. اقدر اجي اقعد عندك كام
يوم

خالد: والله ياسيفي لو مشلتكش الارض اشيلك انا

سيفي ابتسم

خالد: بس انت عارفي انا ابويا طاردني من البيت

سيفي: خلاص مافيش مشكلة

خالد: متزعلش مني

سيفي: مافيش زعل .. سلام

"سيفي نفخ وكلم احمد "

سيفي: ايوة يا احمد عامل ايه

احمد: انا كويس المهم انت ازيك

سيفي: انا مش تمام ومش لاقى مكان انام فيه بعد ما حجزوا ع
الفيلا

احمد: ازاي تقول كدا وببيت اخوك موجود... تعالي تنورني

سيفي: انا مش عارفي اشكرك ازاي

احمد: متقولش كدا ياعم احنا اخوات

سيفي حط الشنطة في العربية وركب وراح لاحمد

وصلوا بيت عائشة

عائشة: والله انتو هتنوروني ... دي وعد هتفرح اوووي بيكم

"نهلة بتبص ع دخلة العمارة بقرفي "

نهلة: انتي عندك بواب في العمارة يا عائشة

عائشة: ايوة ياست هانم

عائشة بتفتح الباب .. وعد جاية من اوضتها تجري

وعد: انتي جيتي ياخالتيو... استغربت

عائشة: تعالي ياوعد سلمي ع الهانم وفرح

وعد: اهلا وسهلا وبتبص لخالتيها..

عائشة: الست هانم وفروحة هينورونا عبال مالمشكلة تتحل

وعد: نعم... اقصد ينوروا ينوروا

فرح: ع فكرة بيتك حلو اوي يادادة .. نهلة بصيتها

عائشة: دا بيت ابويا الله يرحمه .. اتفضلوا انتو هتفضلوا

واقفين ع الباب ولا ايه ... دخلي معاهم الشنط ياوعد

وعد بتبرق لخالتيها ومتعصبة

عائشة: خلاص خليكي انا هدخلهم

وعد: لا ميصحش بردك وخذت الشنط تدخلها

عائشة: منورين

احمد: نورتي والله ياسيف

سيفي: بنورك يا حبيبي.. انا اسفي اني هزعجك بس

احمد: مافيش ازعاج ياسيفي انت اخويا و دا بيتك

ابو احمد: منورنا يابني... بعد ازتك عاوز احمد في كلمتين

احمد: طب بعد ازتك ياسيف

سيفي: اتفضل

ابو احمد: ايه دا يابني

احمد: ايه يابابا... صاحبي ولجأ ليا اقولو لا انت مرتنيش ع

كدا

ابو احمد: ايوة يابني مرتتكش ع كدا بس انت عندك اخوات

بنات مينفعش راجل غريب يكون في البيت

احمد: هو هيكون معايا... وسيفي محترم يابابا انا عارفه

ابو احمد: محترم زي ابوه كدا

احمد: ايوة يابابا محترم .. عاوزني اعمال ايه اطرده يعني

ابو احمد: لو انت مكسوفي انا اجبهالو بالزوق

احمد: لا يابابا متصغرنيش عيب

سمعوا صوت الباب بيتقفل

احمد طلع يجري ملقاش سيف

احمد: عجبك كدا يابابا... اهو سمع كلامك

ابو احمد: كويس انها جت من عنده

احمد بزعل ليه كدا بس وبيتصل ب سيف

احمد: انا اسفي ياسيفي والله

سيفي: متأسفش انا مش زعلان منك ... وباباك عنده حق

احمد: طب انت هتروح فين دلوقتي

سيفي: هتصرفي متقلقش سلام

"سيفي بيفكر هيعمل ايه مقدمهوش غير حل واحد"

في بيت عائشة

عائشة: اتفضلي ياهانم دي اوضتكم

نهلة: ايه اوضتكم دي .. هو مين هينام فيها

عائشة: حضرتك وفرح

نهلة: نعم ! انا مبعرفش انام جنب حد في الاوضة

وعد بتريقة: ليه هو اونكل كمال كان بيبات في الصالة

عائشة برقتلها وزغدتها

نهلة: لا يا حبيبتى اونكل كمال كان بيسهر في الشركة

وعد بتبرطم: اكيد كان بيهرب من وشك

نهلة: بتقولي حاجة !

وعد: بقول الله يعينه

عائشة: خلاص يا وعد بقا ... متضايقش نفسك ياهانم خدي

الاوضة وفرح تنام في اوضة تانية .. كدا كويس

نهلة: الي حد ما مش بطال

وعد ماسكة نفسها بالعافية

فرح: شكرا يادادة ع تعبك معانا

عائشة: ولا تعب ولا حاجة يا حبيبي ... وشدت وعد ... تعالي
نحضر لهم الاكل ونسيبهم يستريحوا .. يلا يا وعد .. خدتها
وخرجوا

فرح: انتي ازاي بتتكلمي كدا ياماما... دا ولا كأنك طالعة مصيف

نهلة: مصيفي ايه وقرفي ايه ... بزمتك دا شكل مصيف

فرح: احسن من الشارع ... اللي بتعاملليها وحش دي الوحيدة
اللي وقفت جنبنا .. احسن من قرايبنا اللي مبصوش في وشنا
حتي

نهلة: طب بس بلاش كلام فارغ .. لتسمعك وتاخذ في نفسها
قلم

فرح: زي مانتي مش هتغيري ابدا

عائشة بتشد وعد للمطبخ: تعالي هنا

وعد: اييه ! ايه ياخالو مسبتنيش اجيبها من شعرها ليه

عائشة: عيب يابنتي دول في بيتنا

وعد: ياريتها محترمة انهم في بيتنا فعلا .. لا دي بتتأمر ولا كأننا
خدامين

عائشة: معلش يابنتي مش واخدة ع الوضع واكيد اللي
حصلهم دا مش شوية بكرة تتغير

وعد: اللي زي دي لا بتتغير ولا بيأثر فيها حاجة ... اللي زي دي
عاويزة تعيش طول عمرها ملكة وغيرها يخدم عليها ... انتي
بس اللي طيبة ياخالو

عائشة: معلش ياوعد احنا احسن من غيرنا

صوت نهلة من بعيد: حضريلي الحمام يا عائشة

وعد بعصبية جاية تخرج لحقتها عائشة وبتضحك: يابت
اهدي بقا انا مش قادرة عليكى ولا ايه

جرس الباب رن

عائشة: يلا روجي شوفي مين ع الباب وانا هروح اشوفها عاوزة
ايه

وعد: حاضر ياخالنتو ... حاضر

وعد ماشية لحد الباب بتكلم نفسها: لازم وعد تقول حاضر
وتسكت لواحدة مغرورة ومش شايفة غير نفسها زي دي ...
ااه عاوزة اجيبها من شعرها ام سيفي الزفت هو كمان طالع
شبهها منكوا لله يا عيلة الهلالي منكوا لله

الجرس رن ثاني

وعد بعصبية: ماتصبرر هو انا عايشششة جنب الباب وبتفتح
... *بلمت للحظه*

وعد: سييييفي !

ياتري ايه هيحصل بين سيفي ووعد .. و نهلة هتعرفي تتأقلم ع
الوضع الجديد ولا هتفضل زي ماهي ... هنعرفي في الفصول
الجاية تابعوا .. متنسوش رايكم يهمني

رواية ابنتي ولكن بقلم ياسمين علي الفصل الثالث

وعد بعصبة: ماتصبرر هو انا عايشششة جنب الباب وبتفتح
... *بلمت للحظه*

وعد: سيبيبيبي !

سيفي وهو مش طايقها: دادة عائشة هنا

عائشة: مين اللي جه ياوعد

سيفي زق وعد ودخل: دادة عائشة حبيبي .. انا اللي جيت

عائشة: حمدالله ع سلامتک يا حبيبي... طب ماكنت جيت

معانا علي السكة يا بني

سيفي: والله يادادة انا لما فكرت قولت ياواد ياسيفي ازاي

هتعيش بعيد عن دادة عائشة حبيبتك

عائشة بتضحك

ووعد بتبصلهم بغيط: لاياشيخ .. يعني انت جاي علشان دادة

عائشة ولا ملقتش حته تقعد فيها غير بيت دادة عائشة

سيفي بصلها ومعبرهاش

عائشة: عيب يا وعد سيفي ينورنا في اي وقت

سيفي: حبيبتي يادادة عائشة ... يانصراني دايمًا .. وريني بقا
هنام فين لاحسن انا مقتول

عائشة: بعد الشر عنك يا حبيبي .. تعالي

" وعد واقفة متغاظة من معاملة عائشة لسيفي وراحت وراهم
"

عائشة: اهي يا حبيبي دي اوضتك .. هي محتاجة شوية تنضيفي
.. بس متقلقش وعد هتظبطها لك

وعد: وانا انضفها ليه ... وهو مكسح مايعملها هو

سيفي: دادة عائشة قولي للشئ دي تلم لسانها + اني مبعرفش
انضف

وعد: ليه هي مامي معلمتكش ولا ايه ...

سيفي: بقولك ابييه

عائشة: بااااس انت وهي احترموا وجودي ... وعد هتعملي اللي
قولت عليه ... وانت ياسيفي تعالي كل عبال ماتخلص

سيفي خارج من الاوضة وييبص لوعد بصة انتصار واستفزاز

"وعد بعصبية رزعت الباب في وشه"

وعد: كل حاجة وعد .. وعد ماشي ياخالتو

نهلة: ايه دا سيفي انت جيت امتا !

سيفي: لسه جاي

نهلة: حصل حاجة مع صحابك

سيفي: لا محصلش ياماما انا قولت اخليني معاكم بلاش نتفرق

فرح: سيفي حبيبي كويس انك جيت وهتبقا معانا

عائشة بتحط الاكل: والله انا مش عارفة اوصفلكم فرحتي

بوجودكم هنا معانا

سيفي: احنا اللي مش عارفين نشكرك ازاي والله

فرح: اه يادادة انتي الوحيدة اللي وقفتي جنبنا واكيد مش

هنسالك المعروف في دا

"نهلة بتبصلهم وهي مش طايقة مدحهم في عائشة"

عائشة: عيب ياولاد تقولو كدا انا عملت ايه يعني ... يجي ايه جنب اللي عملتوا معايا وانا طول عمري عايشة في خيركم

نهلة: عندك حق يا عائشة

فرح بصت لامها: عن اذنكم ... اه يادادة هو انا هنام فين
علشان ادخل هدومي

عائشة: انا كنت هديكي اوضة لوحداك ... بس سيفي لما جه
خدها ... بس متقلقيش انتي هتنامي مع وعد والسرير كبير
يكفيكم

نهلة: وانتي يا عائشة هتنامي فين..

عائشة: في اوضتي ياهانم

نهلة: طب حلو .. خدي وعد معاكي في اوضتك وفرح تنام في
اوضة وعد لوحدها

عائشة باحراج: اللي تشوفيه ياهانم

فرح بصيت لامها بغيظ: لا يادادة انا هنام جنب وعد في
اوضتها ... وجهت كلامها لامها: احنا مش جااين نخرج حد من
اوضته

نهلة: علي راحتك

سيفي: انا عندي حل احسن .. كل واحد ينام في اوضته ووعد
تنام ع الكنبه

وعد جاية: اللهم طولك ياروح..

سيفي: انتي لحقتي تروقي الاوضة

وعد: اه يادوب رميتك هدومك في الدولاب

سيفي: ماهو دا المتوقع منك

وعد: قصدك ايه !

سيفي: اقصد انك قليلة الزوق ..

وقام دخل الاوضة .. ووعد فضلت بصاله بغيظ

وعد دخلت المطبخ

وعد: سامعة كلامه يا خالتو

عائشة: اه وسامعة كلامك انتي كمان

وعد بزعل: هتدفعي عنه لحد امتي، بتحببيه اكرت مني، اه مانتي
كنتي عايشة معاهم وسايباني

عائشة: متخلقش لسه اللي احبه اكرت منك ولا هيتخلق، انتي
اغلي حاجة عندي، بس هما ضيوفي لازم نستحمل

وعد: اه ضيوف

عائشة: واعملي حسابك فرح هتنام معاكي في الاوضة

وعد: حاضر يا خالتو

عائشة: تسلميلي ياروح قلب خالتك

* في اوضة سيف *

سيفي دخل الاوضة لقتها متنضفة وريحتها حلوة بيفتح
الدولاب لقي هدومه مرصوفة بشكل جميل .. ابتسم

سيفي: دي مجنونة دي

رمي نفسه ع السرير بعد يوم صعب بنسباله

وعد: تصبجي ع خير يا خالتو
عائشة: وانتي من اهله يا حبيبتي

وعد راحة ع اوضتها وبصيت علي اوضة سيفي ... وعد: متكبر

"وعد دخلت الاوضة لقيت فرح بتحط هدومها في الدولاب"

وعد: تحبي اساعدك في حاجة

فرح: لا يا حبيبتي شكرا انا خلاص خلصت

وعد: طيب لو انت زي مامتك ومبتحبيش حد معاكي في
اللاوضة انا ممكن اروح انام مع خالتو...

فرح بابتسامة: لا انا مش شبه ماما... وبعدين انا المفروض

اشكرك انك هتخليني معاكي في اوضتك

وعد: مافيش شكر احنا اخوات

فرح: انا فعلا كان نفسي في اخت

وعد: يااه غالي والطلب رخيص ... ياستي انا اهو اعتبريني
اختك

فرح حضنتها: انتي جميلة اووي ياوعد .. مش غريبة اكيد انتي
شبه دادة عائشة

" وعد بدلتها الحضن وهي مبتسمة "

* نهلة في اوضتها بتفكر مع نفسها*

بقا كدا يا كمال .. تعمل فينا كدا .. بعد العمر دا كله ... ترمينا
الرامية السوداء دي ... انا بنت الاكابر اقعد عند الخدامة ...
ماشي ياكمال انا هصبر ماشي

اليوم التالي

سيفي صحي داخل المطبخ: صباح الخير يادادة
عائشة: صباح النور يا حبيبي .. معرفتش تنام ولا ايه

سيفي: لا انا نمت كويس ...هي ماما صحيت

عائشة: معرفش والله ياسيفي ..ادخل الحمام انت وانا هروح
اشوفها

نهلة واقفة سرحانة في البلكونة

الباب خبط

نهلة: ادخل

عائشة: صباح الخير ياهانم .. سيفي كان بيسأل عليكي

نهلة: ماشي انا جاية .. حضرتي الفطار

عائشة: 10دقايق ويكون جاهز

نهلة: ماشي روجي وانا جاية

علي الفطار عائشة بتحضر الاكل ونهلة وفرح ووعد قعدين ع
السفرة

وعد: او عا ع ريحة الفلافل اللي قالبة كياني دي

نهلة: فلافل !

عائشة: تقصد الطعمية ياهانم

وعد:لا هي فلافل

نهلة: طعمية ولا فلافل هو دا الفطار !

- فرح بصتلها

عائشة: تحبي تأكلي حاجة معينة ياهانم انزل اجبلك

نهلة: لا خلاص مش عاوزة

عائشة: هو سيفي فين

سيفي: انا جيت اهو يادادة

نهلة: انت لابس .. انت نازل ولا ايه !

سيفي: ايوة اكيد مش هفضل قاعد هنا

عائشة: طيب اقعد كلك لقمة قبل ماتنزل

سيفي قعد جنب وعد وقرب ع ودنها: متشكر اوي علي

اللاوضة كانت حلوة شبهك

"وعدت كانت بتأكل شرقت"

عائشة عطيتها مائة: مالك يا بنتي .. انتي كويسة

وعدت بتوتر: انا كويسة يا خالتو .. انا هروح اجيب مائة انتي

نسيتي تجيبي

عائشة: ماهي الماية في ايدك يا بنتي

وعدت شربتها: اهي خلصت يا خالتو هروح اجيب

سيفي بيأكل وهو مستمتع انه قلب كيان وعدت بكلمة واحدة

واتأكد انها معجبة بيه

" وعدت دخلت المطبخ وخطيت ايدها ع قلبها اللي عمال يدق

"

سيفي: الحمد لله ... انا هنزل بقا

نهلة: متتأخرش

سيفي: حاضر ياماما

سيفي مشي ووعد طلعت تكمل اكل

فرح دخلت تجيب حاجة من الاوضة

صوت حلو من بعيد:

في جوه قلبي حاجه مستخبية... كل لما باجي أقولها فجأه مش
بقدر... قدام عينيك بقفي وبنسى إيه يتقال...

فرح طلعت البلكونة تشوفي صوت مين الحلو دا معرفتش هو
مين بس فضلت واقفة تسمعه

...: ليه كل مره يجرى فيها كده ليا... وودي هي كلمة واحدة بس
مش أكثر... والكلمة ديه عندي فيها راحة البال ...

حبيتك

يوم ما إتلاقينا

لما حكينا أول كلام

حبيتك

وأحلفي على ده

تسمع زيادة ده أنا مش بنام...

فرح طلعت تجري ع وعد شدتها وهي بتأكل

وعد: في ايه يامجنونة .. اصبري طب فهميني

فرح: تعالي بسرعة

وعد: قوليلي طب مالك

فرح: في صوت حلو طالع من البلكونة دي ... صوت مين

وعد: اه دا تلاقيه عمر... استني بس انتي مجرجاني كل دا

علشان تسأليني ع الصوت

فرح: اه

وعد: انا بقول تلموا هدومكم وتمشوا..

فرح: في ايه يا وعد مش انتي قولتيلي اننا اخوات

وعد: شكلي هرجع في كلامي

فرح بزعل: بقا كدا

وعد بتضحك: خلاص ياستي متزعليش بهزار .. عاوزة ايه انتي

فرح: عاوزة اعرفي عمر دا قد ايه..

وعد برفعة حاجب وابتسامة: اكبر منك يافروحة

فرح بتوتر: لا انتي فهمتيني غلط .. انا بس عاوزة اعرفي الصوت

حلو دا صوت حد كبير ولا صغير

وعد: ليه هتقدميلوا في ذا فويس

فرح: هو انا ينفع اشوفوا وهو بيغني

وعد: لا مينفعش هو مبيتكشفش ع بنات

فرح: يا وعد بتكلم جد بقا..

وعد: خلاص بطلي زن هوديكي

فرح: ماشي يلا بينا

وعد: هنروح بالبجامة

فرح: اه حلوين اهو .. يلا بينا

عائشة: ع فين يا قمرات

وعد: هروح لابلة فاطمة وبالمره اشوفي سندوس علشان
وحشاني

عائشة: ماشي متأخروش

في الكافيه

خالد: مالك يا احمد مبوظ ليه كدا

احمد: زعلان بسبب اللي حصل امبارح

خالد: اللي حصل حصل ... ابوك معاه حق

احمد: لا مش معاه حق .. صغرنى اوي واكيد سيفي زعل

خالد: انت هتشيل نفسك زنبه .. هو انت اللي قولت لابوه

يهرب...

احمد: لا بس صاحبي احتاجني المفروض اكون جنبه ... دا

سيفي يا خالد صاحبنا اللي كان معانا من صغرننا

خالد: نعملوا ايه يعني

احمد: انت مافيش فايذة في الكلام معاك .. انا ماشي

خالد: خلاص ياعم اقعد .. اتصل بيه طب شوفوا

سيفي وقفي العربية ونزل بيفكر في اللي حصلهم

...موبايله رن

سيفي: ايوة يا احمد

احمد: عامل ايه ياسيفي .. اوعا تكون زعلان مني

سيفي: انا مش زعلان منك .. انا زعلان علي اللي حصلنا بس

هبقي كويس

احمد: طب انت قاعد فين

سيفي: في اسكندرية..

احمد: رocht لدادة عائشة

خالد: يابن اللعيبة ... راح للوتكة

احمد بصله ورجع كلم سيف

احمد: طيب ابقا طمني عليك .. اه وخالد بيسلم عليك

سيفي: الله يسلموا .. سلام

خالد: هو انا سلمت ع حد

احمد: انا غلطان اني بحسن صورتك ... وانت معندكش دم

خالد: معنديش دم ليه .. عاوزني اقعد حزين زيك وهو عايش
حياته هناك مع وعد

احمد: عايش حياته ايه دا صوته باين عليه الزعل ... وبعدين
ماقدامك هما اتخانقوا اخر مرة

خالد: بکرا تقول اني ع حق

احمد: بقولك ايه انا ماشي .. سلام

خالد: سلام يا ابو الصحاب

وعد بتخبط وهي بتطبل

فاطمة: حاضر جاية اهو .. يووة استنا يلي ع الباب

...وعد انتي جيتي من القاهرة امنا

وعد: لا دي قصة كبيرة اوي يا بلة فاطمة ... انتي عاملة ايه

فاطمة: الحمد لله يا حبيبي .. مين الحلوة اللي معاكي دي..

وعد: دي فرح قريبتنا جاية تقعد معانا كام يوم

فاطمة: تنور يا حبيبي

وعد: او مال فين فنا نا اللي مدوب قلوب البنات

فاطمة بضحك: عمر في اوضته استني هناديهولك

فرح: انتي ليه ما قولتلهاش الحقيقة

وعد: كدا احسن علشان محدش يعرف في اونكل كمال وممكن

يصدقوا انه نصاب ويتعاملوا معاكي وحش

فرح: ماشي

عمر: اهلا يا وعد عاملة ايه

وعد: الحمد لله يا عمورة انت عامل ايه

فرح بصاله ومن جواها بتقول: صوت قمر وشكل قمرين
عمر: الحمد لله يا وعد

عمر مستغرب ع اللي بتبصله جامد: اهلا ب حضرتك

فرح بتبصله وساكتة

وعد زغدت فرح: فوقي هتفضحيننا

فرح بتوتر: اهلا بيك

وعد: طب ياعمورة فرح سمعتك من البلكونة .. وانبهرت
بصوتك جدا وكانت عاوزة تسمعك فيس تو فيس كدا

عمر مستغرب بردك من نظرات فرح: ماشي معنديش مشكلة
تحيي تسمعي ايه يافرح

فرح: انت بتحب تغني ايه

عمر: شوفي اللي تحبيه انتي .. انا هغنيه

فرح: لا اختار انت..

وعد بصلهم هما الاتنين: لا احنا بننام بدري ... غني اي حاجة
يا عم عمر ... اقولك غني " بينا نعيش " لعامر منيب

فرح: الله بحبها اوي

عمر: خلاص نغنيها علشانك

بدء يغني ... تحت نظارات فرح ليه

من اول يوم في لقانا

خدني هواك عشت معاك

احلي سنين عمري ياغالي

بان علي طول ايه جوانا

لما العين جت في العين

ولا حسيت باللي جرالي

بيننا نعيش ده العمر ليله ماتقوليش نستنا ليله دي الايام جنبك

جميله وعمري ياغالي لقيته معاك

فرح بصاله ومبتسمه .. ووعد بتبصلها وفرحانة

قربلي كمان يا حبيبي

سيبني اعيش نفسي اعيش

ليه ما كانت علي بالي

م الاول وانا يا حبيبي بتمناك

قبل لقاك ياما قبلتك في خيالي

بيننا نعيش ده العمر ليله ماتقوليش نستنا ليله دي الايام جنبك

جميله وعمري ياغالي لقيته معاك.

فرح بتسقي: تحفة بجد صوتك

عمر: دا من زوقك بس

فرح: لا بجد جميل جدا

وعد: طب انا هروح اشوفي فين سندوس بقا

فرح: ماشي وبصيت لعمر

عمر: اتفضلي اقعدي

وعد: سندوسة اللي وحشاني

سندوس: طنط وعد .. وجريت عليها

وعد شالتها: وحشتيني اوي .. بتعملي ايه من غيري

سندوس: مس بعمل .. انا قعدة عاوزة حد يلعب معايا

وعد: وانا رocht فين يفرنساا ... انا العب معاك يا جميل

ياصغن انت

سندوس: انا بحبك اوي ياطنط وعد

وعد: دانا اللي بحبك اوي اوي ياروح طنط

* نهلة قعدة في اوضتها الموبايل رن رقم غريب *

نهلة: ايوة مين معايا

...: انا كمال يانهلة

نهلة: كمال ! جريت تقفل باب الاوضة .. وبتتكم بصوت
واطي... انت فين ياكمال .. دي عمايل تعملها فينا بردك ياكمال
... احنا اتبهدلنا اووي

كمال: اهدي وطميني ع الولاد

نهلة: مش كويسين .. بعد ما اتحجز ع الفيلا

كمال: طيب انتو روحتو فين..

نهلة: كل السكك اتقفلت في وشنا بس احنا روحنا عند عائشة
في اسكندرية

كمال: فيها الخير والله.. ست اصيلة ربنا يبارك في عمرها

نهلة: احنا فيها ولا فينا ...قولي هترجع امتا

كمال: لما اخلص اللي جيت علشانه هرجع .. خليبالك من
الولاد يانهلة سلام

نهلة: سلام

نهلة: عائشة .. يا عائشة

عائشة: ايوة ياهانم

نهلة: هو سيفي لسه مرجعش

عائشة: لا لسه ياهانم

نهلة: او مال فين فرح

عائشة: مع وعد عند الجيران

نهلة: نعم ! وهي تروح من غير ما تقولي .. كلميها تيجي

عائشة: حاضر

موبايل وعد رن

وعد: ايوة يا خالتو

عائشة: وعد تعالي يلا علشان تتغدوا... والهانم عاوزة فرح

وعد: حاضر يا خالتو

فرح: مقولتليش بقا انت خريج ايه

عمر: انا ياستي خريج تجارة انجلش

فرح: بجد ! انا كمان تجارة انجلش .. علي كدا بقا انت اتعينت
فين

عمر: لا متعينتش في حنة للاسف

فرح: ليه

عمر: محصلش نصيب ... المهم انتي لو احتاجتي حاجة انا
موجود

وعد: فرح يلا بينا

فاطمة: ع فين كدا اتغدوا معانا

وعد: معلش يا ابلة فاطمة .. خالتو عاوزنا ومامت فرح عاوزها

فرح: هشوفك تاني

عمر: اكيد

وعد شدت فرح: يلا..

فرح: ماشي براحة .. باي يا عمر
عمر ابتسم وواقفي مستغرب وسرحان
فاطمة: احم احم سرحت في ايه
عمر: ولا حاجة ياماما عمللنا اكل ايه بقا
فاطمة: حلة محشي تستاهل بقك
عمر: يا حلاوتك يام عمر

سيفي واقفي قدام البحر ومخنوق من كل حاجة وبيفكر فابوه
وفي الي حصلهم ومش لاقى حل .. ركب العربية ومشى

وعد وفرح رجعوا

نهلة: انتي كنتي فين !

فرح: كنت مع وعد

نهلة: ايوة فين يعني

فرح: في ايه ياماما هو تحقيق

نهلة: ردي ع السؤال

فرح: كنت عند الجيران

نهلة: وانتي تروحي عند ناس غريبة ليه..

فرح: ايه دا في ايه من امنا بتقوليلي اروح فين واجي منين

نهلة: من وقت ما ابوكي سابكم ليا .. اللي كنتي بتتحمي فيه

مشي خلاص .. من هنا ورايح .. الكلمة كلمتي

فرح: لاء فكرة انا مش صغيرة وعارفة انا بعمل ايه كويس

ومش هستأذن حد

عائشة: عيب كدا يافرح دي مامتك..

نهلة: ممكن متدخليش بيني وبين بنتي

عائشة: انا اسفة ياهانم ... تعالي ياوعد نخش جوا

"وعد ماسكة نفسها بالعافية وساكتة علشان عائشة "

فرح: ليه كدا.. ليه بتعملي كدا معاها .. حرام عليكى بجد ...
الست معملتكيش حاجة وحشة

نهلة: انا حرة انتي مش هتحاسبيني

فرح: صح انتي كمان مش هتحاسبيني .. عن اذنك

سيفي رجع داخل من باب العمارة

صباح: الحق يا عبده الراجل الغريب جه تاني

عبده: مالناش دعوة يا صباح خرينا في حالنا

صباح: مالناش دعوة ازاي يعني .. احنا لازم نفهم ايه اللي
بيحصل

عبده: وانتي مالك ياولية .. خرينا نشوفي شغلنا .. وخليكي في
حالك بقا

في المطبخ

وعد: هنتحمل لحد امتي

عائشة: لحد لما ربنا يزوح عنهم المشكلة دي

وعد: يزوح عنهم هما ! انا شايفة ان المشكلة بقيت عندنا احنا

مش هما ... ايه عايدلنا من كل دا .. قلة قيمة من واحدة

متسواش

عائشة: كله في ميزان حسناتنا يابنتي

وعد: هما مش مقدرين دا..

عائشة: احنا نبقا الاحسن

وعد بقهرة: ماشي ياخالو ... بس انا مش هستحمل اهانتها

ليكي دي تاني

عائشة: طيب يا حبيبي روجي ناديمهم يأكلوا

وعد مشيت

عائشة دمعت: كبرتي يا وعد كبرتي يابنتي

في اوضة سيف

وعد خبطت وفتحت الباب علطول

سيفي: نعمم !

وعد: تعالي علشان تأكل

سيفي: مش عاوز اكل .. واتفضلي اخرجي.. وتاني مرة متدخليش

غير لما اقولك

وعد باستغراب من طريقته: انت بتتكلم كدا ليه معايا !

سيفي: عاوزني اعملك ايه يعني ولا انتي فاكرة علشان قولتلك

كلمة حلوة هتشوفي نفسك ... لا فوق

وعد بعصبيه: لا فوووووق انت لنفسك بقا ... طول مانت هنا

تتكلم معايا عدل انا مش خدامتك انت هنا في بيتي

الكل جه ع صوتها

عائشة: في ايه يا وعد صوتك عالي ليه

نهلة: بنت لا عندها زوق ولا احترم ... تربية خدامين

فرح: بالعكس بقا انا مبسوفة باللي عملتوا .. لو مكانها هعمل
اكثر من كدا ... انا بحمد ربنا والله انها لحد دلوقتي مطردتناش

نهلة: هقول ايه مانتي طالعة لابوكي .. بيحن للاشكال دي

فرح: احسن حاجة قولتيها والله .. اني طالعة لبابا

{انتهى اليوم والكل نايم وهو يفكر في حاجة

وعد بتفكر في اللي عملتوا وبدءت تقتنع انها مش هينفع تحب
سيفي .. وفرح مشغول بالها بعمر اللي خد قلبها بصوته .. من
قبل ماتشوفوا

.. اما سيفي بقا في يفكر يكسر الاوضة ع وعد بعد اللي عملتوا
{

اليوم التالي

فرح: وعد .. وعد اصحي

وعد: في ايه يابنتي .. سبيني انام

فرح: لا تنامي ايه .. اصحي يلا

وعد: صحيت اهو اهدي بقا

عائشة: صباح الخير يا حلوين

وعد جريت حضنتها: خالتو اوعي تكوني زعلانة مني .. غصب

عني حصل كدا

عائشة في ودن وعد: انتي عملي الصبح انا كان لازم اعمل كدا ..

مش زعلانة منك ... يلا بقا انا راحة السوق عاوزين حاجة

وعد وفرح: لا شكرا

فرح: يلا نروح عند سندوس نلعب معاها

وعد: لا يا شيخة سندوس بردك

فرح بتوتر: اومال مين يعني

وعد: اسألني نفسك بقا .. ع العموم سندوس مش موجودة

..تلقياها في الشغل

فرح بزعل: بجد !

اقصد انتي رخمة اوي يا وعد خلاص مش راحة معاكي في حنة
... ومشيت وسبتها

وعد بضحك: شوفي السوسة .. قال سندوس قال .. ببيع
كشري انا

عائشة: السلام عليكم

صباح: وعليكم السلام ورحمة الله وبركاته ... ست عائشة
كنت عاوزكي في حاجة كدا

عائشة: خير يا صباح في حاجة

صباح: مش عارفة اجبهالك ازاي ... اصل هو

عائشة: في ايه قلقتيني

صباح: اقصد يعني .. هو مين الراجل اللي عندكم دا

عائشة: دا قريينا من مصر ... انتي بتسألني ليه

صباح: لا مش انا بسأل بس اصلي..

عائشة: اصل ايه

صباح: اصلي سامعة طرطيش كلام كدا من الناس .. ان ازاي
راجل غريب داخل طالع ع البيت وهو في بنت
عائشة بعصبية: انتي اتجنيتي... انتي بتقولي ايه

صباح: وغلاوتك مانا ياست عائشة دول الناس .. بس انا
مسكتلهمشي اديتهم من المناقي خيار .. اه الست وعد دي
مافيش زيها ادب واخلاق

عائشة: اسكتي .. اسكتي وطلعت البيت تاني

صباح: عجائب .. اللي يقول الحق في الزمن دا يبقا وحش ...
يلا مالناش دعوة

وعد: ايه اللي رجعتك ياخالتي

عائشة: سيفي فين...سيف

فرح ونهلة باستغراب: هو فيه ايه

سيفي: نعم يادادة

عائشة: انا اسفة يابني .. بس انت مش هينفع تعيش هنا

نهلة: انتي بتقولي ايه يا عائشة

فرح: ليه كدا يادادة .. هيروح فين لو مشي من هنا ...

عائشة: غصب عني يابنتي

وعد: مالك ياخالتيو .. في ايه..

فرح: لو علشان اللي حصل امبارح سيفي يعتذر لوعد وخلص
تتحل

سيفي بعصبيه: انا مش هعتذر لحد

وعد: وانا مش هقبل اعتذارك اصلا

عائشة: بس بس انا قولت اللي عندي .. انا مش هسمح لحد
يتكلم ع وعد

نهلة: انتي قصدك ايه !

عائشة: الناس بتتكلم ع ان في راجل غريب في البيت ووعد
موجودة وييتكلموا عنها

نهلة: يا شيخة خضتينا وايه يعني ... مالناس ياما بتقول

عائشة: لا كله الا بنتي وسمعتها اللي يمسها بالسوء امسه بالدم

سيفي: عندك حق يادادة .. انا همشي

نهلة مسكته: هتروح فين

سيفي: مافيش حل غير بيع العربية..

نهلة: انا قولت مافيش بيع ليها

سيفي بعصبية: خلاص اترمي في الشارع المهم العربية ارتاحي

فرح: انا عندي الحل اللي هيريح الطرفين

عائشة: ايه هو

نهلة: اتكلمي

فرح: سيفي يتجوز وعد

سيفي ووعده: نعم !

ياتري سيفي ووعده هيوافقوا ع الحل دا ... وهل كمال هيرجع

تاني ولا هيفضل هربان .. هنعرفي في الفصول الجاية تابعوا ..

ومتسوش رايكم يهمني

رواية ابنتي ولكن بقلم ياسمين علي الفصل الرابع

فرح: انا عندي الحل اللي هيريح الطرفين

عائشة: ايه هو

نهلة: اتكلمي

فرح: سيف يتجوز وعد

سيف ووعده: نعم !

نهلة: انتي اتجنيتي ولا ايه

وعده: دا استحالة يحصل.. انا استحالة اتجوز البني ادم داا

سيف: انا عندي ابات ف الشارع ولا اتجوزها .. انسووا ..

ودخل اوضته

فرح ونهلة دخلوا وراه

فرح: ممكن تهدوا علشان افهمكم

نهلة: تفهمينا ايه .. انا مش موافقة اصلا

فرح: سيف هو اللي يقرر ياماما... اسمعني ياسيف دا جواز
هيكون علي ورق بس ... قدام الناس علشان محدش يتكلم
عن وعد .. وف نفس الوقت دادة عائشة تسيبك قاعد معانا

سيف: لا يعني لا .. مش هتجوز الانسانة دي

فرح: طب اسمع بقا ياسيف ... انسا كل حاجة حصلت بينك
وبين وعد ... انت دلوقتي محتاج مكان تقعد فيه ...مقدمكش
حل غير دا

سيف سرح بيفكر

نهلة: انت سرحت في ايه ... او عي تكون هتوافق

سيف بعصبية: عندك حل تاني ... مش انتي اللي رافضة بيع
العربية

نهلة سكتت

خرجوا من الاوضة

سيف: انا موافق

وعد: بجد ! تصدق فرحت .. زغرطي ياخالو البيه وافق

يتجوزني

سيف: لازم تفرحي .. انتي مكنتيش تحلمي اني اقف اتكلم معاكي
حتة

وعد: لاكثر خيرك بجد ... بس للاسف انا مش موافقة

فرح: وعد متسرعيش ف القرار اي حاجة بينك وبين سيف
انسوها ولو عاوزة يعتذرلك هيعتذر

سيف بص لفرح: انا مش هعتذر لحد

وعد: متتعبيش نفسك يافرح انا مش موافقة

نهلة وعائشة واقفين بيتفرجوا بس مش بيتكلموا

"وعد قربت ع سيف وعينها ف عينيه "

وعد: مش موافقة اتجوز واحد مغرور ومتكبر زيك، وانا عاوزة

اشكر الناس اللي خليت خالتو تاخذ قرار طردك من هنا...

ارجع بقا الفيلا بتاعتك.. اه صح انا نسيت انها اتحجز عليها..

اقولك علي حل حلوانت تنام ف العربية... وضحكت بطريقة
ومشيت

*سيف واقف ساكت وجوه بركان عاوز ينفجر ف وعد بس
مش قادر*

"فرح دخلت الاوضة ورا وعد"

فرح: وعد علشان خاطري وافقي .. سيف مينفعلش يبعد عننا
.. ارجوكي وانا هخليه يعمل اي حاجة انتي عاوزها ...

وعد بتفكر وسرحت

فرح: وعد ردي عليا

وعد: انا موافقة... بس عندي شروط

فرح: ايه هي قولي !

في بيت فاطمة

فاطمة: اصحي ياسندوس.. اصحي يا حبيبت ماما

سندوس:....

فاطمة: بسم الله الرحمن الرحيم ... سندوس... سندوس ردي

عليا يابنتي ... سندوووسس

*سيف قاعد بيفكر ومستغرب ازاي وعد بتحبه ورفضت انهم
يتجوزوا*

"خرجت فرح ووعد"

فرح: وعد وافقت

الكل بصلها وسيف ابتسم علشان كان عارف انها مش هترفضه

فرح: بس عندها شروط

سيف: لا الهانم تتشرط ماهي بقا ليها بيت وبتتحكم فينا

وعد بصتله بتحدي: اه اتشرط .. طول مانا في بيتي

نهلة: وايه بقا شروطك دي

صوت من بعيد: الحقووونييني ... الحقووونييني

طلعوا يجروا كلهم

وعد: الصوت جاي من عند ابلة فاطمة
" جروا خبطوا .. فاطمة فتحت وهي منهارة .. الحقوا .. بنتي
"

وعد: اهدي في ايه ... سندوس مالها

دخلوا الاوضة

وعد: دي قاطعة النفس

سيف شال سندوس بسرعة ونزلوا ركبوا العربية وراحوا
المستشفى

في بيت عائشة

نهلة: مكنش ليه لزوم اللي حصل دا يا عائشة ... طب كملي
جميلك للاخر

عائشة: بصي ياهانم انا هفهمك حاجة .. انا لما جبتكم هنا ...

مكنش قصدي انه يكون جميل تفتكروني بيه .. لا انا علشان
اتربيت ع الاصول واصلي ميسمحليش اني اسيب الناس اللي
افضالها عليا يترموا ف الشارع... وكمال بيه فتحلي بيته من
عشرين سنة .. استحالة اسيب اهله ف محنة واقف اتفرج..

نهلة: حلو انك فاكرة كل دا .. يعني مش هحتاج افكرك بيه...
ايه بقا اللي غيرك وعاوذة ترمي ابن اللي فتحلك بيته ف الشارع

عائشة: انا ماليش غير وعد اللي طلعت بيها من الدنيا
...واستحالة اسمح لحد يأذيها ولو بكلمه ... لما الموضوع
يتعلق ب وعد يبقا لازم اعمل كدا حتي لو كان مين... عن اذنك
ياهانم

في المستشفى

وعد وفرح وسيف وفاطمة واقفة منهارة

عمر جاي يجري: ايه اللي حصل ... سندوس مالها ياماما

فاطمة بانهيبار: مش عارفة انا روحت اصحيتها لقيتها مبتردش
عليا وقاطعة النفس

عمر حزن امه: اهدي ومتقلقيش ان شاءالله خير ... سندوس
مش هيحصلها حاجة
فاطمة: يارب ... يارب

"سيف ببص لوعد اللي عمالة تعيط وخايفة ع سندوس"

الدكتور خرج والكل جري عليه: خير يادكتور
الدكتور: الحمدالله فاقت وتقدرنا تشوفوها
الكل: الحمدالله

عمر: اللي حصلها دا ليه يادكتور

الدكتور: انت مين

عمر: انا اخوها

الدكتور: طب اتفضل معايا

" الباقي دخل يشوف سندوس "

فاطمة جريت ع سندوس: يا حبيبي يا بنتي يا حبيبي حمدالله
ع سلامتک

سندوس: انا فين ياما

فاطمة: انتي ف المستشفى يا حبيبي .. جاين نطمن عليكي
وهنمشي

سندوس: فين عروستي .. انا عاوزة العروسة انتو سبتوها ف
البيت لوحدها..

فاطمة: اهدي ياسندوس انا بعت عمر يجبهالك سندوس:
ماثي ياما ... طنط وعد انتي بتعطي ليه

وعد مسحت دموعها: لا يا حبيبي انا مش بعيط .. كدا
ياسندوس تخضيني عليكي

سندوس: معلس ياطنط و عد .. متزعليس مني

وعد: مقدرش ازعل منك يا حبيبي

سندوس: وهتلعي معايا..

وعد: وهلعب معاكي كمان

سندوس بتوشوش وعد: مين الواد الحو دا ياطنط
وعد بصيت لسيف وبصوت واطي: دا ابن الساحرة الشريرة
سندوس بصت لسيف: ياوحس

عمر جالهم وهو مصدوم وساكت .. حزن سندوس وباسها
فاطمة: الدكتور قالك ايه .. سندوس هتخرج معانا
عمر: اه ياماما هتخرج
وعد وفرح: الحمدالله

فاطمة وسيف بصوال عمر وحسوا ان في حاجة هو مخبيها

خرجوا ومعاهم سندوس وصلوا البيت

عمر: انا متشكر اوبي انك لحقتها

سيف: متقولش كدا دا واجبي .. لو احتاجت حاجة انا موجود
.. بعد اذنك

عمر: اتفضل

فرح: حمدالله ع سلامتھا يا عمر

عمر سرحان

فرح: عمر انت كويس

عمر: اه انا كويس ... انا كويس ومشي

"عمر شايل سندوس ودخلها تنام علي السرير وغطاها وبصلها
بزعل وخرج من الاوضة "

فاطمة: نامت

عمر: اه ياماما

فاطمة: كويس .. الدكتور قالك ايه

عمر: مافيش حاجة ياماما .. هتبقا كويسة

فاطمة: انت مخبي عليا ايه يا عمر ... اختك مالها

عمر بصلها وسكت

وعد وفرح وسيف رجعوا

عائشة: خير البنت بقيت كويسة

وعد: اه ياخالتو الحمدالله اطمنا عليها

عائشة: طب كويس ... نطمن عليك انتي بقا

وعد: قصدك ايه

عائشة: اقصد اللي كنا بنتكلم فيه الصبح... انا سيبتك تاخدي

القرار براحتك .. واظن انك وافقتي يبقا مستنين ايه !

وعد: انتي عاوزه ايه ياخالتو

عائشة: تكتبوا الكتاب انهاردة

فاطمة: ماترد يا عمر متقلقنيش

عمر بزعل: الدكتور قال ان سندوس عندها ثقب ف القلب

فاطمة بخضة: يا حبيبتي يا بنتي ... طب والعمل
عمر: الدكتور كتبها ع علاج لفترة ... لو مجبش نتيجة
هتحتاج تعمل عملية
فاطمة: والعملية دي تتكف كام..

عمر: 60 الف جنية
فاطمة: ايه ! وهنجيبهم منين دول
عمر: متقلقيش ان شاء الله مش هتحتاج عملية .. ف احتمالية
انها تتحسن بالعلاج .. ادعيها انتي بس
فاطمة: ياررب اقف معانا ياررب

وعد: بس انا لسه مقولتش الشروط
سيف: ايه هي !
وعد: هما شرطين .. الاول ان كل واحد هينام ف اوضته
والجواز قدام الناس وبس
سيف: خير ما قولتي والله انا موافق

نهلة: والشرط الثاني ؟

وعد: سيف ينزل يدور ع شغل ويشتغل .. انا مش هتجوز
واحد عاطل

(طبعا دي حاجة صعبة علي واحد مدلل مكنش بيشتغل ولا
متحمل مسؤولية حاجة)

نهلة فرحت علشان كانت متأكدة ان سيف هيرفض

سيف: انا موافق

الكل اتصدم من رده .. انه وافق بسهولة حتي وعد نفسها
استغربت و كانت متوقعة انه يرفض

عائشة: طب طالما وافقتوا يبقا نكتب الكتاب ف اسرع وقت

وعد: لا مافيش كتب كتاب غير لما يبدء شغل

عائشة: ويبقا كدا استفدنا ايه انا عاوزة الناس تعرف .. انكم

متجوزين

وعد: وانا اضمن منين انه ميرجعش ف كلامه

سيف: انا ميرجعش ف كلامي

وعد: يبقا اتفقنا

سيف: اتفقنا

ف اوضة سيف

نهلة بعصبية: استحالة انت ازاي توافق بالسهولة دي ... دانا
لساني اتدلدل بقالي سنين اقولك اشتغل وكنت رافض ... ولا
تكون بتحبها .. يانهار اسود ... اوعي ياسيف ... دانا اموت فيها
تحب خدامه

سيف: لا طبعا احب مين .. بس انا مجبر اوافق ع الجواز
علشان افضل موجود ودادة عائشة عندها حق هي بردك بنت
وليها سمعتها... والشغل انا شايف انها عندها حق .. لازم
اشتغل انتي وفرح وانا هنحتاج مصاريف اكيد دادة عائشة مش
هتصرف علينا

فرح: عندك حق ياسيف .. اكيد دادة عائشة مش هتقدر ع

المصاريف دي كلها..

نهلة: دادة عائشة دي طلعت حية معملتش كدا معروف فينا .. دي كانت مخططة كويس اووي .. تجبنا هنا وتعمل الفيلم دا علشان تجوزك لبنت اختها

فرح: لا ياماما متنسش ان فكرة الجواز دي فكرتي

نهلة: اسكتي انتي صغيرة متفهميش حاجة

فرح: انا مش صغيرة ياماما

سيف: باس خلاص انا خدت القرار ... نزلوا راحوا للمأذون وكتبوا الكتاب

ومرت الايام ع ابطالنا كالعادة مناقرة بين سيف ووعد ... وسيف بدء شغل .. وسندوس بدءت تتحسن وعمر اظمن عليها وبدء يقرب من فرح

...ويبادلها نفس الحب بس ميعرفش انها بنت كمال الهلالي ...
تفتكروا لما يعرف ايه هيحصل !

بداية يوم جديد

الباب خبط.. ووعد فتحت

...: بقا كدا يا وعد متسألش عليا .. خدي البت عني خدي ..
اومال فين خالتي عائشة

وعد: نرمين .. انتي جيتي اسكندرية امتي

(اعرفكم نرمين اخت وعد وتبقا بنت اخت عائشة .. اكبر منها
بسنة ومتجوزة وعندها *هدي* بتغير من وعد ف كل حاجة
من معاملة عائشة ليها و وعد متعلمة وطموحة وهي فضلت
انها تتجوز وتوقف تعليم)

نرمين: لسه جاية دلوقتي .. وحشتوني قولت اجلكم

وعد: تنوري يا حبيبي

"وعد بتفكر ف رد فعل نرمين لما تعرف انها اتجوزت"

عائشة: نرمين انتي جيتي

نرمين: اه مانتو نستوني شكلكم لا تسألو ولا تعبروني .. عيني
علي حظك يانرمين ياللي مالكيش حد يحبك زي وعد

عائشة: متقوليش كدا انتو الاتنين بناتي... انتي عاملة ايه
وجوزك عامل ايه..

نرمين: كويس ياخالتي... انتو اتعزمتوا علي فرح شرين بنت عم
رشدي .. اصلهم عزموني

عائشة: اه اتعزمتنا .. يعني الفرحة هو اللي جابك مش علشان
وحشناكي

نرمين: لا طبعا فرحة ايه انا جاية علشانكم

"سيف صحي وخرج من الاوضة قدام نرمين و وعد اتوترت "

نرمين: مين دا

سيف ووعد ببصوا لبعض

عائشة: دا سيف ابن كمال الهلالي اللي كنت شغالة عنده وجوز
وعد

نرمين باستغراب: وعد اتجوزت من غير ماتقول..

عائشة: معلش يابنتي حصلت فجأة بسبب ظروف والد سيف
وملحقناش نبلغ حد

نرمين: قلبي عندك يااستاذ سيف..سمعت اللي حصل لابوك..
وانتي ياوعد غيرتي رايك ع الجواز .. مش كنتي بتنصحيني
متجوزش واكمل تعليم .. بس تصدقي كدا احسن الست
مالهاش غير بيت جوزها
وعد: عن اذنكم هروح اشرب

"عائشة راحت ورا وعد"

عائشة: روجي لمي هدومك من اوضتك وخطيها ف اوضة
سيف

وعد: نعم !

عائشة: زي ماسمعتي لحد مانرمين تمشي .. مش عاوزها تعرف
انكم متجوزين علي ورق بس .. انتي عارفة اختك بقها ف ودن
جوزها.. ودا لو عرف حاجة الدنيا كلها تعرف

وعد: لا ياخالنوو.. انا استحالة انام ف اوضته

عائشة: مش انتي وافقتي ! يبقا تستحملي بقا النتيجة

"وعد مشيت وهي مخنوقة دخلت اوضتها تلم الهدوم"

فرح بتمطع: صباح الخير .. انتي واخدة هدومك وراحة فين

وعد: راحة اوضة سيف

فرح: ايبيه !

نرمين: يابت اقعدي بلاش شقاوة

عائشة: سبيها يابنتي تلعب

"نهلة خرجت "

نرمين: مين دي كمان

عائشة: دي ام سيف

نرمين: دي العيلة كلها هنا بقا .. اهلا يا حبيبتى بيكي انا اخت
وعد

نهلة مردتش عليها: حضرتي الفطار يا عائشة

عائشة: اه ياهانم جاهز

نهلة: طب روجي شوفي فرح صحيت ولا لا

عائشة: حاضر

نرمين بتبصلهم ومن جواها: مالها الست دي معوجة كدا ليه
اومال لو مكنش جوزها حرامي ونصاب كانت عملت ايه

وعد: زي ماسمعتي هروح اوضة سيف

فرح: دا ايه اللي حصل ... انتي حنييتي ولا ايه

وعد: حنيت ايه وزفت ايه ... انا اختي جت وخالتو مش
عاوزها تحس بحاجة .. مؤقتا يعني

فرح: اممم .. هو سيف عرف

وعد: لا

عائشة: انتي لسه ملمتيش هدومك

وعد: بلمهم اهو

عائشة: طب بسرعة قبل ماتاخذ بالها .. انتي عارفها مفتحة ..

وانتي يافرح يابنتي مامتك عاوزكي

فرح: حاضر يادادة جاية وراكي

"وعد خدت هدومها وخرجت"

"في اوضة سيف "

سيف بيلبس ورايح الشغل

..الباب خبط

سيف: ادخل

وعد دخلت وهي ساكتة ومعاها شنطة هدومها

سيف باستغراب: ايه دا

وعد: زي مانت شايف هدومي
سيف: وهدومك جاية هنا ليه
وعد بطريقة: جيبها لك تلبسها..

سيف بعصبية مسك ايدها: اتعدلي بدل ما اكسرلك دماغك
وعد بخوف: سيف سيب ايدي بتوجعني
اول لما سابها .. بعدت عنه
وعد: والمفروض بقا اخاف منك كدا
سيف: حظك اني مش فاضيلك عندي شغل
وعد: استنا .. متبينش قدام نرمين اننا مش متجوزين..

..سيف سكت وجهه يمشي

وعد: استنا

سيف: افندم اي اوامر تانية !

وعد: اه خالتو طلبت مني افضل هنا لحد ماتمشي

"بصلها ومشي مردش عليها "

وعد بغیظ: میرددش علیا ابن نهلة

جرس الباب رن

عائشة: اهلا

فاروق: ازیک یاحماتی العزیزة

عائشة: حماتک اللہ یرحمها

فاروق: ازای بس مش انتی الی مربیة مراتی تبقا انتی حماتی ..

مش هتقولیلی اتفضل ولا ایه

(طبعا فهمتوا ان فاروق یبقا جوز نرمین .. وعائشة مش

بتتقبلوا خالص ولا بینزلها من زور ولا هی ولا وعد)

عائشة: لا ازای متجیش اتفضل

الكل قاعد .. معادا نرمين

فاروق: اومال فين مراتي

نرمين جت: سي فاروق انت مش قولت مش جاي

فرح باستغراب: سي فاروق !

فاروق: زوجتي العزيزة حبي الاول والاخير .. انا هنا من اجلك
انتي وبس والله

وعد بصوت واطي: العشق الممنوع هيبدأ

فرح بتضحك وسيف ونهلة مستغربين من طريقة فاروق

نرمين: يوه ياراجل مش كان عندك شغل

فاروق: انا كنت قاعد ف شغلي لا بيا ولا عليا .. قوم ايه بقا
جيتي انتي ف بالي وقولت لنفسني ازاي ياض يافاروق تسيب
زوجتك تبعد بعيد عنك .. اه حاكم انا ماشي ع شعار "انا لا
ارتاح ع وسادتي الا بجانب زوجتي"

نرمين: اصيل ياسي فاروق..

فاروق بص حواليه: مش تعرفيني ع الاعضاء الجديدة

وراح يسلم ع وعد: كبرتي يا وعد

وعد: دا ع اساس اني كنت بلعب ع باب بيتكم وانا صغيرة
..فوق يافاروق انت متجوز اختي من تلت سنين

فاروق: وهما التلت سنين دول شوية يعني .. و مازال ماسك
ايدها

سيف شد ايده من ايد وعد: ازايك انا سيف جوز وعد..

فاروق باستغراب: انتي اتجوزتي

وعد استغربت من رد فعل سيف: اه اتجوزت

فاروق: مبروك يا وعد

عائشة: يلا يا وعد نحضر العشا

فرح: انا جاية معاكم

"اتعشوا وكل واحد راح ع اوضته ونرمين هتنام جنب فرح
وفاروق هينام ع الكنبه"

* ف اوضة فرح *

فرح واقفة بتكلم عمر من البلكونة

عمر: فرح وحشتيني اوي

فرح: وانت كمان والله يا عمر .. عامل ايه ف شغلك

عمر: انا الحمد لله كويس .. انتي مالك فيكي حاجة

فرح: انا كنت عاوزة اقولك حاجة

عمر: خير يا فرح قولي

صوت من بعيد: عمر... عمر

عمر: طب يا فرح انا هدخل اشوف ماما عاوزة ايه واجيلك

استني

فرح: ماشي يا عمر

(فرح متوترو وخايفة من رد فعل عمر لما يعرف انها مش قريبة

فرح وانها بنت كمال الهلالي)

عمر: انا جيت يا حبيبي كنتي عاوزة ايه بقا

نهلة دخلت الاوضة: فرح

فرح بعد ازناك يا عمر ... ايه ياماما

نهلة: انتي كنت بتكلمي مين

فرح: انا كنت ...

نهلة دخلت البلكونة شافت عمر

نهلة: انتي كنتي بتكلمي الجربوع دا

فرح بعصبية: متغلطيش فيه

نهلة: وبتدافعي عنه كمان يا جاحتك

فرح: اه بدافع عنه ... انا وعمر بنحب بعض

نهلة: حبك برص يا بعيدة .. انتي نسيتي انتي مين .. وبت مين

... هو انا هلقيا منك ولا من اخوكي اللي راح اتجوز الخدمة

فرح: منستش انا بنت مين ... ومنستش بردك انا خلاص

مبقاش حيلتنا حاجة ياماما ... وبعدين كل واحد حرف حياته
وزي ماوفقتي ع سيف ... يبقا تسبيني انا كمان اختار
نهلة: لا يا حبيبي انا وافقت ع سيف لاني مجبرة ... وانتي
عارفة ان جواز سيف دا شكل وبس مافيش حاجة هتحصل
بينه وبين الخدمة دي

" نرمين واقفة ورا الباب وسمعت الحوار ... جريت ع جوزها "

نرمين: شوفت اللي حصل يا فاروق

فاروق: في ايه

نرمين: مالك ياراجل بتكلمني كدا ليه

فاروق: مافيش.. قولي كنتي عاوزة تقولي ايه

نرمين: السنيورة وعد طلعت متجوزة سيف دا شكل وبس

فاروق: يعني ايه

نرمين: يعني علي الورق وبس ياراجل افهم

فاروق بفرحة: وانتي عرفتي منين..

نرمين: سمعت العقربة ام سيف بتقول .. مالك ياراجل فرحان
كداليه

فاروق: لازم افرح ياولية مش سيف دا ابوه غني .. يعني وعد
هتبقا من الاغنياء وتتكبر علينا

نرمين: تصدق عندك حق .. وكمان اساسا سيف مش لايق ع
وعد دا ابن ناس وهي مش حلو يعني
فاروق بتريقة: اه فعلا مش حلوة خالص

في اوضة سيف

وعد: بزمتك انت عندك زوق انت

سيف: استغفرالله العظيم ... انا جيت جنبك دلوقتي

وعد: نايم ع السرير وهتخليني انام ع الارض

سيف: وحد قالك نامي ع الارض .. اتلقحي جنبي من سكات

وعد: لا يابابا دا بعينك

سيف: احسن بردك نامي ع الارض ياكش يجيلك رطوبة ف

لسانك اللي عايز القطع دا

"وعد بغيظ شدت الغطا من ع سيف وخذت مخدة
وحطيتهم ع الارض ونامت "

سيف بيغيظها: خدي مش عاوزه ..المهم اني هنام ع السرير
براحتي

"وعد فضلت تتقلب وتبصلوا بغيظ وهو نايم ع السرير ..
قامت فتحت الدولاب جامد وطلعت مخدات ورزعت
الدولاب تاني وفضلت تعمل أصوات وهي بتتحرك"

سيف: هتفضلي تفركي كدا كتير ... اتهدني بقا عاوز انام

"وعد بصاله بغيظ ومردتش عليه وحدفت المخدات جنبه
وعملت حاجز بينهم ونامت "

سيف: دا خط الدفاع بتاعك يعني .. يارب تكوني ارتاحتي لما

طيرتي النوم من عيني...منك لله يا شيخه

وعد مردتش عليه وراحت ف النوم

جينا ليوم الفرح

*وعد لابسه فستان اسود رقيق والكوم تل وفردة شعرها
وحاطة ميكاب رقيق جدا...وفرح لابسه فستان قصير لونه
ازرق وعاملة شعرها وفي وحاطة ميكاب رقيق بردك*

سيف وفاروق قعدين مستنينهم يخلصوا .. وعد وفرح طالعوا

سيف شاف وعد تنح اول مرة يشوفها بفستان وميك اب ..
وشكلها رقيق جدا

وعد: انت بتبصلي كدا ليه

سيف: بدور ع وعد .. راحت فين

وعد ضحكت: لا مانا ف الافراح مبستخصرش ف نفسي
حاجة

سيف: بصراحة جميلة اوي انهاردة
وعد بتداري كسوفها: انا طول عمري جميلة اصلا..

سيف: حلوة الثقة دي ... ماشي ياستي انتي جميلة علطول
وعد ابتسمت بكسوف

سيف: بس لسانك عاوز الحرق
وعد قلبت وشها: لا واضح ان لساني انا اللي عاوز الحرق
فرح: مايلا بقا مش هنمشي .. الميك اب هيسيح

سيف مسك ايد وعد ومشي وهي بصاله ومستغربة

{الفرح خلص وهما خرجوا}

فرح: العروسة كانت حلوة اوي .. انا اول مرة احضر فرح حلو
كدا

نهلة: فين الحلاوة دي

الكل بصلها

نهلة: القصد انه خلص بسرعة اوي انا كنت عاملة حسابي
هنسهر للصبح

عائشة: طب ايه رايكم نروح نقعد ع البحر للصبح

فرح: فكرة حلوة اوي يادادة

نهلة: انا موافقة اهو نعوض الفرح..

وعد: خلاص روحوا انتو وانا هروح علشان تعبانة وعاوزة انام

سيف: طب انا هوصلها البيت واروح اشوف حاجة ف الشغل
كلموني

عائشة: طيب ياسيف خليبالك عليها واحنا هنيجي الصبح

فاروق: طب انا استأذن بقا علشان .. هروح اقابل صحابي

نرمين: طيب يا حبيبي متأخرش

سيف خد وعد ووصلها البيت

سيف: انا هروح اشوف عاوزين ايه ف الشغل وهرجع

وعد: ماشي انا هطلع احضر الاكل

سيف: ماشي خليبالك من نفسك .. باي

وعد: باي .. وطلعت

"واحد الاشخاص يراقبهم من بعيد"

دخلت وعد الاوضة تغيير هدومها بتدور ع الموبايل ملقتهوش

سمعت الباب بيفتح .. طلعت تجري

وعد: سيف كويس انك جي ... *اتخضت ورجعت ل ورا*

انت دخلت هنا ازاي !

ياتري وعد شافت مين! واياه اللي هيحصل معاها وهي لوحدها

... هنعرف ف الاجزاء الجاية تابعوا.. متنسوش رأيكم يهمني..

رواية ابنتي ولكن بقلم ياسمين علي الفصل الخامس

علي البحر

نهلة: حلوة الفكرة دي ... اول مرة تقولي حاجة عدلة يا عائشة

فرح: ماما!

"عائشة باين عليها القلق"

فرح: مالك يادادة

عائشة: قلبي مقبوض ... قلقانة ع وعد

نرمين: ليه البيت هياكلها ... زمانها قعدة بتأكل ولا هممها

نهلة: نرمين عندها حق

عائشة: لا انا مش مرتاحة .. فرح اتصلي ب وعد

فرح: حاضر يادادة

"فرح بتتصل ب وعد"

سيف سايق العربية: ايه دا وعد نسيت موبايلها

سيف: ايوة يافرح

وعد: سيف هي وعد معاك

سيف: لا انا لسه موصلها .. بس هي نسيت الموبايل ف
العربية

فرح: طب هي كويسة يعني .. اصل دادة عائشة قلقانة عليها

سيف: ايوة يابنتي كويسة ... انا هرجع اديها الموبايل وهخليها
تظمن دادة عائشة بنفسها

فرح: ماشي ياسيف .. متنساش

سيف: لا انا اهو بلف وراجعلها .. انا قريب من البيت اصلا

فرح: ماشي يلا سلام

سيف: سلام

فرح: سيف رايجلها اهو يادادة وهيظمنك

عائشة: ربنا يستر

وعد: انت بتقول ايه .. انت اتجننت .. بتحب مين .. ومراتك
وبنتك

فاروق: انا اتجنت بحبي ليكي .. وعمال يقربلها وهي بترجع
بضهرها وخايفة

وعد دخلت المطبخ وخذت سكينه حطيتها علي رقبتها
وعد بعصبية: لو مخرجتش من هنا هموووت نفسي

فاروق: اهدي طيب اهدي

سيف وصل داخله العمارة

صباح: يااستاذ سيف .. يااستاذ سيف

سيف: نعم .. انتي مين

صباح: انا مرات البواب ... انت متعرفنيش ولا ايه

سيف: ايوا عاوزة ايه

صباح: كنت عاوزة اقولك ... مبروك انا سمعت انك اتجوزت

الست وعد

سيف: الله يبارك فيكي .. جه يمشي

صباح: استنا بس يااستاذ سيف

سيف: لو سمحتي انا مستعجل وعندى شغل

صباح: دا هما كلمتين مش هأخرك

وعد بعصبية: بقولك اطللع بررا .. اطللع بررااااااااااا

فاروق: ماشي خلاص همشي بس اوعديني انك مش هتقولي
لحد

وعد: ماشي مش هقول لحد .. اخرج بقا ارجوك

فاروق: اهو همشي .. خرج .. سمعت صوت الباب بيتقفل

رميت السكينة وقعدت ع الارض تعيط... دخل فاروق مسكها
من شعرها وجرها من المطبخ ...

وعد: ابعد عنني يا حقييررر

فاروق: مسمعششش نفسك .. انتي فاهمةةة.. انا صبرت
عليكي كتنتيررر وجت الفرصة مش هضيعها

صباح: كنت عاوزة اقولك .. ان الست وعد دي مريينها ع

ايدينا .. ادب ايه واخلاق ايه .. نسمة كدا نسمة .. ومش

هتلقى زيتها ابدًا

سيف: انا عارف كل دا

صباح: في ايه يا استاذ سيف انت مستعجل ليه كدا .. وبعدين
هو فين الباقي ... شوية الاستاذ فاروق يجي لوحده .. وشوية
حضرتك .. هو ايه الحكاية

سيف: نعم ! هو فاروق هنا

صباح: ايوة دا لسه طالع قدامي من يجي 10 دقائق

سيف طلع يجري ع فوق

صباح: يا استاذ سيف .. يوة هو ماله دا

سيف طالع يجري علي السلم

عمر: سيف ازايك .. سيف .. هو في ايه !

فاروق حذف وعد ع السرير وبيقلع الجاكيت

وعد: انت هتعمل ايديه

فاروق: اللي كان لازم يحصل من زمان

وعد جت تجري .. مسكها من شعرها

وعد: ابعدي عني يا ساافل

فاروق: انا هوريكي انا مين

سيف دخل الشقة

وعد بصريخ: الحقووني

فاروق حاول يكتم نفسها.. عضت ايده وزقته وجريت

سيف: وعدد

وعد: سيف الحقني

فاروق شاف سيف رجع بظهره: انت فاهم غلط .. انا كنت ..

سيف ضربه بالدماع .. وهجم عليه وفضل يضرب ف وشه ...

فاروق زقه وهجم عليه وبيخنقوا.. ووعد بتصرخ

.. جريت جابت فآزة وكسرتها ع دماغ فاروق علشان يبعد عن سيف .. سيف زق فاروق ونزل ضرب فيه تاني..

وعد: كفاية ياسيف هيموت ف ايدك

سيف بعصبية: يغور ف ستيين دااهية داكلب

وعد: سيبوا علشان خاطري .. ميستاھلش تودي نفسك ف دااهية علشانه

"سيف سابوا وقام يشوف وعد "

سيف: انتي كويسة .. عملك حاجة

وعد: انا كويسة

فاروق قام جري نزل وهو غرقان ف دمه

"سيف جه يمسكوا وعد مسكتوا "

وعد بخوف وبتترعش: سيبوا خلاص

سيف: اھدي طيب .. متخافيش انا جنبك

صباح: ايه دا ياساتر ياررب ... مالك يااستاذ فاروق ..
يلاهوي يلاهوي ايه الدم دا

عبده: مالك ياولية صوتك عالي ليه

صباح: الاستاذ فاروق جوز الست نرمين .. نازل من فوق
غرقان ف دمه

عبده: بتقولي ايه ياولية انتي اتخبلتي ف عقلك

صباح: لا ياخويا لا دانا شايفة بعيني دوولل وهو نازل يجري
زي مايكون سارق سريقة

عبده: طب ادخلي جوا انتي

صباح: ادخل ايه .. دانا لازم اطلع اشوف ايه العبارة بالظبط

عبده: بقولك ادخلي جوا .. انا مش عاوز مشاكل

صباح: ياعبده استنا بس

عبده: انا مش هعرف احكم عليكي ولا ايه .. ادخلي ياولية

صباح: خلاص متزقش هدخل اهو

عائشة: سيف اتأخر ليه كدا .. انا قلقت اكثر

نرمين: ياخالتي انتي مبتعرفيش تستمتعي بالجو ليه .. انسي
وعد بقا

عائشة: انا هقوم اروح

فرح: استني بس يادادة هكلمهم انا

موبايل فرح رن

فرح: طب انا هروح اكلهمم في حته فيها شبكة .. ومشيت

فرح: الو .. ايوة ياعموري وحشتني

عمر: وانتي كمان والله .. بقولك هو اخوي ماله

فرح بقلق: ماله سيف

عمر: معرفش انا بسألك .. اصلي شوفتوا ع السلم وكلمتو

مردش..

فرح: انت هتقلقني ليه .. هو كان رايح يشوف وعد .. طب

بقولك ياعمرو نبي ممكن تشوفهم

عمر: والله يا حبيبي انا ف الشغل .. اتصلك بماما تشوفهم

فرح: لا خلاص بلاش تقلقها .. انا هكلموا

عمر: امممم .. ماشي .. انتي فين الفرغ خلص

فرح: اه خلص .. وهنسهرع البحر

عمر: ايوة ياعم .. اسهري انتي ع البحر وانا اسهرف الشغل..

فرح: ربنا معاك يا حبيبي

عمر: يارب .. بقولك هو الفرغ كان حلو

فرح: اه كان جميل اوي

عمر: عقبالنا

فرح بفرحة: يارب

عمر: يلا انا هسيبك تظمني ع سيف ... واروح اشوف شغلي ..

خليبالك من نفسك

فرح: حاضر .. باي

عمر: باي

فرح رجعتهم وهي مبسوطه وسرحانه

نهلة: كنتي بترغي مع مين كل دا

فرح بخضة: كنت بكم واحدة صاحبتى

عائشة: اتصلتى بسيف يابنتى

فرح: هتصل بيهم اهو

سيف: اهدي واحكيلى ايه اللي حصل بالضبط.. دخل ازاي دا
هنا

وعد بتحكي وهي منهارة: بعد ماسبتنى .. طلعت لقيت الباب
اتفتح .. فكرتك انت رجعت ... طلعت لقيته ف وشي

سيف: وبعدين

وعد: فضل يقول ان خالتو بعتتوا وكلام كله كذب .. وفضل
يقرب وقالى ان هو

سيف: قالك ايه !

وعد: قال بيحبني ومبيحبش نرمين

سيف بعصبيه: الناقص انا مكنتش مرتاحله من الاول

وعد انهارت من العياط: انا كنت هموت نفسيبي

سيف حضنها: اهدي خلاص مش هيقدر يقربلك تاني ..

موبايله رن

سيف: دي فرح .. دادة عائشة كانت عاوزه تطمن عليكي

وعد: هي عرفت !

سيف: لا .. بس حسيت ...ايوة يافرح .. انا عند وعد هي
كويسة

فرح: بجد .. اهو ياستي اطمني كويسة

عائشة: فينها هاتي اكلماها

فرح: سيف طب هات وعد .. دادة عائشة عاوزه تكلمها

سيف بص لوعد " دادة عائشة عاوزه تكلم وعد " .. وعد هزت

رأسها انها مش عاوزة تكلم

سيف: مش هينفع .. اصل وعد ف الحمام دلوقتي لما تطلع
تكلمها

فرح: خلاص ماشي .. سلام

.. اهو ياستي اطمني بقا بخير وسيف كمان معاها

عائشة: ربنا يستر

نرمين: فاروق كلمني وقالي انه جاله شغل ورجع القاهرة.. هبقا
اروح لوحدي بقا

عائشة: طب ماتخليكي يومين يابنتي

نرمين: لا انا هرجع اشوف بيتي .. وبعدين فاروق ميقدرش
يستغني عني مش هينفع اسيبوا

عائشة: ع راحتك يابنتي

سيف: انتي مرضتيش تكلمي دادة عائشة ليه

وعد: مش عاوزها تحس بحاجة

سيف: ليه هو انتي مش هتقوليلهم اللي حصل

وعد: لا طبعا .. مش عاوزة مشاكل

سيف: نعمم ! انا مش موافكك مشاكل ايه .. لازم يعرفوا ان

فاروق دا زبالة

وعد: نرمين بتحبه مش عاوزة اكسرهما وابينلها حقيقة جوزها ..

ومش عاوزة اتسبب ف خراب بيت

سيف: تفكيرك غلط يا وعد .. دا خاين ولو بتحبي اختك بجد ..

لازم تعرفيها

وعد: مش هتصدقني...

سيف: هتصدقك .. لو مقولتيش انا هقول

وعد: خلاص انا هقول .. بس انا خايفة

سيف: متخافيش هكون معاكي .. بس لازم تحكيلهم

وعد: حاضر

سيف: يلا نامي انتي شكلك تعبانة

وعد: بس انت مأكلتش .. هقوم احطلك تأكل

سيف: لا انا مش جعان .. استريحي انتي .. لما اجوع هحطلي
اكل .. ولا انتي لسه شايفني مكسح

وعد: لا انت مش مكسح .. انت مضروب بس

سيف: حتي وانتي ف حالتك دي لسانك طويل .. تصدقي انا
غلطان كنت سيبتوا يقتلك

وعد عيبت

سيف: اهدي والله بهزار خلاص .. انتي مابتصدقي تعيطي .. انا
مكنتش هسمحوا يقربلك لا هو ولا غيره.. يلا نامي .. وانا
هطلع اشوف الخرابة اللي برا دي اظبطها

وعد: سيف

سيف: نعم

وعد حضنته: شكرا ع كل حاجة عملتها .. وانك انقذتني

سيف ابتسم: مافيش شكر دا كان لازم يحصل .. يلا تصبجي ع

خير .. قفل النور وخرج

في لندن

كمال: ايوة ياسعيد

المحامي: ايوة يا كمال بيه .. عملت ايه

كمال: اقنعت المستثمرين والمشروع هيبداً يقوم وكل حاجة
هترجع زي ماكانت

المحامي: الف مبروك ياكمال بيه الف مبروك

كمال: الله يبارك فيك ياسعيد .. انت السبب ف اللي وصلته
دا .. مش عارف اشكرك ازاي

المحامي: متقولش كدا ياكمال بيه .. دا شغلي

كمال: طب انا كدا اقدر ارجع مصر

المحامي: لا طبعا دلوقتي مينفعش القضية لسه شغالة ..
المشروع يبداً والبنك يعلم ب كدا .. متقلقش ياكمال بيه
انا هخلص كل حاجة هنا وهكلمك تيجي

كمال: ماشي سلام

سيف واقف ف البلكونة بيفكر ف اللي حصل

- انا ليه خوفت عليها اوي كدا ..مش عارف لو كان حصلها
حاجة مكنتش هسامح نفسي.. انا ايه الي بيحصلي دا .. هو انا
حببتها ولا ايه .. وفيها ايه لما احبها يعني .. مافيه اش عيب ..
علشان هي مش من مستوايا .. مستوي ايه بقا انت هتضحك
ع نفسك.. دانا اللي مبقتش من مستواها .. بصلها وهي نايمة

وعد قامت مفجوعة

جري عليها .. مالك !

وعد بخوف: انا كويسة .. كويسة

سيف: شوفتي كابوس ولا ايه

وعد: كابوس اه .. انت منمتش ولا ايه

سيف: لا مجاليش نوم

وعد: هما لسه مجوش

سيف: لا لسه .. قوليلي بقا حلمتي بايه

وعد: حلمت ...

عائشة: مش يلا بينا بقا

نهلة: هي الساعة بقيت كام

عائشة: الساعة 7

نهلة: طب يلا بينا

سيف: مالك

وعد: اصل انا عمري ماحكيتيه لحد

سيف بضحك: ليه هو بيجيلك كتير ولا ايه

وعد بزعل: ممكن متضحكش علشان الموضوع بيضايقني

سيف: مالك بهزار .. احكي طيب

وعد: انا مش عارفة مالي .. هو بيجيلي كتير فعلا .. هتصدقني

لو قولتلك اني بحلم نفس الحلم من وانا عندي 10 سنين

سيف: كل يوم بتحلمي نفس الحلم !

وعد: لا مش كل يوم .. كل فترة احلم نفس الحلم بنفس
التفاصيل

سيف: طب قولي ايه هو

وعد بتحكي وهي متأثرة: بشوف نفسي وانا صغيرة ف مكان
ضلمة.. وراجل بيقترب مني وعاوز يمسكني.. وبتيجي واحدة
تاخذني وتبعدني عنه وتقولي متخافيش مش هيقتربلك... وكل
لما باجي اعرف هي مين اصحا من الحلم..

سيف: طب اهدي انتي عارفة مين دول

وعد: بشوف وش الراجل بوضوح .. بس انا معرفش مين دا

سيف: طب والست !

وعد: مش بقدر اشوف ملامحها كويس .. او ببقا ناسية
ملامحة مش عارفة انا مش بفتكرها

سيف: طيب ممكن تكوني انتي متأثرة بالحلم ف بتحلمي بيه
كثير .. شيلي من دماغك مش هيجيلك تاني اكيد

وعد: حاضر

الجرس رن

سيف: شكلهم جم .. هقوم افتح

وعد: ماشي

{ وعد حسيت انها مستفدتش حاجة من رد سيف لما حكيتلوا
الكابوس اللي بيطاردها من صغرها لأنها مش هتقدر تشيلوا من
دماغها.. بس ع الاقل حسيت انها ارتاحت لما حكيت لحد }

عائشة: وعد فين

وعد: انا اهو ياخالو وحشتيني .. وحضنتها

عائشة: انتي كويسة !

وعد: اه .. اه انا كويسة

عائشة: قولي الحقيقة يا وعد... انتي وشك مخطوف .. سيف

انت عملتلها حاجة
وعد: لا مش سيف
عائشة: اومال مين !

ف الكافية

خالد: مالك سرحان ف ايه

احمد: سيف وحشني والله .. وزعلان اني ميسألش عليه

خالد: يادي سيف ... انت كل لما تيجي تقولي سيف .. سيف
.. ياعم دا تلقيه عايش حياته هناك .. ومش سأل فينا .. دا اذا
منسناش اصلا

احمد: هو انت بتكرهه ليه كدا

خالد: انا ... هكرهه ليه يعني .. المهم انا مجهزلك سهرة حلوة
.. وجايب مزز وهنولعها

احمد: انت عارف اني ماليش ف القرف دا

خالد: قرف .. حد يرفض النعمة .. انت فقري شبه سيف ..

سدیت نفسي .. سلام

احمد: احسن بردك ... سلام

وعد: هو فاروق

نرمين: ماله فاروق .. حصله حاجة .. انطقي

وعد: اتهجم عليا

عائشة: اييه !

نرمين: انتي بتقولي اييه فاروق ف القاهرة

سيف: هو لحق ياسافر

وعد: قبل مايسافر جه هنا وانا موجودة .. وحاول يتهجم عليا

عائشة: انا كنت حاسة انك فيكي حاجة .. قلبي مكنش مرتاح

وقولتلهم .. طمني يابنتي انتي حصلك حاجة ... حسبني الله

ونعم الوكيل فيك يافاروق

وعد: لا ياخالو انا كويسة .. وسيف جه ف الوقت المناسب

نرمين بغيظ: والمفروض بقا انا اصدق التمثيلية دي

وعد: تمثيلية ايه ... انتي قصدك ايه

نرمين: اقصد انك كدابة وبتتبلي ع فاروق

عائشة: عيب يانرمين اللي بتقولي لاختك دا

وعد: انا مبكدبش .. وهكذب ليه اصلا..

نرمين بغيظ: اقولك يا حبيبي تكدي ليه .. انتي تلقي الغيرة
كلتك من جوا .. لما بتشوفي فاروق بيحبني وبيدليني .. وانتي
عاملة شبه البيت الوقف محدش معبرك .. ف عملي التمثيلية
الخايبة بتاعتك دي ... علشان توقعي بيني وبين جوزي بس انا
مش هسمحلك

عائشة: وتغيير ليه منك ما اجوزها موجود

نرمين بضحك: جوزها ! انتو فاكرني نايمة ع وداني ومعرفش
انه متجوزها جبر خاطر كدا علشان قعدتوا ف البيت بس لا
هو بيحبها ولا طابق يبص ف خلقتها

وعد دمعت وبصيت لسيف: قولتك مش هتصدق .. وجريت
ع اوضتها

سيف بعصبية: انتي مين قالك اني متجوزها اجبار .. انتي مالك
باللي بيني وبينها اصلا

نرمين: لما هي تجيب سيرة جوزي انا كمان اجيب سيرتك..

سيف بعصبية: جابت سيرة جوزك علشان جوزك مش راجل
.. انا ساكت من الصبح وبقول انتو اخوات متدخلش .. بس
انتي متتسميش اخت اصلا ... انتي واحدة مش محترمة
ومتفرقيش عن جوزك حاجة .. لما تدفعي عن شخص زبالة
وتوقفي قصاد اختك تبقي مش محترمة .. واه وعد مبتكدبش
وجوزك اتهجم عليها وكان هيموت ف ايدي لولا هي منعتني ...
واللي بيني وبين وعد لا انتي ولا غيرك ليه فيه .. انا مش مجبر
ع وعد انا بحبها .. وبلغي جوزك انه لو راجل ميظهرش قصدي
ف اي حته ... دا لو كان راجل اصلا

ومشي داخل يشوف وعد

ونرمين مصدومة من الكلام وخذت حاجتها وبنتها ومشيت ...
وفرح ونهله وعائشة واقفين مصدومين من رد فعل سيف الغير
متوقع ودفاعه واعترافه بحب وعد ... بس للاسف وعد
مسمعتش ولا حاجة

سيف: وعد انتي كويسة

وعد: اه

سيف: متزعليش .. انا السبب .. اللي خليتك تسمعي الكلام دا
مكنتش اعرف انها كدا

وعد: مش زعلانة.. هي مقالتش حاجة غلط دي الحقيقة

سيف: لا مش الحقيقة يا وعد .. انا مش مجبر ع جوازي منك

وعد: لا انت مجبر ياسيف

سيف: الكلام دا كان ف الاول بس دلوقتي

وعد: دلوقتي ايه اللي اتغير

سيف: انا .. انا حبيتك

فرح: عمر عامل ايه

عمر: انا كويس انتي مالك وشك مقلوب ليه

فرح: كان عندك حق يا عمر.. سيف كان فيه حاجة امبارح

عمر: ليه ايه حصل

فرح: فاروق اتهجم ع وعد وسيف لحقها

عمر: ايه ! ابن ال .. انا مبرتحلهوش الراجل دا .. نرمى عملت

ايه

فرح: كذبت فرح وقالتها كلام يوجع اوي .. بس سيف

مسكتلهاش

عمر: اكيد طبعا جوزها وبيدافع عن مراته..

فرح: اه ...مراته

{ عمر ميعرفش ان جواز سيف ووعد ع الورق بس }

فرح: عمر كنت عاوزة اقولك ع حاجة

عمر: عاوزه ايه يا حبيبي قولي

موبايل عمر رن

عمر: طب ثواني يا حبيبي .. ايوه .. اه انا وصلت .. اه معايا ..
طيب انا جايلك

فرح: في ايه يا عمر

عمر: واحد ف الشغل نسي المفتاح بتاعه .. هروح اديلوا اللي
معايا واجي

فرح: ماشي يا عمر

وعد: انت بتقول كدا علشان مزعلش من كلام نرمين

سيف: وعد تتجوزيني

نهلة دخلت عليهم: سيف انا عاوزك

سيف: ماشي ياماما انا جاي وراكي... وعد فكري .. هستنا ردك

نهلة: ممكن افهم ايه اللي سمعتوا

سيف بقلق: سمعتي ايه

نهلة: انت هتستعبط .. الكلام اللي قولتو لنرمين .. انت بتحب
وعد

سيف: ااااه

نهلة: نعمم !

سيف: لا اقصد اه ان قصدك ع الموضوع دا .. لا دا بس كان
رد فعل ع كلام نرمين .. انتي شوفتي هي جرحت وعد ازاي

نهلة: من امتي الحنية دي مانت مكنتش بتطبيقها

سيف: يعني بردك كان لازم اوقف نرمين عند حدها .. وبعدين
هي جابت سيرتي كان لازم ارد

نهلة: يعني انت مبتحبش وعد !

سيف بيفكر: لا

نهلة: ايوة كدا ريحتني

{سيف كذب ع امه علشان عارف رد فعلها لما تعرف انه عاوز
يتجوز وعد بجد ممكن تموت فيها }

فرح جت..

نهلة: كنتي فين

فرح: كنت بجيب حاجات ...

نهلة: بتجيب حاجات ولا مع الجربوع بتاعك

فرح: ماما لو سمحتي متقوليش عليه كدا

نهلة: ياريتك بتدافعي عني زي مابتدافعي عنه كدا

فرح: لا ياماما اطمني انتي مش محتاجة حد يدافع عنك

سيف: انتي بتعملي ايه

وعد: بلم الهدوم .. نرمين مشيت .. هرجع اوضتي

سيف: امممم ... انتي فكرتي ف اللي قولتهولك

وعد: ايه هو

سيف: والله

وعد: !

سيف: ماشي يا وعد هقولك تاني .. انا عاوز اتجوزك

وعد: سيف لو سمحت لو بتقول كدا علشان اللي حصل .. ف
متقلقش انا مش زعلانة

سيف: لا يا وعد انا بقالي فترة بفكر .. ممكن تديني فرصة
اثبتلك حبي

وعد: انا مش عاوزة اتوجع يا سيف .. لو سمحت خلىنا كدا
احسن

سيف: متخافيش .. وبعدين هو مش انتي بتحبيني !
وعد: ...

سيف: ايه

وعد: بحبك ياسيف ومن زمان اوي كمان ..

سيف ابتسم: مانا عارف

وعد: عارف ! وكنت بتعاملني وحش

سيف: كنت ببقا قاصد بصراحة .. علشان مكنتش بفكر فيكي

بصراحة .. ها بقا ردي هتديني فرصة

وعد: ماشي ياسيف انا موافقة..

سيف فرح

وعد: ممكن بقا توسع علشان اروح اودي الهدوم .. لسه

هحطهم ف الدلاب التاني وليلة كبيرة وسع يلا

سيف: نعم .. او مال احنا بنرغي ف ايه من الصبح ..

وعد: في ايه ياسيف .. مانا وافقت .. عاوز ايه تاني

سيف: تفضلي هنا

وعد اتكسفت: اممم.. ماشي ..

سيف غمز لها: طب ايه

وعد: ايه ..

سيف غمز لها ثاني: ايه انتي
وعد: فيي ايه دا مرض دا مالك
سيف: انتي هتستهيلي
وعد: في ايه ياسيف بجد
سيف: امممم .. انا شكلي اتسرعت ف قرار احب واحدة غبية
وعد: يوة ماتحترم نفسك بقا
سيف: مانتي اللي مش بتفهمني
وعد: عاوز ايه ياسيف انجز
سيف: انجز ! ماشي ياستي عاوزك
وعد: عاوزني ازاي مانا جنبك اهو..

سيف: لا دانتي برميل غباء متنقل وهتتعبيني .. راح شالها
وعد: انت بتعمل ايه .. نزلني بدل ماصوت واجبهملك كلهم
هنا

سيف: صوتي كدا وريني ... ونزلها ع السرير

وعد: طب استنا طب هفهمك

سيف: القرار صدر وجاري التنفيذ

وعد: ياسيف طب

سيف: شششششش خلاص .. مافيش كلام

وعد: انا بحبك ياسيف

سيف: وانا كمان بحبك

{استوب لحد هنا نروح مكان تاني بقا }

نهلة قعدة ف اوضتها موبايلها رن

كمال: الو يانهلة .. عاملة ايه

نهلة: الحمدالله انا كويسة .. انت ايه اخبارك

كمال: قريب هرجع

نهلة: بجد ياكمال .. طب والفلوس والفيلا والشركات

كمال: كل حاجة هترجع وهنبقا احسن من الاول كمان

نهلة: طب امتي راجع

كمال: قريب.. خليبالك ع العيال بس انتي

نهلة: حاضر ياكمال .. سلام

نهلة بتفكر مع نفسها: لا زم قبل ماكمال يرجع اصلح كل حاجة
... ياتري ايه الي نهلة عاوزة تصلحه ؟

سيف صحي لقي وعد لسه نايمة .. باسها من راسها .. وفضل
يחסس ع شعرها .. وعد صحيت

وعد: صباح الخير

سيف: صباح النور .. قلقتك

وعد: لا انا اللي صحيت .. انت مش رايح الشغل

سيف: لا هأجز انهاردة .. قعدلك

وعد ضحكت: طب يلا نقوم نفطر

سيف: ماشي .. اه صح وعد متقوليش لحد ع اللي حصل

وعد: ليه

سيف: علشان مش وقته يعني موضوع فاروق والي حصل
مأثر ع البيت .. ع الاقل دلوقتي منقولهمش حاجة

وعد: ماشي .. مش هقول لحد خالص

سيف: ماشي ياقلبي .. يلا نفطر

وعد ف اوضة فرح

وعد: فرح ... فرح

فرح: في ايه يابنتي مالك .. شكك مبسوطه

وعد: اه اوي اوي

فرح: باين عليكي .. ها بقا فرحيني معاكي

وعد: سيف اعترفلي بانه بيحبني

فرح: اه مانا فرحت لما قال كدا قدام نرمين

وعد: قال ايه

فرح: قال انه بيحبك قدامنا كلنا وهزق نرمين وقال فيكي اشعار
يابنتي فاتك نص عمرك

وعد فرحت و اتأكدت انه بيحبها

وعد: وبصراحة ف حاجة كمان

فرح: خير

وعد: اه هو خير .. انا وسيف اتجوزنا

فرح: وايه الجديد مانتو ... ايه دا استني انتي قصدك

وعد بفرحة هزت رأسها: اه..

فرح حضنتها: مبروك يارووحيني ... سيف مش هيلاتي احسن

منك

وعد: عقبالك يا حبيبي انتي وعمر

فرح بزعل: يارب

وعد: مالك .. حساكي مضايقة .. هو عمر عمك حاجة

فرح: لا عمر معملش .. بس موضوع الكذبة دي مزعلني مش
عاويزة اخبي عن عمر حاجة لازم يعرف اني بنت كمال الهلالي ..
وكل لما اقوله حاجة تحصل تمنعني

وعد: انا اسفة .. انا السبب

فرح: متأسفيش .. انتي عملي كدا علشاني .. مكنتيش تعرفي
ان انا وعمر هنجب بعض .. بس انا لازم اقولو

نهلة سمعتهم: انا بقا كدا عرفت انا هعمل ايه

فاطمة: عمر يا حبيبي انت عامل ايه

عمر: انا كويس ياماما

فاطمة: ايه اللي واخذ عقلك بقا

عمر: فرح ياماما

فاطمة: مالها يا حبيبي

عمر: عاوز اخذ خطوة ف علاقتنا ...عاوز اتقدم لها

فاطمة: وماله يا بني .. نروح نطلبها من اخوها وامها .. البنت
كويسة وانا بحبها بصراحة

عمر بفرحة: ماشي ياماما .. انا هكلم فرح اخليها تحدد معاد مع
اهلها

الجرس رن

فاطمة: خليك انت انا هشوف مين ..

راحت تفتح

فاطمة: الست نهلة .. خير اتفضلي

نهلة: شكرا .. انا جاية لعمر .. هو هنا

فاطمة: اه ولسه بتكمل ..عمر طلع شاف نهلة استغرب

عمر: اهلا وسهلا اتفضلي .. اعمليلنا حاجة نشربها ياماما

نهلة: انا مش جاية اتضايف .. انا جاية اقولك نصيحة وامشي

عمر بقلق: خير !

نهلة: ابعء عن فرء يا عمر ..

ياتري ايه رء فعل عمر من طلب نهلة... واية الءاءة اللى نهلة
عاززة تصلءها قبل رجوع كمال... هنعرف ف الاءزاء الءاية
تابعوا.. متنسوش رايكم يهمني علشان اءدر اكمل
رواية ابنتي ولكن بقلم ياسمين علي الفصل السادس

نهلة: انا مش ءاية اءضايء .. انا ءاية اقولك نصيئة وامشي

عمر بقلق: خيرر !

نهلة: ابعء عن فرء يا عمر

عمر: طيب اءفضلي اسءريءي نءكلم

نهلة: اظن انا ءلصء كلامي

عمر: انا مءدر شعور ءضرتك ومءءرمة .. انا فعلا كنت ءلطان

وانتي معاكي كل الءق

نهلة: ءلو اوي انك معءرف ب كءا..

عمر: ايوة انا غلط اني مدخلتش البيت من الباب .. بس ربنا
يعلم فرح عندي ايه .. ولسه كنت بتفق انا وماما اننا نزوركم
واطلب ايدها من حضرتك .. او من سيف .. صدقيني انا مش
قصدي العب بيها والله .. انا عندي اخت

نهلة بطريقة: انت تتقدم لبنتي .. انت شكك اتجنت

عمر باستغراب: اتجنت !

نهلة: لما تطلب حاجة كبيرة عليك .. تبقا اتجنت

عمر: حضرتك تقصدي ايه !

نهلة: انت عارف فرح تبقا بنت مين .. اكيد متعرفش لان فرح
مخبية عليك ...

عمر: !

نهلة بفخر: تبقا بنت كمال الهلالي رجل الاعمال المعروف ..

"عمر واقف مصدوم وساكت "

نهلة: اكيد دلوقتي عرفت حجمك وانك مش الشخص
المناسب لبنتي بالمره .. وعاوزه اعرفك ان فرح محبتكش .. فرح

بتحب تتسلي بس مش اكر.. انا قولت اجي انصحك.. علشان
الموضوع لو وصل لكمال هتتأذي جامد .. عن اذنك

"عمر فاق من الصدمة اللي هو فيها واستجمع نفسه "

عمر: استني ياهانم .. انا لسه مردتش .. انا هسيب فرح

نهلة: حلو جدا...

عمر: بس مش علشانك ولا علشان تهدديك ولا انا خايف من
ابوها ولا كل اللي انتي قولتية دا .. انا هسيبها علشان
ميشرفنيش اناسب عيلة نصابة شبهكم

نهلة: انت اتجننت .. انت متعرفش انا ممكن اعمل فيك ايه

عمر: متقدريش عملي معايا حاجة لا انتي ولا غيرك .. والكلام
اللي قولتية دا انا مش هقدر ارد عليك في علشان انتي في بيتي
بس

نهلة بعصبية: قليل الذوق .. ومشيت.

فاطمة خرجت: عمر يا بني انت كويس ..

عمر: انا كويس .. ومشي

فاطمة: هتروح فين يا عمر .. رد عليا

عمر: انتي فين

فرح: ايه يا عموري انا ف البيت

عمر: انزيلي انا ف المكان اللي بنتقابل فيه

فرح: حاضر هو في حاجة

عمر: مستنيكي .. سلام

فرح بقلق: سلام

نهلة: انتي راحة فين

فرح: هنزل اشترى حاجة وجاية

نهلةة: امممم .. ماشي

فرح مبتسمة: وحشتني اووي

عمر: انتي بنت كمال الهلالي !

فرح وشها قلب: انا كنت ..

عمر بعصبية: انتي واحدة كدابة

فرح: انا مكذبتش عليك يا عمر .. انت عمرك ماسألتنني

عمر: انتي قولتي انك قريبة وعد .. يعني كدبتي

فرح: والله العظيم وعد هي اللي قالت كدا مش انا

عمر: وعد قالت وانتي عيشتي ف الكدبة دي

فرح: حاولت اقولك كتير .. كل لما اجي اقولك حاجة تحصل

تمنعني

عمر بعصبية: مش مبررر ... المفروض تعرفيني حاجة زي دي
وانا ساعتها اقرر اذا كنت هدخل ف علاقة معاكي ولالا ...
فرح: عمر انت بتكلمني كدا ليه .. انا معملتلكش حاجة وحشة
..

عمر: لا عملتني .. وحطتيني ف موقف وحش وفوق كل دا
مش شايفة نفسك غلطانة

فرح: انا مش فاهمة .. موقف ايه اللي حطيتك فيه
عمر بعصبية: دا ع اساس انك متعرفيش ان نهلة هانم كانت
عنديبي!

فرح: ابييه .. ماما كانت عندك ... قالتلك ايه .. عمر رد عليا
عمر: اللي بينا انتهى يافرح .. جه يمشي

فرح جريت مسكت ايده وبتعيط: لالا عمر لالا .. لازم تسمعني
انا ماليش زنب .. انا كدبت انا غلطانة حقك عليا .. عاتبني بس
متسبنيش .. انا بحبك يا عمرر ..

عمر: مبقاش ينفع خلاص ... شد ايده ومشبي

الباب بيخبط جامد

عائشة ووعد طلعا من اوضهم: هو في ايه

عائشة: استر يارب

وعد: استني ياخالتو انا هفتح ..

وعد فتحت لقيت فرح

وعد: في ايه يابت هتكسرلنا الباب .. ايه دا مالك

فرح: هي فيين

وعد: مين يافرح

نهلة خرجت من الاوضة: اهلا .. مالك يافروحة انتي معيطة

فرح: انتبي قولتي ايه ل عمر

نهلة: هو لحق يقولك

فرح بعصبية: رددي عليا

نهلة: اتكلمي عدل معايا متنسش اني امك .. قولتلو اللي كان

لازم يتقال انه مش مناسب ليكي ويبعد عنك وعرفته انتي بنت
مين ..

فرح بعياط وعصبية: لبيبيه كداا ... انتي بتعملي لبيه كدا ..
ليه مصممة تدمري كل حاجة بيني وبينك ...

نهلة: انا عاوزه مصلحتك

فرح: انتي متعرفيش حاجة عن مصلحتتي ... مصلحتي مع
اللي احبه مش اللي انتي تختاريه ..

نهلة: انتي صغيرة متعرفيش حاجة

فرح بعصبية ومنهارة: متقوليبيش صغيرة ... انا مش صغيرة
وفضلت تكسرف الحاجة وتعيط

وعد: اهدي يافرح هيصلك حاجة

نهلة: دا جنان رسمي .. انتي محتاجة دكتور

فرح قربت من امها: لو عمر سابني .. انا مش هسامحك ..
ودخلت اوضتها ... وعد طلعت تجري وراها

عائشة: ليه عملي كدا يهانم .. ليه تحرميها من حد بتحبه

نهلة بعصبية: انتي اتجننتي ولا ايه .. انتي هتقوليلي اعمل ايه
ومعملش ايه .. انتي نسيتي نفسك

عائشة: لا العفو .. انا مش هقولك تعملي ايه .. انتي كبيرة
وعارفة انتي بتعملي ايه كويس .. بس اعرفك حاجة .. اللي
بتزرعيه ف بنتك .. بكرا تحصديه .. افهمي الكلام دا كويس
وافتكريه .. عن اذنك

وعد: فرح علشان خاطري اهدي .. كل حاجة هتتحل
فرح بعياط: كل حاجة راحت يا وعد .. كل حاجة راحت ..
بسببها .. ليه بتعمل معايا كدا ... بتاخذ كل حاجة بحبها ... انا
بكرهها بكرهها

وعد: اهدي بس ومتقوليش كدا يافرح .. دي مامتك بردك
عيب

فرح: مامتي ! دي مش ام .. دي مبتفكرش غير ف نفسها
وبسس ... ياريتني ماكان عندي ام .. كنت هعيش مبسوطه ..

وعد: اوعي تتمني كدا يافرح اوعي .. انتي ف نعمة يافرح .. في

ناس كتير نفسها يكون عندها ام *ودمعت*

فرح: اكيد محدش يتمني يكون عنده ام زي امي

وعد: اينكان عيوبها يافرح .. دا ميدكيش الحق تقولي كدا عنها

.. ربنا يخليهاالك .. ميحسش بالام غير اللي محروم منها ..

اهدي بس انتي كدا وامسحي دموعك وكل حاجة هتتحل ..

عمر بيحبك وهيرجعلك .. اديلوا وقته .. سبيه يفكر اكيد كلام

مامتك كان قاسي عليه .. لازم يفكر ويقرر.. هو بيحبك

استحالة يفرط فيكي بسهولة

فرح: يارب يا وعد يارب ... عمر لو مرجعليش همووت نفسي..

وعد: بعد الشر عنك يا حبيبي .. مسحتلها دموعها .. يلا قومي

كدا اغسلي وشك واتوضي وصلي وادعي لربنا كتير .. هو اكثر

حد حاسس بيكي

فرح: اصلي ! .. انا مبعرفش اصلي

وعد: طيب تعالي انا هعلمك .. يلا قومي

{ كلام وعد طمن فرح ابتسمت وقامت تصلي وقعدت تعيط

{ وتدعي }

سيف دخل الاوضة: قمري صاحي ولا نام
وعد: مقدرش انام غير لما اطمن عليك .. عملت ايه ف
الشغل

سيف: الحمد لله كان كويس.. انهاردة خدت اول قبض
وعد: ياسيدي ياسيدي ...مين قدك..

سيف طلع علبة من جيبوا

سيف: وعد بصي هو حاجة بسيطة بس يارب يعجبك
وعد بفرحة: فتحت العلبة لقيت خاتم .. الله حلو اووي
ياسيف ... *حضنته* .. ربنا يخليك لياا يارب مبسوطه انك
افتكرتني

سيف: انا عمري مانسيتك ياوعد

وعد بصتله: انت حبيتي بجد ياسيف

سيف: لسه عندك شك !

وعد: توتو انا واثقة فيك

سيف: طب هاتي البسهولك بقا

وعد بصاله وفرحانة اوي ومش مصدقة .. وحاسة انها ف حلم .. لا حلم ايه .. دا بجد الشخص الوحيد اللي حبيته .. اتجوزها ويبدلها نفس الحب

سيف: بصراحة الخاتم مكنش عاجبني .. بس لما لبستيه بقا حلو جدا

وعد: ربنا يخليك ليا يارب

وعد: سيف صح ونبي ادخل اتكلم مع فرح شوية

سيف: ليه مالها !

وعد: اتخنقت هي ومامتك .. معلىش ادخل راضيه .. هي محتاجك

سيف: حاضر

{ فات شهر ع ابطالنا وعد وسيف مبسوطين مع بعض جدا
والحياة بمبي معاهم ... عمر مبقاش مبسوط ف حياته بعد
ماساب فرح بس هو قرار انه مش هيرجعلها... وفرح يا اعيني
عايشة ع الامل اللي وعد عطتهولها ان عمر هيرجعلها لما يهدأ
... ونهلة طبعا مبسوطه انها فرقت بين عمر وفرح .. ودا
الحاجة اللي كانت عاوزة تصلحها قبل رجوع كمال }

وعد: سيف اصحا .. يلا علشان توصلني ... انت يا عم اصحا
بقا

سيف: خلاص يازنانه صحيت .. حتي يوم اجازتي مش سايبني
ف حالي ..

وعد: يعني يرضيك مراتك حبيبتك تروح الكلية لوحدها .. دا
حتي يبقا عيب ف حقك .. وبعدين دا اخر يوم امتحان خلاص

سيف: الحمد لله مش هتقرفيني تاني ...

وعد: اخص عليك انا بقرفك .. دانا بنورك عربيتك والله

سيف: انتي بتنوري حياتي مش عربيتي بس..

وعد بكسوف: مانا عارفة

سيف غمز لها: لا مش عارفة

وعد: لا عارفة .. ويلا بقا هنتأخر

سيف: يخربيتك بتفصلي الواحد

وعد: طب خلاص يلا قوم اللبس

سيف: حاضر .. ركزي ف امتحانك ومنتسر عيش .. وبطلني غباء

ابوس ايدك ..

وعد: اخص عليك ياسيف انا غبية

سيف: لا يا قلبي متزعليش انتي غبية بس انا بحبك

وعد: اذا كان كدا ماشي .. يلا بقا قوم .. قوم

سيف: حاضر اهو قايم والله

ف القاهرة

خالد: ايوة يا بني .. انت نايم ولا ايه

احمد بنوم: ايه يا خالد عاوز مني ايه ع الصبح

خالد: انا زهقان انزل اقعد معايا

احمد: انت فين

خالد: انا ف النادي مستنيك متتأخرش

احمد: ماشي انا جايلك

وعد قاعدة ف الامتحان مش مركزة وحاسة انها دايرة

المراقبة: في حاجة .. انتي كويسة !

وعد: اه انا كويسة

احمد وصل النادي وبيكلم خالد

احمد: انت فين انا جيت النادي اهو

خالد: انت فين بالظبط وهجيلك

" احمد لسه بيلف يبص هو فين لبس ف بنت والعصير بتاعها

اتقلب عليه "

...: انت يا اعمي مش تحاسب

احمد: انا اللي احاسب !

...: اه انت او مال انا يعني

(نادين 20 سنة بنت رجل الاعمال سالم ابو النجا.. وحيدة
ودلوعة ابوها ... جميلة فوق ماتتخيلوا .. طويلة .. وبيضة
وشعرها اسود طويل .. وملامحها مرسومة .. بتحب الرياضة
جدا وعلطول ف النادي .. ثقيلة والناس بتفتكر تقلها دا تناكة
(

احمد: لحظة بس انتي مش واخدة بالك... اني انتي اللي قالبة
العصير عليا

نادين: تستاهل .. مانت لو بتشوف مكنش حصلك كدا

احمد بعصبية: انتي عبيطة .. ولا في حاجة ف دماغك

نادين: انت اتجننت انت ازاي تكلمني كدا انت متعرفش انا
بنت مين

احمد: لا ومش عاوز اعرف اصلا ... انسانة قليلة الذوق ومش

" وهي بصاله ومتعصبة انه غلط فيها ومردتش عليه "

خالد: ايه يا بني بدور عليك .. ايه دا حصلك ايه

احمد بعصبية: واحدة مستفزة ومعندهاش دم .. دلقته عليا

خالد: طب اهدي بس.. مانت لو تسمع كلامي وتيجي تجرب

وتتعامل مع البنات .. مش هتبقا كدا

احمد بعصبية: انا في ايه وانت في ايه ياخي... تصدق انا

غلطان اللي نزلتلك اصلا .. سلاام

وعد خرجت من الامتحان والدنيا بتلف بيها .. طلعت تجري

ع الحمام استفرغت ..

وغسلت وشها وخرجت وهي سرحانة وبتفكر

...: وعد عملي ايه ف الامتحان

وعد: الحمدالله يا سارة

سارة: مالك يا وعد انتي تعبانة

وعد: مافيش انا بس منمتش كويس .. بعد اذنك ومشيت وعد
وهي بتفكر لحد ما وصلت لصيدلية ...

فرح واقفة ف البلكونة سرحانة وبتبص ع بلكونة عمر ..
وقررت انها لازم تتكلم مع عمر .. هو خد وقته ف التفكير

بترن الجرس

فاطمة: فرح .. اهلا يابنتي اتفضلي

فرح: حضرتك عاملة ايه

فاطمة: فضل ونعمة يابنتي

فرح: هو عمر موجود

فاطمة: ايوة يابنتي هدخل اندهولك

"فاطمة دخلت تنادي عمر وفرح واقفة خائفة من الموجهه"

فاطمة: فرح برا يا عمر

عمر: قوليلها مش موجود

فاطمة: عاوزني اكذب يا بني

عمر: خلاص قوليلها مش عاوز يقابلك

فاطمة: ليه كدا يا بني البت جت لحد عندك .. البت دبلانة

خالص .. باينها بتحبك يا بني متاخدهاش بذنب امها

عمر: لو سمحتي ياماما .. متدخليش ف الموضوع دا

فاطمة: اللي تشوفوا يا بني .. وخرجت

{ عمر مكنش سهل عليه يبعد عن فرح .. بس كرامته
مستحملتش اهانة نهلة ليه وفتحته جرح قديم ف انه
متقبلش ف الشغل بسبب الواسطة مع انه كان تقديره امتياز
... ساعتها حس بالعجز نفس احساسه بالعجز وهو مش قادر
يرجع لفرح ... بسبب الفرق اللي بينهم.. اختار يبعد عنها }

فاطمة بتوتر: معلش يا بنتي هو الظاهر خرج وانا مخدتش بالي

فرح فهمت انه مش عاوز يقابلها: ماشي ياطنط شكرا
فاطمة بزعل: طب يا حبيبي لو عاوزة تقوليلو حاجة قوليلي
ولما يجي اقوله

فرح دمعت: لا مالهاش لازمة بقا خلاص .. وخرجت وهي
بتعيط واتأكدت انه خلاص اللي بينهم انتهى

الجرس رن

عائشة: وعد يابنتي يا حبيبي انتي جيتي

وعد: اه يا خالتو

عائشة: عملي ايه ف الامتحان .. شدي حيلك يا حبيبي دي
سنة التخرج

وعد: الحمد لله كان كويس يا خالتو ... هو حد ف الحمام .

عائشة: لا يا حبيبي الحمام فاضي

(وعد دخلت الحمام .. وعملت اختبار الحمل .. وطلعت

حامل)

وعد كانت حاسة انها فرحانة وخايفة ومتوترة ومبسوطة كل
الحاجات دي مع بعض ...ومكنتش عارفة تعمل ايه .. حطيت
الاختبار ف الشنطة ودخلت اوضتها تفكر هتعمل ايه ...

ف فيلا سالم ابو النجا

نادين: فتحية .. فتحية

فتحية: نادين هانم .. انتي رجعتي

نادين: اه هو بابا فين

فتحية: ف مكتبه ياهانم .. احضرك الاكل

نادين: لا .. انا هطلع لبابا

في مكتب

سالم قاعد ع مكتبه وماسك صورة

نادين: بابي .. عامل ايه وراحت باسته

سالم دخل الصورة بسرعة: الحمد لله يا حبيبتي بابا انتي كنتي
فين

نادين: كنت ف النادي زي كل يوم ..

سالم: راجعة بدري يعني

نادين: حصل موقف مع واحد متخلف .. قفلي يومي كله

سالم: حد قربلك ؟

نادين: محدش يقدر يابابي ... انا بعرف اتعامل مع الاشكال دي
متقلقش

سالم: ماهو دا اللي مطمئني عليكي ... هتتغدي معايا ولا زي كل
يوم

نادين: لا هتغدي معاك انهاردة .. علشان خارجة بليل مع
اصحابي

سالم: طيب يلا بينا .. اصل انا اول لما شوفتك نفسي اتفتحت
اوي

نادين بتضحك: يا حبيبي انت

" وعد سرحانة وبتفكر .. لحد ما عرفت هي هتعمل ايه "
(دخلت المطبخ وقررت تعمل عشاء حلو .. وعملت كيكة
وزينتها .. وجهزت السفارة وناديت عليهم)

كلهم مستغربين وقعدوا يأكلوا ..

سيف: اكلك حلو اوي

عائشة: اه وعد شاطرة اوي ف الاكل

نهلة: عندك حق ياسيف .. احلي من اكل خالتك .. تبقي تعالي

تشتغلي عندنا لما كمال يرجع

وعد اتضايقت: ربنا يرجعوا بالسلامة

وكملاوا اكل

بعد الاكل وعد جبتلهم الكيكة

سيف: لا كدا كتير .. انتي مكلفة نفسك ع الاخر .. كل دا

علشان انا اجازة صح

وعد: بصراحة لا .. انا حبيت اجمعكم علشان اقولكم ع حاجة
مهمة

كلهم بصلها

عائشة: خير يابنتي

وعد بفرحة: خير ياخالو متقلقيش .. جريت ع اوضتها

الكل: دي راحة فين

وعد رجعت: كنت بجيب حاجة .. معلش .. انا متوترة اوي
مش عارفة اقول ايه .. ف انا هوريكم وانتو تعرفوا .. * طلعت
الاختبار *

سيف: ايه دا

وعد: انت مش فاهم اكيد .. دا اختبار الحمل

" نهلة وعائشة قعدين مصدومين "

وعد بفرحة: انا حامل

سيف: ايبيبه !

نادين: فتحية انا خارجة علشان لو بابا سأل عليا

فتحية: حاضر يهانم

موبايل احمد رن

احمد: نعم.. عاوز ايه !

خالد: ياعم براحة عليا بس .. انا عاوز اصالحك .. انا سهران

سهرة حلوة دلوقتي تعالالي

احمد: بنات لالا ياخالد قولتلك مليون مرة

خالد: والله ياعم معيش بنات انا لوحدي

احمد: ماشي انت فين

خالد: هبعثلك اللوكيشن

وعد: ايوة انا حامل ياسيف

نهلة: انتي بتقووولي اييه .. حامل من مين !

وعد: هيكون من مين .. من سيف طبعا

عائشة: هو انتي وسيف اتجوزتوا !

وعد بفرحة: ايوة ياخالتو .. وانا حامل دلوقتي

فرح: الف مبروك يا حبيبتي

نهلة: مبروكك ايه ... دا نهار اسوود ... انتو اتجننتوا

وعد: نهار اسوود ! حاملي بنسبالك حاجة وحشة

نهلة: انتي اكيد بتهزاري انتي مش حامل .. متتكلم ياسيف ..

قول حاجة .. هي حامل منك .. انت كنت بتستغفني

سيف: انا مش عارف دا حصل ازاي

وعد: نعم ! هو ايه اللي حصل ازاي

موبايل نهلة رن

سيف: الحمل .. انا مكنتش عامل حسابه

وعد: دا كان متوقع يحصل يعني

سيف: لا .. المفروض كنا نتفق .. مكنتش المفروض تاخدي

القرار من نفسك

وعد: قرار ايه ياسيف انا لسه عارفة انهاردة ... انا زيك مكنتش
عاملة حسابي

سيف: بس ...

وعد: بس ايه ياسيف

سيف: مش عارف .. مش عارف

{ سيف مبقاش عارف فعلا يعمل ايه .. هو لما خد قرار انه
يتجوزها.. محطش ف دماغه انهم يخلفوا دلوقتي خالص ..
لانه حاسس انه كبيرة عليه المسؤولية }

نهلة جت تجري: ابوكوووو رجوع

احمد: ايه المكان دا

خالد: مكان عالمي هتنبسط اوي ..

احمد: انت مش قولت مافيش بنات

خالد: فين البنات مانا قاعد لوحدي اهو

احمد: وكل اللي حواليك دول ايه

خالد: لا دانت عاوزلك كوكب لوحدي بقا

احمد: ياريت والله بلا وجع دماغ

خالد: بزمتك دول يوجعوا الدماغ .. بص حواليك كدا ..

هتعرف انك مش عايش

احمد بيلف يبص لمح البنت اللي دلقت عليه العصير

(نادين)...وشه قلب

خالد: في ايه مالك .. قلبت وشك ليه

احمد: المستفزة اللي قلبت العصير اهي هناك

خالد بص: فين دي ... انت قصدك ع انهو

احمد: الي بتضحك هناك دي

خالد: يلا هوووي ... هي دي اللي اتخنقت معاها

احمد: ايوة هي..

خالد: دانا هتخانى معاك دلوقتي .. فى حد يتخانى مع
الصاروخ دي .. انت عارف دي بنت مين

احمد: يادى ام الكلمة دي .. بنت مين يعنى

خالد: دي بنت سالم ابو النجا .. رجل اعمال كبير اوى .. انت
خناقتك معاها دخلتك التاريخ

احمد: نعم ! ليه يعنى ع ايه..

خالد: ع ايه .. لا دانت اعمى بجد .. دا مافيش حد بيعرف
يقرب منها اصلا اى حد بيقربلها بتضطبطوا .. بس سيبك انت
البت وتكة ع الاخر

احمد بصلها: مش للدرجة يعنى

خالد: اقعد ساكت ونبي .. انت مبتفهمش

احمد: شكر ياعم .. ورجع بصلها تانى .. مش اوى بردك

* ف اوضه نهلة *

سيف: بابا رجع ازاي .. وانتي كلمتي منين

فرح: يا حبيبي يا بابا .. انا كنت عارفة انه هيرجع

نهلة: اهدوا هفهمكم كل حاجة ... ابوكو اتصل بيا قبل الحادثة
بيوم

* فلاش باك *

نهلة: ايوة ياكمال انت فين و...

كمال: اسمعيني كويس فاللي هقولو ومش عاوز حد يعرف
حاجة ولا حتي الولاد

نهلة: خير ياكمال قلقطني

كمال: انا مش عاوزك تقلقي .. انا هسافر

نهلة: طب فيها ايه مانت بتسافر دايمًا

كمال: لا المرة دي مختلفة

نهلة: ازاي

كمال: انا ههرب يانهلة

نهلة: اييه !

كمال: زي ماسمعتي ههرب والبوليس هييجي بكرا .. لما ييجي
متتصدميش .. واستحملي يانهلة شوية عبال ماارجع ... خليكي
واثقة فيا انا هرجع ومش هسيبكم ...

نهلة: فهمني طيب في ايه

كمال: مش هينفع دلوقتي .. كل اللي عليكي انك تصبري شوية
بس وهرجع

نهلة: هو دا كل اللي ابوكم قالوا .. انا معرفش حاجة تانية

سيف: يعني كنتي ع تواصل معاه كل الفترة دي ومخبية

نهلة: هو اللي مكنش عاوزكم تعرفوا

سيف: ليه هنبغ عنه .. ع الاقل يعرفنا انه مش نصاب

فرح: ومين قالك اني صدقت ان بابا كدا اصلا .. انا واثقة ف

بابا عمره مايعمل حاجة غلط

نهلة: مش مهم الكلام دا دلوقتي المهم انكم تجهزوا حاجتكم
علشان نتحرك

سيف وفرح: ع فين

نهلة: هنرجع فيلاتنا

فرح: طب وواعد

نهلة: طيب روجي انتي يافرح جهزي هدومك وانا هشوف
الموضوع دا

...فرح مشيت وهي مش مرتاحة لامها

"سيف قاعد سرحان ف واعد مش عارف يعمل ايه"

نهلة: عرفت هتتصرف ازاي مع واعد

سيف: لا ياماما ولو سمحتي انا مش عاوز اسئلة

نهلة: لا انا مش هسألك ف حاجة .. انت مغلطش هي مراتك
.. وانا مش زعلانة منك وموافقة كمان انها تيجي معانا...

سيف: بجد ياماما

نهلة: طبعا يا سيف دي مراتك اكيد مش هنرميها يعني ..

سيف: انا كنت عارف انك مش هتزعلي مني .. بحبك اوي
يامي

نهلة: ياروحي .. هو انا عاوزة غير سعادتكم .. بس قولي بقا
هتعمل ايه ف اللي ف بطنها

سيف: مش عارف ياماما

نهلة: اسمحلي بقا ياسيف اقولك انها غلطانة ف كدا ..
بصراحة يعني المفروض انتو الاتنين تتفقوا مع بعض ...
الخلفة دي مسئولية كبيرررة اوي ياسيف ومحتاجة وقت
وتفكير .. وانت يا حبيبي لسه صغير ع الخلفة والعيال .. انت
من حقاك تستمتع بحياتك الفترة دي انت وواعد

{سيف بي فكر ف كلام امه ومقتنع بيه هو فعلا مكنش عاوز
خلفة دلوقتي }

سيف: علشان كدا مش عارف اعمل ايه .. انا اتحطيت قدام

الامر الواقع

نهلة: لا طبعا ف حل ياسيف

سيف: ايه هو !

نهلة: وعد تنزل اللي ف بطنها

سيف: نعم !

نهلة: عادي ياسيف .. اكيد وعد مش حامل بقالها كثير .. طلما

لسه مكملتش 45 يوم خلاص .. تنزله دلوقتي ولما تحبوا

تخلفوا بعد كدا خلفوا ع راحتكم

سيف: بس مفتكرش وعد هتوافق

نهلة: هتوافق اكيد انت مش بتقول انها بتحبك .. اللي بيحب

حد بيعمل علشانه اي حاجة ... لو بتحبك بجد تثبتلك حبها

ليك

*عائشة سمعت الحوار كله والغضب كان ماليا لانها فاهمة

اللي نهلة بتخططه*

سيف اقتنع وراح ل وعد

نهلة بصتله وضحكت { نهلة عارفة ومتأكدة ان وعد هترفض
تنزل اللي ف بطنها .. }

ف اوضة وعد قعدة سرحانة وبتفكر ف هل هي غلطانة فعلا
وكان لازم يكون بينها وبين سيف اتفاق ولالا .. بس هي خلاص
بقيت حامل مافيش حل .. سيف دخل

وعد: سيف متزعلش مني والله انا مكنتش عاملة حسابي

سيف: مش زعلان منك يا حبيبي

وعد: بجد ياسيف انا كنت عارفة انك مش هتزعل مني ... انت
بتاخذ هدومك رايح فين

سيف: هنرجع الفيلا خلاص .. وانتي كمان هتيجي حضري
نفسك

وعد: بجد .. طنط نهلة وافقت

سيف: اه ومبسوطة اوي رجوع بابا خلها فرحانة وافقت

وعد باستغراب: بجد !

سيف حضر هدومه

سيف: وعد عاوز اتكلم معاكي ف حاجة بخصوص اللي ف
بطنك

وعد: اتكلم

سيف: بصي يا حبيبتي انا مش زعلان من اللي حصل هو كان
غصب عني وعنك .. بس ف حل

وعد بقلق: حل ايه

سيف: تنزليه يا وعد .. ولما نحتاج طفل نبقا نخلف .. احنا
لسه صغيرين

وعد بتدمع: انت بتقول ايه !

سيف: انا عارف انه صعب عليكي

وعد: صعب عليا انا لوحدي ؟

سيف: وعد افهميني انا مش عاوز خلفه دلوقتي .. انا شايفها

مسئولية كبيرة اوي عليا

وعد: مش هتكون عليك لوحذك انا هكون موجودة معاك ف
كل خطوة ياسيف .. بس شيل الفكرة دي من دماغك
سيف بعصبية: وعد لو سمحتي افهميني انا مش عاوزه .. مش
عاوزه

وعد: ليه بتقول كدا .. ياسيف علشان خاطري ... انا استحالة
اعمل كدا..

سيف: وعد انتي مش بتحبيني

وعد: والله بحبك ياسيف

سيف: لو بتحبيني هتوافقي

وعد: صعب .. صعب ياسيف علشان خاطري افهم

سيف: ياانا ياللي ف بطنك

وعد: انت بتقارن ايه بايه ..

سيف: دا اخر كلام عندي

وعد: مش هقدر ياسيف .. مش هقدر..

سيف: يبقا اختارتي ... ومشي

وعد: سيف .. استنا انت رايح فين وساييني

عائشة: ع فين ياسيف بيه انت ونهلة هانم .. ضيافتنا مش
عجباكم ولا ايه

نهلة: متشكرة اوي يا عائشة .. بس كفاية عليكم كدا ... احنا
رجعين فيلاتنا

عائشة: الف مبروك ياهانم .. وانت ياسيف هتعمل ايه مع
وعد

سيف مبيردش

وعد: سيف علشان خاطري متسبنيش

سيف: انتي اللي اختارتي يا وعد

وعد: انا عاوزكم انتو الاتنين ياسيف

سيف: مينفعش

نهلة: افهم من كدا انها رفضت

سيف ساكت

نهلة: تمام يبقا يلا بينا

فرح: ووعد ياماما

نهلة: اه صح مينفعش نسيبها كدا

نهلة بصيت لسيف

سيف بص لوعد اللي عمالة تعيط: انتي طالق يا وعد

رواية ابنتي ولكن بقلم ياسمين علي الفصل السابع

سيف بص لوعد اللي عمالة تعيط: انتي طالق يا وعد

فرح: سيف ايه اللي بتقولو دا

نهلة: مسمعش ولا كلمة قدامي .. وخرجوا

وعد واقفة مصدومة

وعد: سيف استنا...جت تجري وراه عائشة قفلت الباب
...ووقفت قدامها

عائشة: انتي راحة فين

وعد بتعيط وتترعش: لازم اللحق سيف ياخالتيو .. سيف
بيحبني مش هيسبني .. هو بس زعلان انا هصالحه وهنرجع
تاني .. وسعي ياخالتيو الحقوا
عائشة: ادخلي جوا ياوعد..

وعد بعصبية: مش هدخل انا مش هسيب جوزي .. سيف
بيحبني صدقيني .. خالتو علشان خاطري سبيني اروح
عائشة انفجرت فيها: انا سيبتك تتصرفي زي مانتي عاوزة الفترة
اللي فاتت ... لحد هنا وخلص مافيش خروج .. سيف سابك
ياوعد سابك فوقيني وانسيه

وعد بتعيط: انا مش هعرف انساه .. علشان خاطري انا
هثبتلك انه بيحبني هروح اجيبوا

عائشة: لو خرجتي من الباب دا روحتي وراه .. انسي انك ليكي
خالة .. اعتبريني مت .. ودخلت اوضتها

"ووعد قعدة ف الارض منهارة وحاسة انها ف كابوس"

فرح ونهلة وسيف نازلين .. فرح بتعيط .. ونهلة مبسوبة طبعا
خلاص حقت اللي هي عاوزه... وسيف تايه مش عارف اللي
عمله دا صح ولا غلط .. بس هو من وجهة نظره هو اللي عمله
صح ... هيرجع لطبيعته وينسا كل دا مع الوقت
عمر قابلهم وهو داخل العمارة وشاف فرح وهي بتعيط
وبتبصله ... دبير وشه وطلع

فاطمة: عمر انت جيت يا حبيبي

عمر دخل ع الاوضة ومردش ..

فاطمة سمعت اصوات حاجات بتتكسر ف اوضة عمر ..
طلعت تجري

فاطمة: في ايه ... ايه اللي بتعملوا دا

عمر بعصبية: اخرجي وسبيني

فاطمة: اهدي يا حبيبي فهمني مالك

عمر بيعيط: ضاعت مني خلاص

فاطمة حضنته: براحة يا حبيبي وفاهمني ايه اللي ضاع

عمر: فرح ياماما انا ضيعتها .. فرح سافرت

فاطمة: ياما قولتلك يابني .. ياما قولتلك متاخدهاش بذنب
امها

عمر: غصب عني .. والله غصب عني..

فاطمة: طيب يا حبيبي اسمعني .. متزعلش نفسك انا مش
عاوزه اشوفك ف الحالة دي .. افهم كويس الكلمتين دول
يا عمر .. لو فرح نصيبك هتاخدها حتي لو كانت ف سابع سما
.. بس لو مش نصيبك متزعلش يا عمر ربنا عاوز كدا
عمر بضيق: يا ارب

سندوس دخلت: ابيه عمر انت بتعيط
عمر مسح دموعه: لا يا حبيبي انا مبعيطش

سندوس: لا بتعيط وانا كمان هعيط ..

عمر: تعيطي ليه حد زعلك يا حبيبي

سندوس: اه انت

عمر: ليه عملت ايه

سندوس: مبقتش تلعب معايا ولا تغنيلي زي الاول

فاطمة: سيبي اخوكي ياسندوس راجع تعبان

عمر: لا ياماما سبيها .. انا هلعب معاكي متزعليش .. بس ممكن
مش دلوقتي

سندوس: ماشي يا ابيه بس متنساش ها

عمر: حاضر

نادين شافت احمد قاعد .. راحتله

نادين: انت بتراقبني ولا ايه !

احمد: افندم ! هراقبك ليه .. مين انتي علشان اراقبك

نادين: انصحك بلاش تدخل تحدي معايا علشان هتزعل ف
الآخر

احمد: انا عاوز ازعل .. وريني اخرك

خالد: الله .. اهدوا بس كدا .. متزعليش نفسك يانادين هانم ..

احمد ميعرفكيش

نادين: انت مين انت كمان ..

خالد: خالد الجندي صاحب احمد ومدلها ايده يسلم ..
مسلمتش

نادين: شكك عارفي

خالد: هو حد ميعرفكيش بردك

نادين: طب كويس فهم صاحبك ميحاوش يظهر قدامي تاني ..
علشان مش ف مصلحته

احمد ضحك بطريقة: خلصتي كلامك .. عن اذنك علشان انا
مش فاضي للعب العيال دا .. ومشي

نادين فضلت واقفة متعصبة وبصاله باستغراب

(ازاى يعاملها بالشكل دا والكل يتمني بس انها ترد عليهم)

في العربية

نهلة بتبص لسيف: انت زعلان ولا ايه .. يا حبيبي انت عملت
الصح .. انت خيارتها وهي اختارت متشيلش نفسك الذنب ..

انت فوق كدا بقا علشان ترجع لحياتك الطبيعة ... لعلمك بقا
لو كنت كملت ف العلاقة دي مكنتش هتعرف لا تخرج مع
اصحابك كنت هتفضل مربوط جنبها

فرح بصلها: مبسوطه ياماما

نهلة: اوي يافروحة مش قادرة اوصفلك فرحتي برجوع ابوكم
فرح: ليكي حق تفرحي .. رسمتي وخططي ونفذتي ... انا بحيك
عملي مجهود عظيم بصراحة... بس بجد انا مستغربة انتي
ازاي جبروت كدا .. قادرة تفرحي وانتي شايفانا مكسورين
بالشكل دا

نهلة: فترة وهتعدي و هتنسوا وبكرا هفكرك بالمواقف دي
وتقعدي ...تضحكي ع انك كنتي حزينة ع واحد ميستا هلكيش
فرح: فعلا هي فترة وهتعدي وهرجع اضحك بس مش علشان
كنت حزينة ع عمر .. انا هضحك بجد لما ارجع لعمر ..
اوعدك هتحصل وقريب

نهلة بصتلها بغیظ ومردتش عليها: سيف يا حبيبي متحكيش

لا ابوك ع اللي حصل ولا تقول انك اتجوزت
فرح: خايفة يبوظلك كل تخطيطك ويرجعهم لبعض
نهلة: لا كمال عمره مايقبل بخدامة .. انا بس مش عاوزة يقول
كنت مخبيه عليه ويزعل
فرح: بابا لو كان موجود مكنش سمح باللي حصل انه يحصل
... مهما خبيتوا مصيره هيعرف .. انت ساكت ليه ياسيف ..
انت راضي ع اللي عملتوا
سيف بعصبية: ايوة يافرح ممكن تسكتي بقاا
فرح: بكرا هتندم

ف اسكندرية

وعد قعدة ف الاوضة بتفتكر كل المواقف اللي كانت بينها
وبين سيف وتعيط

ف اوضة عائشة .. قعدة مقهورة علي اللي حصل لوعد
وبتفكر

- ليه يارب كدا .. ليه يحصل فيها كدا .. انا عشت عمري كله

احميها .. ليه تتوجع بالشكل دا .. انا السبب انا اللي جبتهم هنا
... مكنتش اعرف ان دا هيحصل .. يارب خليك معايا يارب

وصلوا الفيلا وكمال هناك فانتظرهم ... فرح جريت ع كمال
حضنته: وحشتني اوي يا بابا وبتعيط

كمال: وانتي كمان والله يافرح متعيطيش انا مش هسيبكم تاني
اوعدك

نهلة: حمدالله ع سلامتك يا حبيبي

سيف: ممكن اعرف ليه حصل كدا وكنت فين !

كمال: هحكيلكم كل حاجة

فلاش باك

كمال: انا معرفتش انام طول الليل ونزلت اما الصبح طلع .. انا
مش عارف اعمل ايه .. انا ف ورطة ياسعيد اتصرف

المحامي: اهدا يا كمال بيه كل حاجة وليها حل

كمال: اهدا ازاي وكل حاجة بتضيع من ايدي

المحامي: ما فيش غير حل واحد للموضوع دا

كمال: ايه هو .. اتكلم..

المحامي: تسافر تحل المشكلة بتاعت المستثمرين

كمال: بس ازاى الحكاية دي محتاجة وقت وانا اخر مهلة ليا
بكرا

المحامي: عارف بس انت لازم تسافر تقنعهم بالمشروع

كمال: بس انا كدا هبقا هربان .. واحتمال يحجزوا ع املاكي

المحامي: دا اللي هيحصل فعلا..

كمال: انت بتقول ايه ياسعيد .. لا يمكن اوافق .. انا هرجع

القرض .. بلاها مشروع

المحامي: فكر كويس ياكمال بيه .. المشروع دا انت بتفكر فيه

من زمان ومضمون ومربح جدا.. هينقلك نقلة تانية خالص

لازم يتم

كمال: طيب ونهلة والولاد

المحامي: امرهم سهل .. يقعدوا عند قرايبكم عبال ماترجع ..

بس مينفعش تقول الكلام دا لحد

كمال: انت شايف كدا

المحامي: اكيد

كمال: طيب نفذ ياسعيد باسرع وقت

كمال: هو دا الي حصل كله .. واديني معاكم اهو

نهلة بلهفة: يعني المشروع دا مربح اوي .. بيدخل فلوس كام
مثلا

كمال: كتير اوي يانهلة .. انا اسف اني عملت فيكم كدا

نهلة: لا اسف ايه لو هتعمل مشروع كدا كل شوية
هنستحمل... فرح بصتلها مستغربة لهفتها ع الفلوس اكر من
لهفتها ع جوزها

كمال: طمنوني عليكم دول انتو شكلكم مش مبسوط ليه

نهلة: ازاي يعني ياكمال دول فرحين اوي ... اول لما عرفوا انك
رجعت صمموا نجيلك.. مش كدا ياولاد

سيف: اه .. عن اذنكم انا طالع اوضتي

كمال: فرح يا حبيبتي مالك

فرح: انا كويسة يا بابا... انا هطلع ارتاح

"كمال بص لنهلة وحس ان ف حاجة مخبينها"

عائشة دخلت تبص علي وعد اللي لا بتأكل ولا بتشرب من

ساعة اللي حصل

عائشة: وبعدهالك يا وعد .. هتفضلي كدا لحد امنا هتروحي

مني يابنتي

وعد: ...

عائشة: ردي عليا .. متوجع عيش قلبي .. انا مغلطش لما وقفت

قصادك .. دا الصبح يابنتي.. اللي يتخلي عن لحمه ودمه

بالشكل دا متستأمنلهوش تاني حتي لو بتحببه لاينفع يكون

زوج ولا اب ..الحب وجع يابنتي ابعدني عنه .. اتعلمي انك

متتوجعيش .. انتي توجعي .. اللي يحاول يكسرك استقوي
يابنتي ومنتكسريش ... انتي سند نفسك انا مش هعيشلك
العمر كله .. يلا يابنتي قومي اغسلي وشك .. وارمي حمولك ع
الذي لا يغفل ولا ينام ... انا هقوم احضرك الاكل .. جت
تمشي

وعد: هو انا ليه معنديش اب

الكلمة نزلت زي الصاعقة ع عائشة: ليه بتقولي كدا يا وعد
وعد: لو كان عندي اب .. مكنش حد وجعني بالشكل دا ..
مكنش حد قدر يقربلي .. كان هيبقا سند وضهر ليا .. ليه انا
اكون سند لنفسي، انا ضعيفة اوي، انا ليه حصلي كدا، انا
عملت ايه في حياتي علشان يحصل كدا، انا مبادئ حد، هو
انا ذنبي اني حبيته! ليه اتعاقب العقاب دا .. انا قلبي وجعني
اوي .. ادوته كل حاجة ثقة وحب وصدقته .. ماذتهوش ليه
يكسرنني !

كان دايمما يقول عليا اني غبية .. هو طلع كلامه صح انا كنت
غبية فعلا .. وانهارت من العياط..

عائشة حضنتها وقعدت تعيط معاها: ابوس ايدك يا وعد
متعمليش ف نفسك كدا مش هستحمل يابنتي صدقيني

وعد بعياط: خد روجي وراح..

عائشة: حقك عند ربنا يابنتي .. حقك هيرجعلك .. خليكي
واثقة من كدا .. قومي اخرجي من الاوضة دي .. متوقفيش
حياتك عند حد .. قومي ارجعي لحياتك .. صحتك اهم من اي
حاجة .. متنسيش انك مبقتيش لوحداك انتي بقيتي اتنين
يابنتي .. خافي عليه

وعد: هقولو ايه لما يسألني فين بابا ! هواجهه ازاي .. انا لازم
انزله

عائشة: اوعي يا وعد اوعي انتي عملي الصبح .. ابناك هيجي
وهيتربي ويكبر وهيبقا احسن حد ف الدنيا .. ادعي يابنتي دا
اختبار من ربنا اصبري وادعي

وعد: ياررب

سيف قاعد مخنوق ف الاوضة وبيفكر .. اتصل بخالد

سيف: ايوة ياخالد عامل ايه

خالد: ابو الصحاب عاش من سمع صوتك .. انت رجعت ولا
ايه

احمد: سيف رجع !

سيف: ايوة رجعت انهاردة انتو فين

خالد: ف الكافية

سيف: ماشي انا جيلكم ..سلام

في اوضة فرح ... قاعدة سرحانة .. كمال دخل

كمال: فروحة حبيبي

فرح: بابا عاوز حاجة يا حبيبي

كمال: كنت عاوز اعرف الجميل ماله من ساعة مارجعتوا وانتي
متغيرة وقعدة ف الاوضة مش دي فرح اللي انا سيبتها

فرح: مافيش يا بابا

كمال: متخبيش عليا .. ايه حصل ف غياي

فرح عيبت واترمت ف حضنه: بابا انا محتاجك جنبي اوي

كمال: انا جنبك يا بنتي احكي لي مالك

في الكافية

خالد: اهلا واحشنا والله

سيف: وانتو كمان وحشتوني

احمد: عامل ايه .. وولدك عامل ايه

سيف: الحمد لله كل حاجة اتصلحت متقلقش

احمد: اومال مش باين عليك انك مبسوط يعني .. فيه حاجة

سيف: مافيش بس اللي حصل مكنش شوية .. مع الوقت

هرجع زي ماكنت

{ سيف قرر ميقولش لحد ويتخطي المرحلة دي لوحده ..
علشان مش عاوز حد يعاتب عليه ولا يسأله .. هو بيحاول
يقنع نفسه انه عمل الصبح وخلص اتخلص من الحمل
بطلاقه من وعد }

فرح: دا اللي حصل يا بابا... وعمر بعد عني
كمال بعصبية: نهلة مش هتتغير طول عمرها كدا

فرح: العمل يا بابا انا بحبه

كمال: بصي يا بنتي انتي عارفة اني مش هرفضك طلب
...صدقيني هو لو اتقدم انا هو افق عليه .. بس هو واضح من
كلامك انه خلاص بعد

فرح: بعد بسبب كلام ماما انك هتأذيه .. بابا ممكن تكلموا
وتعرفوا انك موافق..

كمال: ميصحش يابنتي .. اتصل اقولو تعالي اتجوز بنتي
..اصبري لو بيحبك هيرجعلك .. وانا عند وعدي ليكي انه لو
اتقدم هوافق.. المهم بس انتي متزعليش عاوزك تخرجي
وتفرحي .. هو انا عملت كل دا علشان ايه .. مش علشان
اشوفكم مبسوطين

فرح: ربنا يخليك لينا يابابا

كمال: ويخليكي ليا يابنتي .. قوليلي يافرح نهلة عملت حاجة
تاني

فرح افكرت موضوع وعد

كمال: في حاجة تاني ؟

فرح: لا يابابا مافيش

(فرح مرضتتش تقول علي وعد علشان شايفة ان دا قرار يخص
سيف ولو كمال عرف هيجبروا يرجع لوعده ودا مش حل .. لازم
سيف هو اللي يرجع من نفسه مش يكون مجبر)

وصلنا للشهر الرابع

" وعد وعائشة عند الدكتور "

وعد: انهاردة هعرف انا حامل في ايه ... انا متحمسة اوي
عائشة: كل الي يجيبوا ربنا كويس يا بنتي.. ارضي مهما كان
وعد: حاضر يا خالتو .. بتبص حواليتها لقيت واحد قاعد مع
مراته وحاطت ايده ع بطنها ومبسوط بانها حامل .. افكرت
سيف دمعت

عائشة: معلش يا بنتي ربنا شيلك الاحسن

السكرتيرة: اتفضلوا دوركم

عائشة: يلا يا وعد ندخل

وعد: يلا يا خالتو

* في شركة سالم ابو النجا *

السكرتيرة: كمال بيه برا

سالم: دخليه بسرعة

كمال: اهلاا بصديق عمري .. واحشني يا عم كدا متسألش عليا
طول الفترة دي

سالم: وانت كمان والله الشغل واخذني انت عارف من ساعة
لما رجعت من السفر

كمال: طيب يا عم مش زعلان.. بس قولي المدام عاملة ايه
ونادين

سالم: نادين كويسة .. بس المدام تعيش انت

كمال: ان لله وان اليه راجعون ام تا دا حصل

سالم: من 3 سنين ... انا رجعت بعد موتها مبقاش ليها لازمة
العيشة هناك

كمال: طيب ونادين كويسة

سالم: كان صعب عليها ف الاول ..

كمال: ربنا يصبرك ويصبرها

سالم: يارب .. المهم قولي انت كنت جاي..عاوز تقول حاجة

كمال: اه عزمك انت ونادين انهاردة وبالمره نتكلم شوية

سالم: ماشي ياكمال هجيب نادين ونيجي

وعد: ها يادكتوراه .. عرفتي نوع البيبي

الدكتوراه: هتجيب بنت زي القمر زيك .. ان شاءالله

وعد بفرحة: بنت

عائشة: الف مبروك يا حبيبي هتربي ف وسطينا

الدكتوراه: ممكن اتكلم مع الاب

عائشة بتوتر: الاب .. الاب مسافر

الدكتوراه: طيب هو مين اللي بيكون معاها

عائشة: انا يادكتوراه

الدكتوراه: طب خليها تخليبالها ع اكلها وانتي تابعي معاها و

ابعدني عنها اي ضغط هيتعبها

عائشة: حاضر يادكتوراه

ف فيلا سالم

سالم: اعلمي حسابك اننا معزومين ع العشا

نادين: عند مين

سالم: كمال الهلالي

نادين: اونكل كمال وحشني وسيف وفرح وحشني جدا بقالي

كثير اوي مشوفتهمش

سالم: اديكي اهو ياستي هتشوفيهم .. يلا جهزي نفسك

نادين: حاضر يا بابا

عائشة ووعد رجعوا

عائشة: سمعتي كلام الدكتورة .. اهتمي بنفسك شوية واكلك

.. وانا هشرف عليك

وعد: حاضر يا خالتو هعمل كل حاجة علشان بنتي تيجي

بالسلامة

عائشة: طيب يا وعد ادخلي ريحي شوية

(وعد دخلت اوضتها ع قد ماهي فرحانة بانها هتجيب بنت ..
ع قد ماهي موجوعة من سؤال
الدكتورة عن الاب .. لما هو صعب ترد ع دكتورة هتعمل ايه
لما بنتها تسألها !)

سيف: ماتجيب خالد وتيجي تقعد معايا
احمد: هو خالد انهاردة مش فاضي .. انا هظبط الدنيا عندي
وممكن اجيلك

سيف: ماشي مستنيك
نهلة: انت بتكلم مين ياسيف
سيف: دا احمد ياماما .. بقولوا يجي يقعد معايا
نهلة: هو وقته يعني انهاردة..

سيف: ماله انهاردة
نهلة: ابوك عازم سالم ابو النجا ونادين بنته ع العشا تقريبا

هيتكلموا ف الشغل

سيف: طب انا مالي .. احمد هيقعد معايا مش معاهم

نهلة: ماشي ع راحتك

الجرس رن

نهلة: شكلهم جم يلا نزل نستقبلهم..

كمال: اهلا سالم بيه .. ازيك يانادين يابنتي

نادين: الحمدالله يااونكل

فرح: نادين وحشتيني اوي

نادين: وانتي كمان يافروحة.. عاملة ايه ف كليتك.

فرح: اهو الحمدالله

نهلة: اهلا وسهلا .. منورنا والله .. ازيك يانودي يا حبيبتي كبرنا

واحلونا

نادين: ميرسي ياطنط .. ازيك ياسيف

سيف: الحمدالله يانادين .. موبايله رن .. طب عن اذنكم..

نهلة: اتفضلوا .. العشا جاهز

سيف: ايوة يا احمد انت فين

احمد: بركن العربية وداخل اهو

سيف: طيب متأخرش مستنيك

سالم: وانت ياسيف مش هتأكل معانا

سيف: لا جاي ياعمي بس مستني صاحبي .. اهو جه .. حماتك
بتحبك ياعم..

احمد سلم عليه: .. ايه دا مش تقول ان عندك ضيوف

كمال: تعالي يا احمد انت مش غريب .. اتفضل معانا

احمد: شكرا ياعمي ربنا يخليك .. لسه بيقعد شاف نادين ..
ونادين شافته

احمد ونادين: انت/ي ايه جابك هنا

سيف: انتو تعرفوا بعض

احمد ونادين: لا

سالم: مالك ينادين ف حاجة

نادين: لا يابابا انا بس حاسة اني شوفتوا مش اكر

وقعدوا ف وش بعض بعض طايقين بعض

ف اسكندرية

عائشة: وعد بتعملي ايه يا حبيبتي

وعد: بذاكر ياخالتو

عائشة: انتي مصممة تنزلي الكلية .. ماتنزلي ع الامتحانات

وخلص

وعد: لا ياخالتو مش عاوزا اضيع الترم دا كمان .. واحتاس ف

الامتحانات

عائشة: خلاص اعمل اللي يريحك بس متجهديش نفسك ...

هروح اعملك حاجة تشربها ... خرجت

ووعد قاعدة بتذاكر سمعت عمر وهو بيغني بكل احساسه:
مكانك في قلبي مهما كنت بعيد عليا
ومش كل يوم بنقابل حبايب جداد
صوتك واحشني وضحكتك يا حبيبي ليا
ياما نفسي أشوفك تاني في اقرب معاد
مقدرتش أنساك والليالي ... كل ما تفوت الليالي.. كل ما أشتاق يا
حبيبي وأقول...

أيامنا وحشاك ولا ناسي... ياللي انت من غيرك بقاسي... كان
نفسى أعيش عمري معاك علي طول
مقدرتش أنساك والليالي
كل ما تفوت الليالي
كل ما أشتاق يا حبيبي وأقول
أيامنا وحشاك ولا ناسي

ياللي انت من غيرك بقاسي
مكنتش اتخيل فراقنا يطول...
(افكرت سيف وقعدت تعيط .. من ناحية تانية عمر مش
مبسوط وفرح وحشاه)

وعد: صباح الخير ياخالتي
عائشة: صباح الخير يا حبيبي .. افطري قبل ماتنزلي
وعد: حاضر ياخالتي
عائشة: ربنا معاك يابنتي

ف الكافية

سيف: يعني هو دا اللي مكرهكم ف بعض اوي كدا
احمد: ايوة بنت مستفزة وطالعة فيها مش عارف ع ايه
سيف: بنت سالم ابو النجا لازم تبقا طالعة فيها ... بس ع
فكرة هي غير كدا .. انا متربي معاها وعارفها .. هي كويسة جدا
بس مبتحبش اي حد يدخل حياتها

احمد: وهو انا هموت وادخل حياتها اصلا هو انا بطيقها..

سيف: مفهمتنيش .. انا اقصد انها بتتعامل كدا مع كل الناس
علشان محدش يدخل حياتها

احمد: بس كدا الناس هتكرهها

سيف: هي مرتاحة كدا بقا

احمد: مقولتليش بقا انت فيك ايه .. مش متظبط من ساعة
مارجعت

سيف: متقلقش عليا انا كويس

وعد خارجة من المحاضرة

سارة: وعد عاش من شافك .. فينك كل دا

غادة: انتي مش شايفة يابنتي بطنها .. شكلها حامل

وعد: اه .. اه حامل

سارة: ايه دا اتجوزتي امتي .. مقولتليش ياواطية

وعد: مجتش مناسبة احكي معلش..

سارة: ماشي ياستي قوليلي اتجوزتي مين بقا

غادة: لا متقولش هي تورينا صورته

وعد: معلش .. اصل انا موبايلي فاصل بعدين هوريلكم

سارة: انتي مستعجلة ليه كدا هو مستنيكي ولا ايه

وعد: لا هو مسافر .. بعد اذنكم

غادة: خلاص سببها دي شكلها خايفة نحسدها

سارة: ع ايه يعني اول واحدة تتجوز

وعد سمعتهم ورجعت البيت وشها مقلوب..

عائشة: خير يابنتي مالك .. حصل حاجة

وعد بعياط: مش هقدر اتحمل ياخالتي .. انا تعبت

عائشة: احكي لي بس ايه اللي حصل

وعد: انا مش هروح الكلية طول مانا حامل

عائشة: بس كدا السنة هتروح عليكي

وعد: مبقتش فارقة ياخالتو

ف فيلا كمال

فرح: تسمحلي ادخل

سيف: طبعا اتفضلي

فرح: انت كويس ياسيف

سيف: اه يافرح انا كويس اوي

فرح: بس عينك مبتقولش كدا

سيف: ايه الكلام الكبير دا ياست فرح .. انا كويس متقلقيش

فرح: القلق بجد انك تكون كويس وقدرت تعدي اللي حصل

عادي كدا

سيف: انتي عاوزه ايه بالظبط اكون كويس ولالا !

فرح: انا عاوزك تفوق ياسيف .. شوف اللي انت ضيعتوا منك

سيف: انا مضيعتش حاجة يافرح

فرح: لا ياسيف ضيعت انت عارف كدا كويس .. بس بتحاول
تضحك ع نفسك .. انا سيبتك فترة تفكر ع اساس تاخذ قرار .
.. حتي مرضتتش اعرف بابا علشان ميأخذش قرار ضدك
وتتعقد الامور .. بس لازم انت تفوق.. انت ظلمتها
سيف: هي الي محبتنيش ولا اختارتني..

فرح: متقاوحش انت عارف كويس اوي انها بتحبك .. بس
انت صعبتها عليها .. بتقارن نفسك بحتة منك .. ازي ! انت
عارف هي لو كانت اختارتك كانت نزلت من نظري
سيف: انتي بتفتحي الموضوع ليه انتي عاوزة ايه يافرح
فرح: مش عاوزة حاجة ياسيف .. انت اضرا بمصلحة نفسك

اه صح وعد حامل ف بنت..

{ سيف مينكرش ان كلام فرح اثر فيه جدا وهو كان عارفه اصلا
بس بيقنع نفسه انه صح .. بس بغض النظر عن كل دا هو
فرح لما عرف انه وعد هتجيب بنت }

الشهر السابع

"وعد طلعت تتفرج ع التلفزيون مع عائشة"

وعد: خالتو ممكن تاخديني ف حضنك زي زمان

عائشة: طبعا ممكن يا حبيبيتي .. تعالي

وعد: ياه يا خالتو حضنك حلو اوي .. كنت مفتقده اوي ..
تعرفي يا خالتو انا مش معتبراكي خالتو .. انا شايفاكي امي اه والله
واكثر .. افكر لو ماما كانت عايشة مكنتش هتعاملني زي
ما بتعامليني انتي...

عائشة دمعت وساكتة

وعد: هانت خلاص يا خالتو .. هانت واخلف واجبلك بنتي
تربيها انتي .. بس متحبيهاش اكثر مني انا بقولك اهو ... انا
بحبك اوي يا خالتو متشكرة ع كل لحظة كنتي فيها جنبي انا
ماليش غيرك ف الحياة دي ...

عائشة: وانا ماليش غيرك يا وعد .. مهما حصل يا بنتي اعرف اني
حبيتك من كل قلبي و اتأكدي اني لو زعلتك ف مرة ف كان

غضب عني وسامحيني..

وعد: انا ازعل منك ياخالتي .. انا عمري ما ازعل منك ... هو انا

ممکن اطلب منك طلب

عائشة: اطلبي يا حبيبتي

وعد: هو انا ممکن اقولك يا ماما .. انا نفسي اقولها اوي

عائشة بتعيط: موافقة يا حبيبتي .. يلا بقا قومي ارتاحي

وعد: حاضر يا ماما

عائشة دخلت اوضتها طلعت ورقة وقلم وبدءت تكتب...

(وعد قبل مات نام قررت انها مش هتخلي حاجة تكسر لها تاني ..
وهتعمل كل حاجة علشان تربي بنتها .. ومن ضمن قراراتها انها
مش هتخلي سيف يشوف بنته ولقيت جواب ع السؤال اللي
كان محيرها لو اتسألت بابا فين ! هتقول انه مات)

عائشة خلصت كتابة وحطيت الورقة ف الدرج وقامت تصلي

وتدعي..

عائشة: يارب سامحني واجعلها تسامحني .. انا كنت بحميها
اتسببت ف اذي ليها.. يارب انت عالم باللي جوايا .. انا تعبت
يارب ومبقتش قادرة استحمل اشوفها مكسورة.. انا عارفة
يارب اني غلط .. متعاقبنيش فيها يارب انا ماليش غيرها ..
يارب احفظها وابعد عنها كل شر .. اجعلها تسامحني يارب

(وعد قامت مفجوعة .. الكابوس تاني بس المرة دي كان
مرعب اكثر ... الست اللي كانت ف الحلم اختفت)

وعد خرجت من الاوضة تشوف عائشة دخلت الاوضة لقيتها
سجدة

ابتسمت وراحت الحمام تغسل وشها وبتفكر ف الكابوس ...
عديت ع اوضة عائشة تاني لقيتها لسه سجدة ..قلقت

وعد قربت ع عائشة: خالتو ... خالتو .. انتي بتصلي .. ردي
عليا ... خالتو رديي عليا .. لالاااا ... خالتو متسبننييش ماليش

غيرك ردي عليا .. خالتو !

ياتري ايه هيحصل ل وعد بعد ما بقيت لوحدها ! وايه الورقة
اللي عائشة كتبتها لها ... والكابوس اللي وعد بتشوفوا .. ليه
تفسير ولالا .. هتعرفوا ف الاجزاء الجاية تابعوا.. متنسوش
رايكم يهمني.

رواية ابنتي ولكن بقلم ياسمين علي الفصل الثامن

وعد قربت ع عائشة: خالتو.. خالتو .. انتي بتصلي .. ردي عليا
.. لالا خالتو ردي ردي .. متسبنيش ماليش غيرك ردي عليا ...

* فيلا كمال الهلالي *

فرح نايمة صحيت ع صوت موبايلها .. عمر بيرن عليها ..
اتخضت وفرحت

فرح بلهفة: عمر عامل ايه .. انا كنت ...

عمر: فرح اسمعيني .. الست عائشة ف ذمة الله

فرح: ايبيه !

نهلة: هتأخر انهاردة يا كمال

كمال: اه يانهلة... عندي شغل كثير

نهلة: عملت ايه مع سالم

كمال: وافق انه يكون شريك معايا ف المشروع الجديد

نهلة: طيب كويس بردك .. انا كنت بفكر ف نادين

كمال: مالها نادين

فرح نازلة تجري بتعيط

كمال: مالك يابنتي.. ف ايه

فرح بعياط: دادة عائشة ماتت يابابا

كمال ونهلة: اييه

كمال: ان لله وان اليه راجعون .. دا حصل ازاي ومين قالك

فرح: عمر اتصل بيا دلوقتي .. يلا يابابا لازم نساfer اسكندرية
بسرعة

نهلة: عمر رجع اتصل بيكي !

فرح بعصبية: انا في ايه وانت في ايبه

كمال: مش وقته الكلام دا يانهلة .. اطلعي يافرح صحي اخوكي
وانا هحضر نفسي .. يلا

فرح: حاضر يابابا

ف اوضة سيف

سيف نايم ... فرح دخلت بتصحيه وهي منهارة

سيف: في ايه يافرح

فرح: دادة عائشة ماتت ياسيف .. قوم اللبس بسرعة

سيف: ايبه .. طب وعد كويسة

فرح: مش عارفة حاجة .. اللبس علشان نروح نشوفها

سيف: حاضر اهو هلبس

في الجنازة

وعد ولا بتعيط ولا بتتكلم و ماشية تايهه ..

كمال وفرح وسيف وصلوا .. فرح جريت علي وعد تعزيها ..
وعد مكنتش حاسة بيها ولا حاسة بحد .. وسيف واقف ببص

لفرح وعاوز يروح يكلمها بس مالهوش عين

_وقت نزول عائشة القبر .. وعد واقفة بتبصلها وقعدت ع

الارض

وعد بابتسامة: هتوحشيني

فرح قومتها من الارض ومسكتها .. ومستغربة ازاي مبتعيطش

!

كمال واقف جنب سيف

كمال: هي وعد اتجوزت

سيف بتوتر: مش عارف

كمال: ازاي متعرفش انتو مش كنتو عايشين معاهم .. دي

باينها حامل ف اخر شهور كمان

سيف: مش عارف يابابا

كمال: بس فين جوزها مش باين .. شاور ع عمر .. يمكن هو دا
جوزها ..

سيف: ممكن

كمال: البت دي صعبانة عليا اووي .. مبقالهاش حد .. من بعد
عائشة .. ربنا معاها ...

" سيف بص ع وعد وهو مضايق .. انه مش جنبها "

كمال: بقولك ياسيف انا لازم ارجع علشان عندي شغل مهم ..
خليك انت وفرح مع وعد وارجعوا بليل .. اه وشوف وعد لو
محتاجة اي حاجة .. الست عائشة مسبتكمش ف غياي وانا
مش هسيب وعد من بعدها

سيف: حاضر

ف بيت عائشة

سيف وفرح وصلوا وعد البيت .. ووعد مازالت ف عالم تاني
ورغم انها مش بتعيط بس باين عليها حالتها وحشة.. فرح
دخلتها الاوضة .. وطلعت لسيف

سيف: نامت !

فرح: لا صاحية .. انا خايفة عليها اوي .. دي منطقتش ولا
حتي عيبت

سيف: الصدمة كانت كبيرة

فرح: ربنا يصبرها والله ..

سيف: فرح ممكن اطلب منك طلب

فرح: خير ياسيف..

سيف: ممكن تخليكي مع وعد هنا يومين .. لحد ما حالتها
تتحسن

فرح: اكيد ياسيف .. انا كنت هعمل كدا

سيف: ماشي يافرح .. انا هرجع وكمان يومين هجيلك .. خليكي

جنبها وحاولي تخليها تتكلم

فرح: حاضر... سيف مشي

وفرح دخلت لوعد

وعد قعدة مبيتكلمش

فرح: وعد يا حبيبي .. طمني عليكي ..

وعد: ...

فرح: لو سمحتي قولي اي حاجة عيطي اصرخي .. بلاش تفضلي

كدا علشان اللي ف بطنك .. انا عارفة ان صعب عليكي بس

ردي عليا

وعد:....

فرح: طيب انا هسيبك ترتاحي شوية .. لو حبيتي تتكلمي انا

موجودة معاكي مش هسيبك ... فرح خرجت من الاوضة

ووعد قامت .. دخلت اوضة عائشة .. ومسكت صورة عائشة

وعد: ليه رجعتي ف كلامك، انتي مش قولتيلي انك هتفضلي

معايا وتربي بنتي، ليه مشيتي وسبتيني، بدئت تعيط، انا
قولتلك انا ماليش غيرك، حتي انتي سبتيني، انا كنت خلاص
استقويت بيكي .. كنت فرحانة انا هنربي بنتي سوا ... ليه
مشيتي .. بقيت لوحدي .. مين هيقويني .. طب كنتي خديني
معاكي . .. انا كنت عاوزكي معايا... كل حاجة حلوة راحت معاكي
.. مشيتي بدرري اووي ... ااه يارب الحمل تقل عليا اووي ...
ارحميني .. وقامت لسه بتخرج من الاوضة .. اغمي عليها

فرح ف اوضتها عمالة تتصل ب عمر مبيردش ..

فرح: وبعدين معاك يا عمر .. هتفضل كدا لحد امنا .. حدفت
الموبايل ع السرير .. وخرجت ... بتلف وشها لقيت وعد واقعة
ع الارض .. جريت عليها

فرح: وعد ... وعد فوقيني .. وعد يا حبيبتي ردي عليا .. وعد !

سيف ف العربية .. نهلة اتصلت بيه

سيف: ايوة ياماما

نهلة: انت فين انت واختك كل دا

سيف: فرح عند وعد وانا جاي ف الطريق اهو

نهلة: نعم .. وفرح مش معاك ليه..

سيف: فضلت مع وعد علشان كان حالتها صعبة

نهلة: حالتها صعبة ولا بتستعبط قدامك

سيف: حرام عليكي ياماما .. وعد حالتها صعبة فعلا .. هي
مكنتش حاسة بيا اصلا .. ثواني ياماما فرح بترن هشوفها وارجع
اكلمك

نهلة: ماشي

سيف: ايوة يافرح

فرح: الحق وعد ياسيف

سيف بخوف: حصل ابيه .. مالها وعد

فرح بعياط: مش عارفة واقعة ع الارض ومبتردش عليا ... انا

مش عارفة اتصرف ازاي

سيف: اهدي طب اتصلي بالاسعاف بسرعة .. وانا جياالك

ف بيت فاطمة

فاطمة انا مش عارفة اللي حصل دا حصل ازاي .. دي كانت زي
الفل

عمر: مكتوبلها يامي .. وهو ربنا بيحبها كتبلها موة حلوة

فاطمة: مش خسارة فيها والله عائشة مكنش فيه ف طيبتها
وحنية قلبها .. بس وعد صعبانة عليا اوي يا بني .. دي كانت
روحها ف عائشة

عمر: ربنا يصبرها

جرس الباب عمال يرن

فاطمة: ياسا تر في ايه

عمر: استني ياماما انا هشوف مين .. فتح لقي فرح

عمر: فرح

فرح: الحقني يا عمر .. وعد واقعة ف الارض وانا مش عارفة

اعملها ايه

عمر جري هو وفاطمة لقوها مرمية

فاطمة: يلهوي دي باينها بتولد ..

عمر شالها بسرعة و جروا ع المستشفى

نهلة قعدة ف اوضتها بتفكر .. وقررت تتصل ب نادين

نادين كانت ف النادي بتجري .. استغربت من مكالمة نهلة
ليها

نادين: ايوة ياطنط نهلة

نهلة: ازايك يانودي.. عاملة ايه

نادين: تمام الحمدالله .. هو ف حاجة !

نهلة: لا يا حبيبي انا بظمن عليكى ... انا مش زي ماما ولا ايه

" نادين اتضايق لما قالت انها زي مامتها "

نهلة: الو .. نادين انتي معايا

نادين: اه معاكي

نهلة: قوليلي بقا بتعملي ايه.. لو فاضية تعالي اقعدي معايا .. دا

حتي سيف زمانه ف السكة .. تعالي قضي اليوم معانا
نادين: سوري بس انا مش فاضية انهاردة خالص..

نهلة: خلاص يا حبيبي ولا يهملك بس لما تفضي ف اي وقت ..
تبقا تيجي تقعدني معانا .. اصل انا بحب قعدتك اوي
نادين: ميرسي يا طنط .

نهلة: طب اسيبك بقا تكلمي الي كنتي بتعملي .. سلام
نادين قفلت وهي مستغربة: مالها دي .. وكملت جري

"ياتري نهلة بتخطط لايه "

ف المستشفى

فرح وعمر وفاطمة واقفين .. وسيف جه

سيف: فين وعد .. حصلها ايه

فاطمة: ف اوضة العمليات بتولد

سيف: بتولد ازاي .. هي مش لسه مكملتش 9 شهور

فرح: تعبت جامد و هتولد ف السابع

سيف: انا مش قولتلك خليكي معاها كنتي فين لما حصلها كدا..

فرح: والله كنت معاها بس سيبتها ترتاح معرفش ايه وداها
اوضة دادة عائشة ... طلعت لقيتها مغمي عليها

عمر: ممكن تهدوا شوية

" صوت بيبي من اوضة العمليات " .. والممرضة خرجت

الكل: خير طمنينا

الممرضة: البنت نزلت سليمة الحمدالله بس هتدخل
الحضانة

سيف: و الام

الممرضة: ادعولها

سيف: ماتت !

فرح: ابييه

ف شركة ابو النجا

سالم قاعد ع المكتب وماسك صوره ويبصلها ويعيط ..

سالم: ياريت الزمن يرجع بيا تاني .. مكنتش عملت كدا

الممرضة: لا طبعا مامتش...

سيف: او مال ايه ندعيها دا

الممرضة: ادعولها علشان لسه مفاقتش وحالتها خطر .. بعد

اذنكم

فاطمة: ربنا يقومك بالسلامة يا وعد

فرح: يارب

فاطمة: عمر يا بني خليك هنا انا هروح علشان اشوف اختك ..

عمر: ماشي ياماما .. فاطمة مشيت

سيف: انا هنزل اجيب حاجة وجاي

فرح: ماشي

فرح: عمر ممكن نتكلم

عمر: مش وقته يافرح

فرح: لا وقته ياعمر .. لازم نتكلم .. انت مبسوط وانت بعيد

عني يعني

عمر: ...

فرح: ساكت ليه .. رد

عمر: لا يافرح مش مبسوط .. بس مافيش حاجة هتتغير ..

احنا الاتنين مش هننفع لبعض .. انتي حاجة وانا حاجة

فرح: انا حكيت لبابا .. وقال لي انه موافق عليك

عمر: بجد ..

فرح: اه مش هو دا اللي كان بعدك عني

عمر: لا يافرح مش موافقة باباكي هي اللي هترجعني ..

فرح: عمر انت نستني صح !

عمر ساكت

فرح بعياط: تمام فهمت

عمر مسكها: منستكيش يافرح والله مانسيتك ولسه بحبك
وعاوزك .. بس غصب عني مش هينفع

فرح: ايه اللي مش هينفع فهمني .. انا بحبك وبابا موافق عاوز
ايه تاني..

عمر: انا مش هعرف اعيشك نفس العيشة بتاعتك

فرح: انا عاوزة اعيش عيشتك انت مش عيشتي انا ..

عمر: هتبقا صعبة عليكي .. انا مسئول عن امي واختي مش
لوحدي

فرح: هستحمل يا عمر اوعدك .. انا مش عاوزة اي حاجة غيرك

عمر: طيب انا هتقدم لما اكون متوظف وليا شغل ثابت

فرح: سهلة اكملك بابا يوظفك ف الشركة

عمر: لا يافرح معلش .. انا هشوف شغل بنفسي

فرح: ماشي يا عمر اللي تشوفوا

الدكتور طلع

الدكتور: الحمد لله الخطر زال

فرح: الحمد لله .. طب يدكتور نقدر نشوفها

الدكتور: حاليا مش هينفع هي لسه مفاقتش من البنج .. لما

تفوق تقدروا تشوفوها

عمر: ماشي يادكتور شكرا

فرح: انا هتصل بسيف اطمنو

" سيف راح الحضانة يشوف بنته .. واقف بيصلها وهو

فرحان ونفسه ياخدها ف حضنه " موبايله رن

سيف: ايوة يافرح ..

فرح: وعد بقيت كويسة ياسيف

سيف: بجد هي فاقت

فرح: لا لسه تحت تأثيرالبنج بس هتفوق ان شاءالله

سيف: طيب الحمد لله .. انا جايلكم

فرح: حمد الله ع سلامتک يا وعد

وعد: الله يسلمك .. فين بنتي

فرح: ف الحضانة

وعد: عاوزة اشوفها

فرح: قومي بس انتي بالسلامة وهتشوف فيها.. المهم قوليلنا بقا

هتسميها ايه

وعد سرحت شوية

وعد: هسميها عائشة

فرح بصيت لعمر: ربنا يصبرك يا حبيبي .. موبايلها رن .. طيب

انا هطلع اجيب حاجة واجي

فرح: سيف مدخلتش ليه

سيف: مش هينفع ادخل مش هعرف او اوجهها

فرح: طيب انا هقعد معاها لو عاوز تسافر انت سافر
سيف: ماشي .. ابقى طمني عليها .. ومشي

ف فيلا كمال

نهلة: شايف اللي عيالك بيعملوا .. تقدر تقولي مرجعوش لحد
دلوقتي ليه

كمال: انا اللي قولت لسيف يشوف وعد لو محتاجة حاجة ..
زمانهم ف السكة

نهلة: ابنك مكلمني من بدري وقالي انه جاي ومجاش لحد
دلوقتي

كمال: ممكن يكون مع اصحابه .. كلميه شوفيه فين .. بدل
مانتي بتأكلي ف نفسك كدا

نهلة: ماشي ياكمال ماشي هكلموا

ف العربية

سيف: ايوة ياماما

نهلة: انت فين كل دا ياسيف

سيف: وعد تعبت رجعتها

نهلة: وانت بيخش عليك الكلام دا .. دي بتستعبط

سيف: بتستعبط ايه ياماما .. وعد تعبت بجد وهي ف
المستشفى دلوقتي .. دا غير انها ولدت وهي ف الشهر السابع

نهلة: طب ماتولد انت مالك..

سيف: انتي بتقولي ايه وعد كانت مراتي ولازم اقف جنبها

نهلة: كانت بقا انت طلقته خلاص

سيف: والطفل اللي بينا دا ايه نسيتيه

نهلة: احنا اتفقنا ع ايه ياسيف .. هو انت مش بعدت عن

القرف دا كله .. بترجعلوا تاني ليه

سيف: قرف ! بقولك ايه سلام سلام

نهلة: ماشي يا وعد انا هوريكي

(وعد خرجت من المستشفى هي وبناتها وبقوا كويسين ..
وطلبت من فرح انها ترجع القاهرة .. هي بقيت كويسة ومش
محتاجة حد معاها ..

وفرح رجعت وبقيت بتتكلم هي وعمر ومابينهم اتفاق انه
هيتقدم لها لما يتوظف)

ف الكافية

احمد: ايه ياسيف كنت مختفي فين الفترة دي
سيف: كان فيه شوية مشاكل كدا.. دا غير ان دادة عائشة ماتت

احمد: يا حول الله دا حصل امتا

سيف: من اسبوعين

احمد: طب ووعد عاملة ايه .. هي ليها حد غير دادة عائشة

سيف: لا مالهاش حد غيرها..

احمد: ربنا يصبرها

سيف: يارب .. او مال خالد فين

احمد: معرفش هو كمان بقالوا فترة مختفي

سيف بهزار: تفتكر اتجوز

احمد: لا دا ما افتكرش انه يتجوز

سيف: ليه يعني

احمد: اصل خالد مش من النوع اللي بيتحمل مسئولية بيت

وخلفة كدا فاهمني .. هو غيري انا وانت

سيف: اه .. اه فاهمك..

احمد: وبعدين دا مبيشبعش بنات مش هيكتفي بواحدة ..

فكك منه المهم انت قولي كنت عاوز تحكي لي حاجة

سيف: لا انا كنت جاي اقعد معاك بس..

(سيف كان هيحكي لاحمد فعلا عن كل حاجة عملها وياخذ

رأيه بس من غير ما يحكي هو عرف رأي احمد)

بعد شهرين

ف شركة ابو النجا

سالم: ادخل

السكرتيرة: سالم بيه ف اخبار جديدة عن الست اللي عايشة
ف اسكندرية

سالم بلهفة: اخبار ايه قولي

السكرتيرة: الست اتوفيت من حوالي شهرين

سالم: ايه .. انتي متأكدة من الكلام دا !

السكرتيرة: ايوة يافندم متأكدة

سالم: طب خليهم يجهزوا العربية بسرعة .. والغني كل
الاجتماعات

السكرتيرة: حاضر يافندم

ف اسكندرية

فاطمة: وعد عاملة ايه يابنتي

وعد: ابلة فاطمة انا كويسة الحمدالله .. تعالي اتفضلي

فاطمة: لا يا حبيبي مش هعطلك شكلك نازلة
وعد: اه كنت رايحة اشترى حاجة لعائشة وجاية
فاطمة: ربنا يخليها لك .. لو احتاجتي حاجة قوليلي
وعد: شكرا ربنا يخليكي .. بعد اذنك
فاطمة: اتفضلي يا بنتي

عمر: بتكلمي مين ع الباب ياما ما
فاطمة: كنت بكلم وعد .. احضرك تأكل
عمر: لا شكرا مش جعان
فاطمة بتفكر: عمر كنت عاوزة اقولك حاجة .. ولا بلاش
خلاص

عمر بقلق: خير ياما ما قولي
فاطمة: عمر انا عاوزك تتجوز وعد

ف العربية

سالَم ماسك الصورة ف ايده ويبصلها ومدمع وبيفتكر اللي
حصل من 20 سنة

فلاش باك

ف فيلا كمال الهلالي

كمال: اهلا ياسالم نورتنا ..وحشني والله هو اللي بيتجوز
بيختفي كدا

سالَم: بنورك ياكمال .. والله لسه راجع من السفر

نهلة: مبروك ع الجواز ياسالم ..

سالَم: متأخرة بس ماشي الله يبارك فيكي

عائشة: الولاد ناموا ياهانم .. تأمريني بحاجة تانية

نهلة: لا شوفي البيه يشرب ايه

عائشة: حاضر .. حضرتك تش... واقفت بلمت وسالم بصلها

نهلة وكمال: مالك يا عائشة

عائشة: لا مافيش

نهلة: انتو تعرفوا بعض

عائشة: لا معرفهوش .. عن اذنكم

نهلة وكمال اتوتروا: منورنا

سالم: شكرا

عائشة واقفة برا الفيلا بتعيط.. سالم وهو خارج شافها

سالم: عائشة

عائشة شافتوا مشيت

سالم جري وراها: استني .. انتي بتعملي ايه هنا

عائشة: زي مانت شايف

سالم: انتي شغالة هنا ليه

عائشة: وانت مالك .. ابعده عن طريقي..

سالم: انا اسف ع اللي عملتوا فيكي .. انا ندمت
عائشة: اسف ! ع انك كسرتني ولا ع انك رمتني انا وبنتك
وسافرت

سالم بفرحة: بنتي .. انتي جبتي بنت .. هي فين .. انا عاوز
اشوفها

عائشة: بعينك .. ولا عمرك هتطولها .. انت رمتها وهي ف
بطني .. متجيش بعد ٣ سنين تسأل عنها

سالم: بس انا من حقي اشوفها هي بنتي زي ماهي بنتك..

عائشة بعصبية: مش من حقك حاجة خالص .. مالکش حق
عليها .. اياك ياسالم تحاول تقرب لبنتي اياك .. ارجع لسفرك
ولمراتك ولحياتك وانساني وانساها

سالم: عائشة انا محبتش غيرك .. انا اتجوزت علشان ارضي
ابويا بس .. انا اسف اني سيبتك .. ارجوكي خليني اشوف بنتي
عائشة: مش هتشوفها ياسالم مش هتشوفها..

سالم: هاخدها بالقانون

عائشة ضحكت: مش هتعرف .. عارف ليه علشان انا
مكتبتهاش باسمك

سالم: انتي بتقولي ايه

عائشة: زي ماسمعت .. انا كتبتها باسم اختي وجوزها

سالم: انتي ازاي تعملي كدا ازاي

عائشة: علشان احميها .. مش هتقدر تاخدها مني ..

سالم: طب ارجوكي خليني اشوفها

عائشة: هخليك تشوفها بس مش هي

سالم: او مال ايه !

عائشة ادوته صورتها

عائشة: دي صورتها ومتطلبش مني حاجة تانية .. عن اذنك

سالم باصص للصورة: انا جايلك يابنتي .. انا جايلك يا حبيبتي

...

بسرعة شوية

السواق: حاضر يابيه

{ فهمتوا حاجة ؟ }

عمر: انتي بتقولي ايه مينفعش

فاطمة: مينفعش ليه يا عمر .. مالها وعد بنت كويسة ومتربية
وسطينا مش هتلقني احسن منها .. ولا انت مش عاوزها علشان
كانت متجوزه

عمر: لا ياماما بس وعد دي زي سندوس بنسبالي .. انا متربي
معاها استحالة

فاطمة: يابني البنت محتاجة حد جنبها

عمر: احنا جنبها من غير حاجة .. واكيد وعد كمان لو سمعت
الكلام دا هتقول اني اخوها

فاطمة: هجرب اسألها واشوف

عمر: لا ياماما اوعي عملي كدا .. وبعدين انا رجعت لفرح

وعد رجعت البيت .. نيمت عائشة وخرجت من الاوضة
.. وراحت ع اوضة خالتها .. فتحت الدرج علشان تطلع صور
عائشة .. مسكت صورتها

وعد: وحشتيني اوي ياخالتمش هنساكي ابدأ
"بتدخل الصورة شافت ورقة.. مسكتها باستغراب وبتفتحتها "
الجرس رن .. سابتها وخرجت تشوف مين .. فتحت
وعد اتخضت: انت !

{ طبعا فهمتوا ان الي جه سالم .. وعرفتوا ان سالم ابو وعد
ووعد بنت عائشة .. بس اكيد مش فاهمين وعد استغربت لما
شافت سالم ليه وهي متعرفهوش ؟ اقولكم بقا .. فاكرين
الكابوس .. والراجل اللي كان ف الكابوس .. طب فاكرين لما
قالت لسيف انها بتشوف وش الراجل بوضوح بس متعرفهوش
.. فهمتوا استغربت ليه لما شافت سالم {...

ياتري وعد هتعمل ايه لما تعرف الحقيقة ! هل هتسامح
عائشة ع اللي عملتوا ولا هتكرهها علشان حرمتها من ابوها كل
السنين دي .. هنعرف مع بعض الاجزاء الجاية تابعوا ...
متنسوش رأيكم يهمني جدا

رواية ابنتي ولكن بقلم ياسمين علي الفصل التاسع

ف فيلا كمال الهلالي

نهلة: انت يازفت الطين ياللي اسمك سلامة

سلامة: نعم ياست هانم

نهلة: مراتك خلصت الغدا ولا لسه

سلامة: لسه ياست هانم .. هستعجلها

نهلة: لا كدا مبقاش ينفع انا هكلم كمال يشوفلنا واحدة مكان

عائشة

ف اسكندرية

سالم ببص لوعد ومش مصدق نفسه انه اخيرا شاف بنته ..
ووعد واقفة مستغربة

سالم: كبرتي يا وعد

وعد: حضرتك تعرفني

سالم: اعرفك .. انا اكون ابوكي

وعد: بابا ازاي انا بابا متوفي .. حضرتك اكيد متلغبط .. بعد
اذنك وجت تقفل الباب

سالم: استني يا وعد .. انا هفهمك .. ممكن ندخل نتكلم جوا

وعد: ماشي اتفضل

{ وعد وافقت تسمعوا علشان ع الاقل تلقي تفسير لظهوره
ليها ف الحلم كل الفترة دي .. بس كانت خايفة }

ف اوضة سيف

نهلة: سيف يا حبيبي انت لسه نايم

سيف بنوم: ف حاجة ياما ما

نهلة: اه ف موضوع مهم عاوزك فيه بس لما تفوق كدا تنزل

نتكلم

سيف: حاضر

سالم يببصلها

وعد: تقدر تفهمني دلوقتي .. انت ازاي بتقول انك ابويا

سالم: انا ابوكي يابنتي صدقيني .. انا اتحرمت منك كل الفترة

دي وماليش ليكي غير صورتك وانتي صغيرة .. هي دي

وعد استغربت: دي صورتني فعلا .. انا مش فاهمة حاجة ..

ازاي انت بابا

سالم: انا عملت غلطة زمان عشت عمري كله ندمان عليها ..

ولما فوقت وطلبت من والدتك اشوفك وانتي عندك 3 سنين

.. رفضت

وعد: تطلب من ماما وانا عندي ٣ سنين ازاي .. ماما ماتت وانا

عندي ٥ شهور وخالتو عائشة هي اللي ربنتني

سالم استغرب: خالتك !

فهم ان عائشة مخبية عن وعد .. صعبتنيها عليا اوي يا عائشة

.. بصي يابنتي انا هحكيلك اللي حصل كله

سيف: نعم ياماما كنتي عاوزة ايه

نهلة: سيف يا حبيبي انا عاوزك تتجوز

سيف: نعم ! اتجوز مين

نهلة: نادين بنت سالم

سيف: نادين ازاي يعني ..

نهلة: هو ايه اللي ازاي البت كبرت واحلوت دا غير ان ابوها مع

فلوس تعيشك ملك طول عمرك

سيف: واحنا ناقصنا فلوس يعني..

نهلة: البحر يحب الزيادة .. احسن مايجي واحد غريب يلم كل

دا

سيف: بقولك ايه انا لما سيبت وعد ف دا كان علشان ابقا حر

نفسي .. ودا كان كلامك بردك .. عاوزة تجوزيني تاني ليه

نهلة: وعد ايه وقرف ايه بقولك بنت سالم ابوالنجا تقارنها

بوعد

سيف: وانا مش موافق حتي لو مكنتش اتجوزت وعد انا مش موافق ع نادين ولا عاوز اتجوز ... ولو قررت اتجوز هرجع لوعد..

نهلة: انت اتجنت انت عاوز تبوظ اللي عاملنه
سيف: قصدك اللي انتي عملي .. وضحكتي عليا بكلمتين صح !

نهلة: انت مش صغير علشان يضحك عليك... انت كنت عارف انت بتعمل ايه كويس
سيف: صح عندك حق انا مش صغير ... متعبيش نفسك بقا وتفكري ف عروسة ليا .. انا مش هتجوز . عن اذنك

وعد: ابيه ! يعني ايه انا بنت عائشة .. عيبت .. طب ليه خبت عليا كل دا .. انا كنت محتاجة وجودكم اوي
سالم: انا اسف يابنتي .. انا طلبتك منها وهي رفضت
وعد: انا دلوقتي فهمت الكابوس اللي كان بيجيلي

سالم: كابوس ايه

وعد سرحت وافتكرت الورقة اللي ف درج عائشة

وعد: ثواني وهاجي ... دخلت اوضة عائشة بسرعة وفتحت
الورقة وبدءت تقرأه

"وعد يابنتي انا بكتبلك الكلام اللي انا مش هقدر اوجهك بيه..
انا ارتكبت خطأ زمان وصلحته بخطأ اكبر منه.. اعتقاد مني اني
صح .. اللي فوقني لما لقيتك محطوطة ف نفس الموقف اللي
اتحطيت فيه من 24 سنة .. انا عارفة ان الكلام اللي هقولو
هيكون صعب عليكي .. هو صعب عليا انا كمان ونفسي
تسامحيني، انا امك يا وعد، عشت عمري كله ليكي، ع امل اني
اخليكي تعيشي حياة احسن مني، بس للاسف انتي عشتي نفس
اللي انا عيشته .. انا قدرت اعدي واوجه الحياة لوحدي .. بس
انا مش هقدر استحمل اشوفك كدا .. ابوكي عايش مامتش ..
انا اسفة اني حرمتك منه .. كنت فاكرة اني بعاقبه .. للاسف انا
عاقبتك انتي .. سامحيني يابنتي ارجوكي .. انا محبتش حد
قدك يا وعد .. انا اسفة "

وعد بعياط: ليه كدا .. ليه بيحصل فيا كدا .. يارب ارحمني ..

وخرجت لسالم وهي بتعيط

وعد: ليه اتخليت عني وعنهما

سالم: انا اسف يابنتي انا عشت عمري كله ندمان .. انا مستعد
اعوضك عن كل اللي فات

وعد: صعب اوي تعوضني .. انا احتاجت وجودك كثير اوي ..
ليه عملت كدا

سالم: انا غلط اه بس كان نفسي اشوفك مقدرتش اشوفك
بسبب عائشة منعتني منك .. اول لما عرفت انها ماتت جتلك
علطول .. انا هعوضك عن كل حاجة وهتبتلك دا .. انتي
هتيجي معايا دلوقتي تعيشي معايا انا واختك .. ارجوكي توافقي

"وعد بتفكر انها مبقاش ليها حد خلاص .. هي اه زعلانة من
ابوها جدا وف الاغلب هي لسه مسمحت هوش .. بس هي
محتاجه اكر ما هو محتاجها .. طول عمرها نفسها يكون
عندها اب يكون سند ليها "

وعد: انا موافقة .. بس بشرط

سالم: اشراطي براحتك

وعد: محدش يعرف ان عائشة تبقا امي ... مش عاوزها تكون
قدام الناس كدابة

سالم: اللي تشوفي انا موافق عليه بس المهم تيجي معايا

وعد: حاضر هحضر حاجتي انا وعائشة

سالم باستغراب: عائشة مين

وعد: بنتي..

سالم بفرحة: انتي اتجوزتي يا وعد وكمان ليا حفيدة

وعد: اه اتجوزت واتطلقت

سالم: ابيه ازاي حصل كدا

وعد: هو انا ممكن اسألك سؤال

سالم: اتفضلي

وعد: هو اللي انت عملتوا ف ماما اتعاقبت عليه ؟

سالم: اه يابنتي حرمانى منك دا كان العقاب..

وعد: لا دا مكنش عقاب .. دا كان اختيارك .. بس عقابك مش
انت اللي خدته

سالم: او مال مين

وعد: انا .. انا اللي اتعاقبت ع اللي انت عملتوا .. اللي انت
عملتوا ف ماما زمان .. جه اللي عملوا فيا .. عرفت بقا انا
اطلقت ليه !

سالم بحزن: وعد يابنتي .. سامحيني

وعد: اكيد هسامحك انت مهما كان بابا .. بس ممكن تديني
وقت

سالم: حاضر يابنتي هصبر بس المهم تكوني جنبي ..

وعد: حاضر هكون جنبك

ف الكافية

سيف قاعد متعصب

خالد: مالك ياعم مضروب ولا ايه

سيف: بقولك ايه ياخالد سبني ف حالي مش فايقلك

خالد: تصدق انا غلطان اولع

سيف: انا همشي احسن ماتجن ع حد

احمد مسكه: استنا ياسيف .. اهدا ياعم خالد شوية .. في ايه
ياسيف مالك..

سيف: اتخنقت مع امي علشان مصممة تجوزني

احمد: وفيها ايه ياسيف مانت مصيرك هتتجوز

سيف: لا يا احمد انا مش عاوز اتزفت

خالد: انا رأيي ان لو العروسة حلوة توافق

سيف: المشكلة مش ف العروسة .. هي حلوة اكيد .. المشكلة
ف اني مش عاوز اتجوز انا حر

خالد: مين العروسة لو حلوة انا جاهز اتجوزها انا..

سيف: نادين

خالد: نادين مين

سيف: بنت سالم ابو النجا

احمد وشه قلب

خالد: انت بتقول مين . . . ورفضت انت اتجننت .. هي دي
تترفض

احمد: وهي نادين رأيها ايه

سيف: معرفش هي بتقترح عليا بس علشان لو وافقت نروح
نطلب ايدها .. بس انا استحالة اوافق..

خالد: عبيط والله عبيط .. ماتقولو حاجة يا احمد بيرفض
النعمة

احمد: انا هقوم اروح علشان تعبان شوية وعاوز انام .. سلام
خالد: دا ماله دا كمان ..

المهم انت خليك معايا .. وافق ع البت دي حلوة اوي .. دا
غير فلوس ابوها ..

"سيف مش مركز ف كلام خالد .. قد ماركز ف ريكشن احمد
اللي اتغير لما سمع اسم نادين "

سالم: جهزتي يابنتي

وعد: اه

سالم: ممكن اشوف بنتك

وعد: اكيد

سالم شال عائشة وهو مبسوط وف نفس الوقت مدمع: بنتك

حلوة اوي شبهك يا وعد

وعد: شكرا ..

سالم: طب يلا بينا ..

وعد: هنروح مشوار الاول

سالم: مشوار ايه دا

ف فيلا سالم

نادين: فتحية .. فتحية

فتحية: نعم .. ياست هانم

نادين: هو بابا لسه مجاش

فتحية: اه لسه يهانم

نادين: طب انا هطلع اوضتي لما يجي ناديني ... انا انهاردة
مفضية نفسي ليه

فتحية: حاضر يهانم

سالم: وعد يابنتي لو هتتعي نمشي

وعد: متخافش انا كويسة .. بس مش هينفع اسافر من غير
ماشوفها .. خلي عائشة هنا .. مش هتأخر

سالم: ماشي يابنتي

وعد نزلت من العربية وراحت عند مقبرة عائشة وقعدت
قدامها

وعد: ازيك يا .. ياماما .. انا عرفت كل حاجة كنتي مخبيها ..
انتي اكيد بتقولي اني مش هسامحك .. انا اه منكرش اني زعلت
منك كان نفسي تقولي انك امي .. بس انا حاسة بيكي .. انا
اتحطيت ف نفس الموقف اللي انتي اتحطيتي فيه .. وفكرت
نفس تفكيرك .. ومكنتش اعرف نتيجته هتكون ايه .. انا
مسمحاكي يامي .. هتفضلي ف نظري اعظم شخصية .. انا

هفضل احبك وافتكرك .. بابا جه وهياخدني اعيش معاه .. انا
وافقت لاني محتاجة اوي هتوحشيني اوي ياماما .. عمري
ماهنساكي .. وقمت مشيت.

وصلوا الفيلا

وعد بصيت للفيلا: هو احنا هنعيش هنا

سالم: ايوة ياوعد يا بنتي .. من النهاردة دا بيتكم

فتحية: اهلا يا سالم بيه

سالم بفرحة: اهلا بيكي يافتحية .. نادين جت ولا لسه

فتحية: ايوة ياسالم بيه ف اوضتها

سالم: طب ناديها .. عندي ليها مفاجأة..

فتحية بتبص لوعد باستغراب: حاضر يا سالم بيه

فتحية طلعت لنادين بتخبط

نادين: ادخل

فتحية: البيه جه ومستنيكي تحت

نادين: ماشي انا نازلة

سالم: تعالي يا وعد ادخلي .. انتي مكسوفة ولا ايه

نادين: بابا واحشششني .. انت كنت...

سالم: تعالي يانا دين اعرفك دي وعد

نادين: اهلا بيكي .. مين دي يابابا

سالم: وعد تبقا اختك

نادين: نعم .. اختي ازاي يعني

سالم حكالها القصة كلها

نادين بعصبية: انت عاوزني اصدق الكلام دا كله .. انت جايب

واحدة من الشارع وتقولي دي اختك

وعد: انا مسمحكيش تتكلمي عني كدا

نادين: وانتي كمان ليكي عين تتكلمي .. انتي ايه اللي موقفك

معانا اصلا

وعد: انا مكنش المفروض اوافق اجي اصلا .. عن اذنكم
سالم مسك ايد وعد: ارجوكي متمشيش ارجوكي
نادين: انت كمان بتترجاه .. متسيبها تغور ماكان ماجت..

سالم: اسكتي مسمعش صوتك .. دي اختك الكبيرة غصب
عنك ولازم تحترمها .. وليها فيا زي مانتي ليكي .. وانا هنا اللي
اقول مين يقعد ومين يمشي ووعد هتعيش معانا لانها بنتي ..
ومسمعش كلمة تاني
نادين بعصبية: وانا مش قعدلك ف البيت .. اشبع بيها بقا ..
ومشيت

وعد: لو سمحت انا لازم ارجع اسكندرية .. انا مش جاية
اشقلب حياتكم
سالم: لا خليكي نادين هتهدا وهتحبك .. انا عارف كدا كويس
بس استحملها وخليكي معانا .. فتحية هتوصلك اوضتك ..
اطلعي ارتاحي

وعد: حاضر

{ نادين مكنتش متضايقه ان طلع ليها اخت .. بالعكس هي
نفسها ف اخت .. بس حسيت ان سالم هيحب وعد اكرت منها
{

نادين سايقه وهي منهارة من العياط كلمت صاحبته
نادين: انتو فين .. تمام انا جيا لكم

"وعد قعدة ف اوضتها وزعلانه من رد فعل نادين لما عرفت
انها اختها .. وحسيت ان وجودها هنا هيكون صعب .. وف
نفس الوقت هي محتاجة ابوها جدا ..

افتكرت سيف والقرار اللي كانت واخده انها مش هتخلي
يشوف بنته .. بصيت لبنتها وهي نايمه: انا استحالة اعيشك
اللي عيشتوا ولا اخليكي تحسي باللي حسيت بيه حتي لو هاجي
ع نفسي "

ف فيلا كمال الهاللي

نهلة: اخيرا جيت

سيف: لو هتتكلمي ف نفس الموضوع تاني ف وفري الكلام انا
مش موافق

نهلة: فهمني انت مش موافق ليه .. يابني انا عاوزة مصلحتك
سيف: مصلحتي مش مع نادين ولو سمحتي كفاية انا طالع انام
.. وطلع

نهلة: اهرب براحتك ياسيف .. ف الاخر هتسمع كلامي بردك

" احمد قاعد سرحان مش عارف ايه سبب انه اتضايق لما
سمع اسم نادين وان سيف ممكن يتجوزها .. فكر يروح المكان
اللي خالد وده فيه قبل كدا "

ف اوضة فرح بتكلم عمر ... سيف دخل فجأة

فرح: طب يا نيرة .. هكلمك بعدين .. سلام

سيف: لا يا شيخة نيرة بردك .. ماشي هعديها

فرح: عديها ومتعرفش ماما علشان متعملش حاجة تاني تبوظ

الدنيا ونبي

سيف: مش هقولها متخافيش .. المهم انتي مبسوطه

فرح: اوي ياسيف..

سيف: انا مبسوط اكر انك اتمسكتي بالحاجة اللي عاوزها ..

ومسبتهاش وهربتي

فرح: مالك ياسيف

سيف: ماليش المهم انتي بتسألني ع وعد

فرح: اه بكلمها بس مش علطول

سيف: هي كويسة

فرح: هي بتقول انها كويسة بس الله اعلم .. اللي حصلها مش

شوية

سيف: فرح هو انتي لو كنتي مكانها .. كنتي هتعملي ايه معايا..

فرح: اقل حاجة كنت هعملها احرمك من بنتك

سيف بزعل: تفتكري هي هتعمل كدا

فرح: معرفش .. بس انت زعلان ليه .. مش هو دا اللي كنت عايزه !

سيف: مش عارف يافرح انا مبقتش عارف انا عاوز ايه

فرح: لازم تعرف ياسيف قبل مالوقت يفوت وتندم ..

احمد راح المكان لقي نادين هناك عمالة ترقص وشكلها سكران وفيها حاجة غريبة .. والناس واقفة بتتكلم عليها .. اتعصب وراح شدها وهي بترقص

احمد: تعالي معايا

نادين وهي سكرانة: انت واخدني فين بس تعالي نرقص

احمد: بقولك يلا

نادين: انت غلس ليه بقا انا مش عاوزة امشي انا مبسوفة كدا سبني

واحد واقف مسك ايد نادين: ماتسيبها انت مالك

احمد شد ايدها منه: خليك ف حالك احسنلك .. وانتي

اتحركي...

خرج وهو بيشد نادين من ايدها وركبها العربية وركب

نادين: انت ايه اللي جابك .. سبني

احمد بعصبية: مش هسيبك ايه اللي بتعمليه دا .. وكمان

سكرانة وبترقصي وسط الشباب

نادين: وانت مالك اصلا .. انت رايح ع فين

احمد: هوصلك بيتك

نادين: اقف .. بقولك اقف انا مش عاوزه اروح .. وسبني ف

حالي بقا

احمد: عاوزه ترجعي للقرف اللي كنتي فيه ارجعي انا غلطان ان

خايف ع واحدة زيك .. انا كنت فاكرك محترمة بس ...

نادين بدت تعيط: بس ايه كمل .. شايفني مش محترمة صح

! .. بس انا مش كدا .. كل الناس بتشوفني وحشة ومغرورة

وتنكة وكل حاجة وحشة بتشوفوها فيا .. انا مش كدا ولا عاوزه

اكون كدا .. بس مش عاوزة حد يقرب مني .. انا من يوم ما
مامي ماتت بقيت خايفة من الناس عاملة مساحة بيني وبينهم
ع قد ماقدر علشان متجرحش واوصل للحالة دي .. وف
الاخر اتجرحت من اقرب حد ليا .. انا مش عارفة انا عملت كدا
ازاي .. انا مخنوقة اوبي ولوحدي ومحدث حاسس بيا ..

احمد: اهدي طيب انا اسف .. انتي مش وحشة انتي جميلة ف
كل حاجة حتي ف خناقتنا كنت بشوفك جميلة .. انتي لسه
ف نظري محترمة .. لو مكنتش شايفك كد مكنتش خدتك
غصب عنك .. نادين انا بحبك...

ياتري ايه رد فعل نادين ع كلام احمد .. ! وياتري سالم لما
يعرف ان اللي اذي وعد وجرحها يبقا ابن كمال هيعمل ايه فيه
؟ .. هنعرف الاجزاء الجاية تابعوا ... متنسوش رأيكم يهمني

رواية ابنتي ولكن بقلم ياسمين علي الفصل العاشر

احمد: اهدي طيب انا اسف .. انتي مش وحشة .. انتي جميلة
ف كل حاجة حتي ف خناقتنا كنت بشوفك جميلة .. انتي لسه
ف نظري محترمة .. لو مكنتش شايفك كدا مكنتش خدتك
غصب عنك .. نادين انا بحبك .. انا اسف ع كل حاجة عملتها
ضايقتك .. انا... *ويبصلها لقاها نايمة* .. ضحك .. هو وقته
نوم دلوقتي .. ومشي وصلها للبيت ..

احمد: نادين .. نادين .. اصحي

نادين: ايه دا انا فين

احمد: أنتي ف عربيتي .. انتي مش فاكرة حاجة ولا ايه

نادين: اه .. اه افكرت

احمد: طيب احنا وصلنا خلاص .. يلا اطلعي ارتاحي

نادين: انا مش عاوزة ادخل..

احمد: نعم او مال هتروحي فين

نادين: مش عارفة بس انا زعلانة من بابا

احمد: بصي اينكان اي حصل بينكم انا مش هسألك ايه هو،

بس هو لو عمل حاجة غصب عنه ف هو بيحبك واكيد مش
قصده يزعلك، اوقات احنا بنفهمهم غلط، ادخلي وهو اكيد
مش هيهون عليه زعلك ..

نادين بزعل: حاضر .. ونزلت من العربية .. احمد .. ممكن
متزعلش مني لو ضايقتك

احمد ابتسم: مش زعلان .. يلا ادخلي .. ومشي

نادين دخلت قابلت وعد قلبت وشها

وعد: حمدالله ع سلامتك .. انا محبتش انام غير لما اطمن
عليكي

نادين: شكرا .. متستننيش تاني .. انا كدا كدا بتأخر

وعد: حاضر .. هو انا ممكن اتكلم معاكي

نادين: انا تعبانة وعاوزة انام .. عن اذنك

وقت الفطار

وعد وسالم قعدين ونادين قعدة مبتكلمش حد منهم ..

سالم: رجعتي امنا امبارح يانادين

نادين: مش فاكرة

سالم: مش فاكرة ولا رجعتي متأخر ومش عاوزة تقولي

وعد: لا هي مرجعتش متأخر انا كنت صاحية

نادين: ممكن تخليكي ف نفسك

وعد: حاضر

سالم: قولتك كلميها باحترام .. دي اختك الكبيرة

نادين قامت من ع الاكل

وعد: انت كدا هتخليها تكرهني اكثر

سالم: اسيبها تجرحك بالكلام يعني

وعد: لو سمحت سيبها وانا هحاول اقربها مني ..

سالم: اللي تشوفيه يابنتي ..

وعد: هو انا ممكن اطلب منك طلب

سالم: انتي تطلبي عيني..

وعد: انا عاوزك تعين حد عندك ف الشركة .. هو خريخ تجارة
انجلس وجايب تقدير كويس .. بس محالفهوش الحظ بسبب
الواسطة

سالم: عيوني ماشي اعينه علشان خاطر ك قوليلي هو مين بقا
وعد: دا ابن جارتنا ومتربي معايا وف مقام اخويا وانا عاوزة
اساعده ..

سالم: يعني هو من اسكندرية .. بس كدا يابنتي هيبقا صعب
عليه انه يجي القاهرة كل يوم
وعد: لا متقلقش انا هقنعهم يجوا يعيشوا هنا ..

سالم: خلاص كلميه وخليه يجي يقابلني وانا ان شاءالله هعينه
وعد: شكرا اوي

سالم: وانتي ف كلية ايه ولا اتخرجتي
وعد: كان المفروض اتخرج السنادي بس محضرتش
الامتحانات بسبب الحمل

سالم: هو انا كنت عاوز اسألك ع حاجة ..

وعد: اتفضل

سالم: هو فين جوزك .. اقصد طليقتك فينه .. مسافر ولا فين .. لو هنا انا ممكن اكلموا

وعد: مالهوش لزوم انا كدا كويسة جدا .. ولو سمحت بلاش تفتح الموضوع دا تاني .. مش عاوزة افتكره

سالم بزعل: حاضر

نادين ف اوضتها قعدة متضايقه .. مش عارفة هي ليه بتعامل وعد كدا .. مع انها زعلانة من ابوها مش من وعد .. سمعت صوت طفل بيعيط .. خرجت تشوف مين لقيت عائشة بتعيط ف اوضة وعد .. اترددت انها تدخل .. ف الاخر دخلت وشالت عائشة ... وفضلت تلعبها لحد ماسكتت .. ونادين كانت مبسوطة .. لحد ما وعد دخلت الاوضة واستغربت وف نفس الوقت فرحت .. نادين سابت عائشة..

نادين: هي كانت بتعيط كنت بشوف مالها .. انا اسفة .. وجات تمشي

وعد: استني ينادين .. دي بنت اختك ليكي الحق تمسكيها
عادي .. انا مش هزعل .. بالعكس انا فرحت جدا .. يمكن هي
دي تكون سبب ف اننا نقرب

نادين: بس انا مش عاوزة اقرب من حد وخلص انا قولتلك
اسفة .. عن اذنك

وعد: ليه بتكابري وبتتلمي بطريقة غير اللي جواكي..

نادين: تقصدي ايه

وعد: بصي ينادين انا عارفة انك مش طايقاني ليكي حق .. انتي
فاكرة اني جاية هنا اخد اونكل سالم منك

نادين: اونكل ! مبتعرفيش تقولي بابا ولا هو مش ابوكي..

وعد: انا عمري ماقلت بابا وصعب عليا اقولها ف يوم وليلة
.. بس هحاول اتأقلم واقولها .. المهم انا عاوزة اعرفك انا مش
جاية اخده منك ولا اخد حبه .. انا عشت عمري كله محرومة
من الاب والام وهما عايشين .. رغم غلطهم سمحتهم علشان
محتاجهم بجد .. ربنا عالم بوجعي طول السنين دي ولما

عرفت الحقيقة بس حطي نفسك مكاني .. لما تبقي لوحدك
ومش عارفة حياتك هتكون عاملة ازاي ولا هتربي بنتك ازاي
وفجأة ربنا يبعثلك اب واخت هتفرضي تكوني معاهم ؟ .. انا
ملقتش حل غير اني اوافق مش طمعانة ف حاجة والله ..
وياستي لو انتي شايفاني وحشة .. وسرقت فرحتك والله العظيم
ارجع زي ماكنت ومش هزعل منك .. بس محبش انتي تكوني
زعلانة مني..

نادين دمعت: انتي جميلة اوي .. انا اسفة لو ضايقتك ..
ومتمشيش لا خليكي .. زي مانتي محتاجنا انا كنت محتاجة
اخذت من وقت ما ماما ماتت وانا بقيت لوحدتي .. زي ما ربنا
بعثنا ليكي انتي كمان ربنا بعثك لينا .. متزعليش مني لو جرحتك
.. مكنتش شايفايكي صح ..

وعد بتعيط: مقدرش ازعل منك .. تعالي ف حضني بقا ..
حضنوا بعض .. وسالم دخل هو كمان عيط لما شافهم
حضنين بعض

سالم: كان نفسي اشوفكم كدا من زمان..

نادين ووعد جروا عليه حضنوا ..: ربنا يخليك لينا يارب

سالم: ويخليكم ليا يا احلي بنتين ف الدنيا ... يلا بقا ينادين
خدي اختك وانزلوا اشترى هدموم وكل الحاجات اللي وعد
هتحتاجها ..

نادين: حاضر يا بابا .. يلا يا وعد حضري نفسك

وعد: مالهوش لزوم التكلفة دي..

سالم: تكلفة ايه بس يا وعد اللي بتتكلمي فيها .. انا كل فلوسي
تحت امركم .. واه انا هجيب واحدة ترعي عائشة وقت مانتي
متكونيش موجودة

وعد: لا انا هرعها بنفسى .. انا مطمئش ع بنتى وهي مع حد

نادين: مش هينفع يا وعد هتحتاجى واحدة معاكي اكيد انتي
مش علطول هتكونى مع عائشة .. واطمنى بابا هيجيب واحدة
احنا واثقين فيها .. ويلا بقا جهزي نفسك علشان متحمسة
ننزل نعمل شوبينج مع بعض

وعد ابتسمت: ماشى ياستى علشان خاطرك

ف فيلا كمال الهالالى

سلامة: الشغالة اللي بعثها كمال بيه جت وواقفة برا ادخلها
ياهانم

نهلة: اه دخلها

...: ازيك ياست هانم

نهلة: انتي اللي كمال بعثك .. شكلك صغيرة .. انتي اسمك ايه

كريمة: خدمتك كريمة ياهانم

نهلة: كنتي بتشتغلي ف حنة قبل كدا

كريمة: ايوة ياست هانم كنت شغالة ف مكان وسيبتوا

نهلة: وسبتيه ليه..

كريمة: صاحب البيت كانت عينه زايدة ومرتحتش ف الشغل
هناك

نهلة: طيب اطمني هنا مش هتقابلك المشكلة دي .. انا مش
عاوزكي هنا خدامة وبس .. انا عاوزكي عيني اللي بشوف بيها ..
كل حاجة تشوفها تقولي عليها .. انتي فاهمة

وعد: فين دا يابنتي لا مش هعرف اللبسوا وهو كدا بجد

نادين: يا حبيبتي الفستان حلو وشيك جدا .. انتي لازم تاخدي
ع اللبس دا هتحتاجيه ف الحفلات وكدا

وعد: ماشي هحاول

نادين: طيب ادخلي غيري عبال ما احاسب .. وعاوزين نروح
نقعد ف مكان وتحكي لي بقا قصتك .. عندي فضول اعرف كل
حاجة

وعد: ولا وان مبحبش افكر الحاجات اللي حصلت معايا بس
ماشى هحكى لك

اسبوع عدا .. سالم وظف عمر ف مكان كويس وبمرتب حلو ..
ونادين ووعدا اندمجوا مع بعض جدا .. وسيف ونهلة ف
مشاكل لانها لسه مصممة علي جوازه من نادين اللي هو اصلا
مش ف بالها ..

ف اسكندرية

فاطمة: يعني خلاص يا عمر قررت هنعيش هناك

عمر: ايوة ياماما انا مصدقت فرصة الشغل دي مش عاوز
اضيعها

فاطمة: والله وعد دي بنت اصول وكتر خيرها ع اللي عملتوا .
.. بس مش فاهمة ايه حكاية ابوها دي

عمر: مالناش دعوة ياماما .. المهم ان بقا ليها عيلة بدل
ماتعيش لوحدها

فاطمة: عندك حق يا عمر والله .. المهم انت هتعمل ايه مع
فرح

عمر: هتقدم لها ان شاء الله

فرح نازلة تجري ع السلم ومبسوطة

سيف: مالك يامجنونة

فرح: باركولي باركولي .. عمر هيجي يتقدملي .. ومش بس كدا
دا نقلوا من اسكندرية وهيعيشوا ف القاهرة هنا

نهلة: ابيه

كمال: الف مبروك يا حبيبي .. اهي دي الأخبار ولا بلاش

سيف: مبروك يافروحة .. كبرتي وهتبقني عروسة..

فرح: الله يبارك فيكم يارب .. انا هطلع اشوف هلبس ايه بقا

نهلة: مبروك ع ايه ياكمال .. انت موافقها ع الجنان الي هي
عاوزه دا

كمال: ايوة يانهلة انا وعدتها انه لما يتقدم هوافق .. انا مش
عاوز حاجة غير سعادة بنتي وكفاية اللي انتي عملي

نهلة: اللي انا عملتوا هو الصبح وف مصلحتها .. الولد دا لا
يمكن يتجوزها

كمال: هيتجوزها يانهلة غصب عن عين اي حد

نهلة: انت قصدك غصب عني

كمال: بالظبط دا اللي اقصده وكفاية بقا تحرمي عيالك من
سعادتهم .. ومشي وسابها

نادين: انتي هتفضلي متخرجيش كدا يابنتي ..

وعد: اخرج ارواح فين يعني .. وبعدين معرفش حد هنا

نادين: تصدقي جتلي فكرة .. بس يارب بابا يوافق عليها

وعد: فكرة ايه..

نادين: بما انك متعرفيش حد وبردك محدش يعرفك .. انا بقول اننا نعمل حفلة كبيرة ليكي تتعرفي فيها ع الناس

وعد: لا انا ماليش ف الحفلات والكلام دا

نادين: اسمعيني بس والله هتبقا حاجة حلوة جدا وانتي لازم الناس تعرف انك بنت سالم ابو النجا .. بصي انا هقول لبابا ..

وعد: استني يامجنونة انتي انا لسه موافقتش

نادين: لا ما حنا مش هناخد موافقتك اصلا ... يابابا .. يااابابااا

سالم: ايه صوتكم عالي ليه .. مالكم

نادين: كنت عاوزة اقولك ...

وعد حطت ايدها ع بق نادين: لا يابابا متشغلش بالك دي نادين بيجلها صرع قبل ماتنام متقلقش انا ههديها روح كمل نوم انت

نادين: لا يابابا انا مبيجليش صرع ولا حاجة .. انا كنت عاوزة

اقولك اننا نعمل حفلة بمناسبة رجوع وعد ونعرف الناس ع
وعد وكدا ايه رايك

سالم: والله فكرة حلوة مجتش ف بالي .. احنا لازم نعرف وعد
ع الناس .. خلاص انا موافق..

وعد: مالهاش لازمة والله

سالم: لا يابنتي ازاي لازم الناس تعرفك ... نادين انتي عليكي
تجهيزات وانا هعزم كل الناس اللي نعرفها

نادين: حاضر يا بابا ... بكرة حلواوي

وعد: انتو مستعجلين ليه كدا

نادين: يابنتي حلاوتها ف شهقتها..

وعد: حماوتها .. حماوتها مش عارفة تقولي المثل تسكتي

نادين: اي حاجة المهم الحفلة هتكون بكرة .. انا هصحا بدري
اجهز كل حاجة .. واصحا ليه انا مش هنام انا هسهر ارتب كل
حاجة .. روجي انتي نامي ومتقلقيش بكرة هيكون يوم جميل

اوي وهتفرحي

وعد: ماشي لما نشوف .. تصبجي ع خير

نادين: وانتي من اهله

تاني يوم

وعد صحيت من النوم لقيت فستان متعلق لونه موف
منفوش وشكله شيك وحلو اوي .. ابتسمت .. سالم دخل

سالم: عجبك

وعد: حلو اوي .. انت اللي جبتوا

سالم: اه .. دا الفستان اللي هتلبسيه ف الحفلة .. عاوزك تبقي

سندريلا انهاردة

وعد بضحك: مش للدرجة يعني..

سالم: انتي احلي من سندريلا يا وعد

وعد ابتسمت

سالم: للدرجادي كنت غبي لما ضيعتك مني كل السنين دي ..
واتحرمت من الابتسامة الحلوة دي .. ياتري سامحتيني ولا
لسه يا وعد

وعد حضنته: سامحتك يابابا

سالم دمع: يا حبيبتي يا بنتي

نادين: الله الله بقا انا طالع عيني ف الترتيبات وانتو هنا
بتوزعوا حنان من غيري

سالم: تعالي ف حضني انتي كمان

نادين حضنته: يا حبيبي يابابا .. يلا كفاية احضان بقا وقولي
انت عزمت الناس ولا لسه

سالم: عزمت كله خلاص ..

نادين: حلو وانا خلصت كل الترتيبات .. وكلمت ميك اب
ارتيست هتيجي ل وعد كمان ساعة

وعد: ياه انا نمت كثير ولا ايه انتو لحقتوا تجهزوا كل دا

نادين: اه مانتي تنامي وانا اسهر

وعد: يا حبيبي ربنا ما يحرمني منك

نادين: يلا اللبسي الفستان القمر دا بقا .. وانا هروح اجهز ..
وانت يا بابا اجهز علشان تستقبل الناس

* في فيلا كمال *

نهلة: كمال انت جاي بدري يعني

كمال: اه عندنا حفلة ياستي جهزوا نفسكم

فرح: حفلة ايه دي يا بابا

كمال: سالم ابو النجا عامل حفلة بمناسبة رجوع بنته

نهلة: رجوع بنته ايه انا مش فاهمة حاجة

فرح: هو اونكل سالم عنده بنات غير نادين ..

كمال: هو انا اعرف حوار قديم اوي انه كان متجوز واحدة قبل

كدا وكانت حامل بس هو طلقها .. بس مكنتش اتوقع ان يجي

يوم ويرجع بنته .. واهي رجعت وعملها كمان حفلة

{ سيف سمع الكلام افكر وعد وانه عمل فيها نفس الي سالم
عملوا .. وبيقول ف باله يعني انا ممكن مشوفش بنتي كل
الفترة دي }

نهلة: اممم .. بس حلوة الفكرة دي اهو نتعرف عليها يمكن
تطلع حلوة وتعجب استاذ سيف .. بدل ماهو مش عاوز نادين
سيف بعصبية: ممكن تسبيني ف حااالي بقا ..
كمال: ف ايه ياسيف بتكلم مامتك ليه كدا
سيف: قولتلها مليون مرة انا مش عاوز اتجوز .. ومش هتجوز
بطريقتها دي تمام ارتاحي بقا ... وطلع ع اوضته .. وفرح
طلعت ورا
نهلة: عجبك قلة ادبه دي..

كمال: خلاص يانهلة سبيه هو يختار.. يعني اخته تختار وهو
نجوزه غصب عنه

نهلة: ومين قالك اني موافقة ع اخته اصلا

كمال: وانتي توافقي ليه هو انتي اللي هتتجوزي ولا بنتك

نهلة: لااا انا هتشل منكم بجد ..

كمال: طب استني لما نروح الحفلة الاول متتشليش دلوقتي

ف اوضة سيف

فرح: مالك ياسيف .. متعصب ليه

سيف: قولتلها تسبني ف حالي .. حطاني ف دماغها

فرح: اهدا طيب تقول اللي تقوله .. انت اعمل اللي انت عاوزه
وخلص

سيف: لا يافرح مش هسيبها تقول اللي تقولو .. انا مبقتش
قادر استحمل طريقته

فرح: في ايه ياسيف الموضوع مش موضوع ماما .. انت مالك
انا اول مرة اشوفك كدا..

سيف: انا مش مبسوط يافرح .. انا كنت تايبه ومش عارف انا
عاوز ايه .. انا دلوقتي عرفت ايه الي انا عاوزة وايه اللي

هيخليني مبسوط

فرح: ايه !

سيف: انا عاوز ارجع لوعد وعاوز بنتي

فرح: يا سلام وانت لما تعوز تسيبها تسيبها بسهولة كدا وترجع
تقول عاوزهم !

سيف: كان غصب عني ..

فرح: مافيش حاجة كانت غصب عنك انت مسئول عن
تصرفاتك ياسيف

سيف: ماشي انا معترف بغلطي ومستعد اعمل كل اللي هي
عاوزه بس ترجعلي .. ساعديني يافرح

فرح: طب بص بكرة ان شاءالله نساافر اسكندرية نشوفها
ونشوف هترضا تسامحك وترجعلك ولالا .. بس دلوقتي قوم
اللبس علشان نروح الحفلة دي

سيف: مش عاوز اروح ف حته

فرح: لا ياسيف عيب ممكن اونكل سالم يزعل .. نروح بس

الحفلة وبكرا يحلها ربنا ف موضوع وعد

سيف: ماشي يافرح

وعد ف اوضتها لبست وخلصت وقعدة .. نادين دخلت

نادين: الله حلوة اوي .. الفستان تحفة .. شبه الاميرات بجد

وعد: انا خايفة اوي انا اول مرة اللبس فستان زي دا وحاسة اني

وانا نازلة هقع ع وشي قدام الناس .. الفستان ثقيل اوي

نادين: لا ان شاءالله ميحصلكيش حاجة..

وعد: هما الناس جت ولالا

نادين: اه ف ناس كثير جت تحت

وعد: ربنا يستر

سالم: اهلا كمال بيه .. ازيك يامدام نهلة اتفضلوا منورين

نهلة: دا نورك والله يا سالم بيه .. اومال فين نادين وصاحبة

الحفلة .. متشوقة جدا اشوفها

سالم: اتفضلوا استريحوا وانا هطلع اجيبها واجي .. اتفضلوا ..
وطلع يجيب وعد

{سيف سرحان وبيفكر ف وعد وخايف متسامحهوش ولا
ترجع معاه .. وفرح بتتصل بعمر تشوفوا اتاخر ليه}

سالم: وعد يا حبيبي يلا الناس مستنياكي تحت
وعد: بابا انا خايفة اوي

سالم: انا جنبك متخافيش اي حد هيسأل سؤال انا هرد عليه
متقلقيش محدش هيقدر يضايقك

نادين: يلا بقا يابنتي

وعد: حاضر .. يسر خليبالك من عائشة ها ..

يسر: عائشة ف عنيا ياهانم اطمني

ووعد مسكت ايد سالم ونازلوا .. سلموا ع الناس ..

سالم: تعالي بقا يا وعد اعرفك .. ع صديق عمري .. هتحبيه
جدا هو وولاده .. وخذها عند كمال .. اعرفكوا وعد بنتي

نهلة وفرح وكمال اتخضوا وواقفوا وسيف ووعد فضلوا باصيين
لبعض لمدة دقيقة

سالم: في حاجة انتو تعرفوا بعض

وعد: لا .. بابا عن اذنك انا هطلع اشوف نادين .. وطلعت ..
وسالم اتخرج ومش فاهم ايه الي حصل واعتذرلهم ومش

نهلة: مش ممكن ازاي .. وعد تبقا بنت سالم

سيف اتضايق ومش مشيت وراه ..

نادين: انتي طلعتي ليه انتي لحقتي تتعرفي ع الناس

وعد بتعيط

نادين: مالك ياوعد بتعيطي ليه حد ضايقك !

وعد: شوفته

نادين: هو مين دا

وعد: سيف

نادين: سيف مين .. ابن كمال الهلالي .. ماله

وعد: سيف يبقا طليقي يا نادين..

نادين: اييه ... اللي عمل فيكي كل دا يبقا سيف .. دا لو بابا
عرف هيخرب الدنيا عليهم

وعد: لا يا نادين متقوليش لبابا .. مش عاوزة مشاكل .. انا
خلاص بعدت عنه

نادين: يعني عاوزني مقولش لبابا ان سيف ابن كمال الهلالي ..
هو دا اللي كنتي متجوزه

سالم: انتو بتقولوايه !

في فيلا كمال .. رجعوا من الحفلة كلهم منهم اللي مستغرب
ومنهم اللي متفجأ ومنهم اللي حاسس ان كل حاجة خططلها
انتهت .. كلهم طالعين ع الاوضة

كمال: استنوا عندكم

نهلة: في ايه ياكمال

كمال: انا عاوز افهم ايه اللي حصل .. وشكم قلب لما شوفتوا
وعد ليه

نهلة بتوتر: في ايه ياكمال .. احنا بس اتفجانا وبعدين مانت
كمان استغربت

كمال: اه استغربت بس وشي مقلبش ولا مشيت وسيبت
الحفلة

نهلة: انت تقصد مين..

كمال: هو عارف نفسه كويس .. انا مش اهيل

فرح: طب بابا ممكن نتكلم بعدين

كمال بعصبية: مافيش بعدين .. دلوقتي لازم افهم ..

سيف: عاوز تفهم ايه

كمال: عاوز افهم وشك قلب ليه لما شوفتها ومشيت وسيبت
الحفلة

سيف: عاوز تفهم حاضر هفهمك..

نهلة: اطلع ع اوضتك ياسيف

كمال: اسكتي انتي مسمعش صوتك .. انطق فاهمني

سيف: جه الوقت اللي يعرف فيه مش هنفضل مخبيين ...

انا اتجوزت وعد .. وطلقتها وهي حامل

كمال: ايبيه !

ياتربي كمال وسالم بعد ما يعرفوا هي خسروا بعض ولالا ..
وسيف هيعمل ايه مع وعد بعد ما عرف انها بنت سالم ...
هنعرف ف الاجزاء الجاية تابعوا .. متنسوش رايكم يهمني ..